

本草綱目拾遺

錦章圖書局  
印行

R281.3  
12-3

木部

響豆

也北偶譚樂安有孫公者年九十強健如四五十歲人自言生平惟服響豆每歲菘菘子將熟時  
輒令人守之不令鳥雀啄落既成即收作二枕夜聽其有聲者即響豆也因棄其餘如是數月而得  
響豆所在每樹不過一枝每歲不過服一粒如是者數十年無他術也  
顧氏家訓陳眉吾常服響  
實年七十餘日看細字鬚髮猶黑抱朴子云槐子服之令人補腦髮不白而長生殆即此響豆也  
明日

悅顏色開心志強筋骨補血髓 紀曉嵐先生姑妄聽之云響豆者槐實之夜中爆響者也一樹祇  
一顆不可辨識其法槐始花時即以絲網罩樹上防鳥鵲啄食結子熟後多縫布囊貯之夜以為枕  
聽無聲者即棄去如是遞枕必有一囊作爆響者取此一囊又多分小囊貯之枕聽如初得一響者  
則又分二枕如是漸分至僅存二顆再分枕之則響豆得矣

木蛇 百草鏡云木蛇似蛇有鱗甲內紋黃色如菊花瓣亦奇物也 治狗咬

通香木 邊志木長數尺出塞外以沸湯沃之取其汁洗衣服及灌一切花卉灑屋宇壁經年香氣不  
滅燒之能降天神香氣遠數百里契丹珍之 治奇疾人不知名者服之即愈焚之辟瘟疫穢氣邪

祟

閩月椶皮 徽州者色紫為上救生苦海椶皮每歲只生十二瓣逢閩月多生一瓣惟此瓣中間有  
界紋為異按詹氏小辨云椶每月生一片歲生必十二片唯當閩月之年值所閩之月則此一片僅  
有其大半亦不成片家有椶園每歲臘盡剝之歷驗此無中氣之徵也據此則閩月椶皮無全瓣者  
○石室奇方椶欄遇閩年則生半片歲長十二節閩月增半節 治血症郭大林云煨存性研陳年  
者尤佳服二三錢試過效驗王巽初云用一瓣燒存性作二服亦可

南天竹 即楊桐今人多植庭除云可辟火災綱目木部南燭條載其枝葉功用云苦平無毒止泄除  
睡強筋益氣久服長生不饑變白卻老并引上元寶經言服草木之王氣與神通食青燭之精命不  
復殞皆謂指此而於其尋常日用功概不著錄至其所引附方亦僅取聖惠方中之治風疾及誤  
吞銅錢而已餘亦未之及焉故悉補之○王聖俞云烏飯草乃南燭今山人寒食挑入市賣與人家  
染烏飯者是也南天竹乃楊桐今人植之庭除冬結紅子以為玩者非南燭也古方用烏飯草與天  
燭乃山中另有一種不可以南天竹牽混此說理確可從之明目烏鬚解肌熱清肝火活血散滯食  
物宜忌云南燭葉味苦性平從新云苦酸瀉平子名紅把子治八角蟲同水銀搗爛擦之即除亦可  
浸酒去風痺從新云南燭子酸甘平強筋骨益氣力固精駐顏子白色者名玉珊瑚小兒天哮三奇

木部響豆 木蛇通香木 閩月椶皮 南天竹

上海錦章書局石印

方 用經霜天燭子臘梅花各三錢水燻燻一條俱預收臨用水煎服一劑即愈 下疳久而潰爛名蠟燭疳 不藥良方紅杷子燒灰存性一錢梅花冰片五釐麻油調搽 三陰瘡 文堂集驗南天竹隔年陳子取來蒸熟每紅杷子燒灰存性一錢加冰片五釐麻油調搽 解砒毒 劉霞裳云凡人食砒垂死者用南天竹子四兩搗水服之立活此歲一粒每早晨白湯下 方劉在松江府署親試驗者如無鮮者即用乾子一二兩煎湯服亦可 葉 洗眼去風火熱腫膠淚赤痛及小兒疳病取其葉煎湯代茶服○卻疫仙方行篋檢秘凡人稍覺頭疼身體酸困便即感冒寒邪急宜服此藥發散毋使傳經變成時疫此方經驗多人神效異常用烏梅紅棗各三枚燈心三十根南天竹葉三十片芫荽梗三段 無芫荽以葱白三節代之亦可 甘草麥冬各三錢小柴胡二錢水二鍾煎一鍾不拘時溫服微汗即愈 瘰癧初起 百草鏡南竹葉威靈仙夏枯草金銀花各四兩陳酒四壺隔水煮透一日三服半月除根 每服藥酒須吞丸藥○丸藥方殭蠶一斤炒研砂糖和丸桐子大每次吞一錢梗今人畫眉籠中置之可去烏風○作筋可治膈食隔氣

查克木 宦遊筆記塞外有查克木叢生樹高五尺許無皮枝幹清翠可愛葉似三春之柳然質甚堅並無柔條垂絲頗耐霜雪若伐以爲薪著火即燃形似炭有紅焰而無烟置徑寸於爐中歷一二日乃燼惟生於瀚海沙磧之地遇大風根株即拔因入土未深是以天札無經久者○西北域記查克木產推河似絲柳而不垂無皮耐霜雪色青時入爐即燃數日乃燼然大者拱高者尋風斯拔之何者地沙且鹹根難據而易朽也 治產難臨蓐之時握其木易產心痛燒灰服之

綠益子 邊志出遼東樹高丈餘其葉兩兩相對開花如蓋大黃色花謝結實亦兩兩相對大如木瓜綠色春生夏熟人不可食誤食之入口即齒落如屑舌黑如漆滿口裂碎血出如水終日不能食經旬方止又能碎骨如泥彼處橐駝初生取以潤其蹄則千里可行否則不能行其性剛利如錐舉而刺之利如刀鋸凡作角器必用此 性烈有大毒能腐骨碎齒入外科方術家用

丁香油 百草鏡丁香油出南番乃用母丁香榨取其油色紫芳香辛烈番人貯以琉璃器蓋偶不密即香達於外粵澳門多有之○藥性考丁香油出西番○氣味甘辛性大熱透關竅驅寒力更速於丁香治胃寒痛或滴少許入煎藥或以油塗臍上痛處○暖丹田除水瀉塗暖臍膏貼解蟹毒以一滴同薑湯服指牙治口臭○藥性考云壯陽煖腎疝痛陰寒○按齊民要術雞舌香即母丁香時珍所謂雄爲丁香雌爲雞舌香也丁香中雌者獨大而可取油雄者細小不中榨取予內兄朱放鵬曾宦於粵據云

丁香油亦近時始有其性熱而淫凡衣飾器物經染其氣數日不減近日豪貴家多珍之爲房帷用以色紫同玫瑰滴水中攪之散而復聚者爲眞僞者曰樟木油色稍淡紫中帶黃黑色氣辛烈觸鼻作樟腦氣滴沐器洗衣或入香佩可以辟汗不入藥用綱目於丁香下附丁香皮及根枝不及油或其時尙未

腦氣滴沐器洗衣或入香佩可以辟汗不入藥用綱目於丁香下附丁香皮及根枝不及油或其時尙未

腦氣滴沐器洗衣或入香佩可以辟汗不入藥用綱目於丁香下附丁香皮及根枝不及油或其時尙未

有卽有亦未行人中土也 塗麟散賦痞受寒胃痛好酒和服 金御乘云胃寒呃逆嘔吐甚者用丁香油擦透中院痛痺擦痛處皆立效試過極驗 祝穆試效方治瘰癧化核膏用之取其香烈直透經絡辛以散結滯耳

**檀香油**

藥性考出粵中船上帶來 味苦除惡開胃止吐逆

**肉桂油**

百草鏡粵澳洋船帶來色紫香烈如肉桂氣或云肉桂脂也或去桂子所榨未知孰是 性熱氣

猛入心脾功同肉桂 傳信方治各種瘡用燈草一莖約長三四寸以水稍潤再以肉桂油塗之貼背脊

風府穴下至肺俞止外以綿紙條封之須臨發前一二時爲之或先一日更妙貼後次日發癰更重嗣後

漸減蓋風寒暑溼盡爲提挈而然也

**水安息**

出廣中洋船帶來波斯交趾皆有之形如荔枝而大外有殼包裹皮色亦如鮮荔枝開之中有香

如膠漆黃褐色氣甚馥郁此物如開用不盡者須連外殼置盤中方不走溢否則遇五月黃梅時其汁自

滿溢出殼外雖殼內所存不過少許亦會溢出亦一異也綱目安息香本條所言皆乾者云是樹脂集解

下引葉廷珪香錄云有如傷者謂之安息油卽是此種瀨湖又未詳其功用今時頗行故采補以備用其

設有絲毫裂縫油卽走溢須以憑青熬化滴之○百草鏡云安息香有水旱二種水安息難得焚其香旁

置水盂試之其香烟投水中還結爲香惟分兩稍減耳○五雜俎云安息香能聚鼠其烟白色如縷直上

不散 辛平無毒通心神除邪魅辟瘴毒止心痛下鬼胎入心經通腎氣尤益房箔故龜靈劑用之以興

陽反魂丹用之以救急然大耗真氣凡氣虛挾火者不可服忌見火○藥性考水安息香辛苦性溫除風

寒霍亂煖腎興陽治心腹蠱氣血淋遺精鬼交鬼孕薰勞瘵 辟瘟丹 陳杰回生集用紅棗二斤茵陳

切碎八兩大黃切片八兩水安息五錢合爲錠每晨焚之 種子二方 周氏家實潮腦飛升白霜一兩

麝香一錢枯礬三錢龍骨二錢良薑三錢五倍子二錢明雄二錢水安息母丁香酥合油各五錢官桂三

錢輕粉二錢紫梢花二錢大山茨菰三錢共爲細末煉蜜爲丸桐子大蠟丸封固月信後納一丸次日再

納一丸種子如神并治血淋白帶陰瘡陰蝕楊梅瘡毒等症 又方 眞川附子一箇重一兩二三錢者

山茨菰四錢此二味要童便浸透焙乾研末川烏八錢五倍子三錢此二味同研末水安息五錢生蠟酥

八錢此二味同研不麻草烏五錢明雄五錢此二味同研末官桂五錢母丁香八錢同研末酥合油五錢

眞鴉片三錢同研末紫梢花二錢蛇牀子一兩倭硫黃五錢輕粉五錢右藥爲末同白芨五錢煎水合前

藥打成錠每行時用津磨少許茶莖首能治精滑并久不生子且能解毒遇瘡不染若早午晚各搽一次

久不斷更有神效與前方男婦同用更佳或再加人參五錢尤妙 穿腮起管年久不愈 許氏方用水

安息搽之管化毒愈

**夜蘭** 嶺南雜記產粵道旁小樹也狀如木蘭亦類紫葳高一二尺葉大如指頭頗帶藍色葉老則有白

木部 檀香油 肉桂油 水安息 黎椒 白胡椒

上海錦書局石印

篆文如蝸涎名鬼畫符葉下有小花如粟米至晚香聞數十步恍若芝蘭又名蚊驚樹暑月有蚊折此樹逐之即驚散○粵語夜蘭木本高尺許葉如槐花如粟米至夜則芳香如蘭折之可以辟蚊插門上蚊不敢入一名蚊驚樹有病取其葉生啖或煎水即吐痰數日而愈葉上有篆文如符又名神符樹○關嶺南隨筆夜蘭生羅浮幽谷中有香無形與肉芝同為神物與此名同物異○敏按粵志步驚木以嫩葉和米數粒微炒煎湯飲之可愈嘔瀉寒痰花有幽香步行遇之往往驚為蠶蘭故亦曰步驚永安人以嫩葉乾之持入京師作人事核其功用形狀或即夜蘭歟 治一切風寒諸病取葉煎湯服少頃大吐痰涎或行路侵寒暑吐瀉危篤採數葉嚼或吐或不吐病即愈

**黎椒** 白胡椒 山胡椒 馬思答吉 邊州聞見錄川椒故有名產自黎大所城隅者尤香冽大小必雙兩

理細密罅裂而子不墜俗呼抱娃子椒○四川志各州縣多出椒惟茂州出者最佳其殼一開一合者尤妙 性同川椒入藥尤效 按黎椒近日亦罕有真者外方所得俱屬彼土人以他產偽充其功效亦僅與川椒相埒據劉少府芑清云真者含一二粒口中可辟瘴毒解魚蝦食毒更可為導淫具彼土中有一種生惡瘡妓女人不敢近惟吞黎椒三粒與之接則無害次日便出椒內盡包其毒不入人臟腑也故真者彼土亦珍貴之罕有出售於外者

**白胡椒** 通雅云廣船胡椒有一種玉椒色白味獨辛於他椒今甯波洋貨店頗多其色如雪以內外通

白者為上皮白內黃者劣解魚蝦毒入房術用○蓬萊李金什言洋船帶來白胡椒據彼中人云即用胡椒之嫩者生去其皮曬乾即如白玉色非別有他種物理小識胡椒出番國亦是蔓生有白色者或曰即畢澄茄 胃痛 百草鏡用大紅棗去核七箇每箇內入白胡椒七粒線紮好飯鍋上蒸七次共搗為丸如綠豆大每服七丸溫滾水下如壯實者用十丸服後痛止而胃中作熱作饑以粥飯壓之即安此寒食屢飲皆治 治九種心疼 葉天士方丁香去頂蓋廣木香雄黃巴豆去油淨

白胡椒各三錢枳殼紅花五靈脂各一兩共為細末好酒發為丸如菜子大候乾收貯瓶內每服八釐唾津送下忌生冷油膩半月除根 白痧藥 種福堂方白胡椒一兩牙阜一錢火消檀香末明

**山胡椒** 百草鏡雲南木邦土司出一種山胡椒色黑顆大主止痛破瘀

**馬思答吉** 五雜俎出西域似椒而香酷烈彼土以當椒用主開胃消食破積除邪

**金剛纂** 滇志金剛纂花黃而細土人植以為籬又一種形類雞冠○撈幢小品金剛纂生天目其樹

長不滿三四尺多屈曲雖春夏亦無葉每觸其枝曳裾不前夷緬國有是種相傳到其末漬水水必毒飲者立死曰人瘴又能借之為誘淫之法○張洪使緬錄緬地有水曰金剛纂狀如櫻欄枝幹屈曲無葉剉以漬水暴牛馬令渴極而飲之食其肉必死○劉魁若程賦統會雲南大侯州出金剛纂

青色如刺桐最毒○真記云金剛纂碧幹而蟬芒孔雀食之其漿殺人以為草者誤今曲江建水石屏處處有之 性有大毒入丹毒家用丹房本草金剛纂純陽草也伏硫與柳葉藤同用其功最神

**鍛樹皮**

本草補泰西有鍛樹呂宋亦有之其色紅狀如杜仲初因人取樹皮包切肉數縷抵家合成一片始知其皮能合肉接骨也因名曰鍛樹本草人參條下所載根木音賈而此鍛音斷不同或係二種

當與有識者辨之敏按根葉與烏血相相似而大如團扇有鉅齒初生時可裹餅餌蒸食霜後鮮赤若丹楓照耀岩谷其皮柔韌如麻皮烏刺之人采以治繩作魚網入水不濡又可為烏鎗火繩中國所無也 治折傷胎疝一切損傷肉破骨斷取皮搗碎煎酒服又以渣敷患處完好如初幼兒患疝由於胎中得者此因皮開裂腸入腎囊疼痛難忍亦能戕命此葉久貼皮膜裂處自然復合永無患矣但非幼童之年則不可治方用鍛樹皮或搗爛或削片以油潤溼黏布上貼患處外以布牢繫腰間或半年三箇月方愈

**黃葛樹**

川權皮邊州聞見錄蜀多黃葛宜賓學宮前騎牆樹而生根未至地已合抱此樹以某月種每歲必某月始芽入藥用根皮藥肆中多取其皮以代川權○義嶺山志嘉樹在羅目縣東南三十里陽山江概兩樹對植圍各二二尺上引橫枝巨二丈相援連理陰庇百夫其名曰黃葛號嘉樹蘇子由詩于生雖江陽未省到嘉樹即此○益部談資黃葛樹葉似桂稍大團葉蔭數畝冬春不凋幹則擁腫根皆蟠露土上至於石崖之側則全欲不藉土生者萎之梁方最多惜無材用○按王阮亭居易錄雲南多黃果似海棠稍大者香如佛手甘脆如梨多津液蜀產者樹而不結實其皮類川權亦能愈癬今日黃葛或音之譌耳 治疥癬取其根皮煎湯浴之

**川權皮**

生川中色紅皮厚而氣猛烈產孟獲城者只一株傳為武侯遺植殺蟲如神生剝其皮置蟻其上即死今亦罕有他省產者名土權皮薄而氣劣不得混施今川人多用黃葛皮代之以售他處○通雅真川權皮切斷中有絲白茸如杜仲○羣芳譜川權色紅氣厚力優 癬瘡 楊起簡便方癬瘡不愈以川權皮煎湯用肥早去核及內膜浸湯時時擦之或以出磨雄黃搽尤妙 又見不藥良方頑癬多年不愈○活人書川權皮二錢輕粉五分斑蝥七箇大楓子七粒何井水共一鍾煎半露一夜筆蘸塗之○又方川權皮四兩輕粉雄黃各四錢百藥煎四餅斑蝥一錢巴霜錢半大黃二兩海桐皮二兩研如粉陰陽水和抓損敷之必待自落愈 荷葉癬 活人書川權皮切片海桐皮檳榔各一錢輕粉錢半紅娘子五分陰陽水浸一二日用鵝翎掃上加癢以竹片刮破搽此藥夜露三宿更妙遍身頑癬

**大楓子**

四十九枚川權皮二兩斑蝥去翅足五箇川椒一錢輕粉二錢杏仁三錢海桐皮二錢共末河井水各一盞浸一夜鵝翎蘸汁搽之 癬瘡不愈 不藥良方川權皮煎湯取肥早去核及內膜浸湯

**內時時搽之**

牛皮癬癩 毛世洪經驗集川權皮一斤勿見火曬燥磨末以好燒酒十斤加榆麩四

**水國花**

麻櫟藥

**上海錦章書局石印**

**水國花**

麻櫟藥

**麻櫟藥**

上海錦章書局石印

**上海錦章書局石印**

上海錦章書局石印

**上海錦章書局石印**

上海錦章書局石印

**上海錦章書局石印**

上海錦章書局石印

**上海錦章書局石印**

上海錦章書局石印

**上海錦章書局石印**

上海錦章書局石印

**上海錦章書局石印**

上海錦章書局石印

**上海錦章書局石印**

上海錦章書局石印

**上海錦章書局石印**

上海錦章書局石印

兩浸七日為度不時蘸酒搽擦二三十年者搽一年斷根如無川槿土槿亦可代之○治頑癬種福堂  
方川槿皮海桐皮尖檳榔樟冰苦參黃蘗白芨各二錢雷丸一錢五分大楓子杏仁各二粒木鼈四箇  
用火酒浸七日將穿山甲刮癬少碎以酒搽之即愈○五仙散經驗廣集治久年頑癬牛皮癬神效紅  
粉霜五分明礬川槿皮杏仁各一錢蜜陀僧三錢為末津調抹一日三次三日全愈 粉刺 孫台石  
方川槿皮一兩疏黃二兩杏仁二兩去皮尖輕粉二錢樟腦五錢麝香少許為末雞子清調早洗晚搽  
秘傳雄鼠骨散 治牙落可以重生用雄鼠骨一具生打活雄鼠一箇剝去皮雜用鹽水浸一時炭  
火上炙肉自脫落取骨炙燥入眾藥內同研為末香附白芷川芎桑葉曬乾地骨皮川椒蒲公英青鹽  
川槿皮旱蓮草共為末擦牙百日復出固齒無不效

土漆

玉環志皮如桃樹皮黏著人手即發腫若刀瘡見血搗此皮敷之即止 止金瘡出血

水團花

李氏草秘生溪澗近水處葉如蠟梅樹皮似大葉楊五六月開白花圓如楊梅葉皮皆可用  
治金刃傷年久爛脚瘡搗皮葉罨上一宿即癒

麻櫪果

治胎疝毛世洪經驗集凡小兒初生發疝止見啼哭不見病形延至一周兩歲始知是疝諸醫  
不效用麻櫪樹上之鶯鶯果一對其果連樹枝取下可辨真假一對果可治三人荔枝核七枚杵碎平  
地木三錢同煎飲即瘥亦不復發

千張紙

木蝴蝶水實也出雲南廣南府形似扁豆其中片片如彈翼焚灰用 治心氣痛 按千張紙撰  
志以為木實據程豹文言千張紙乃仙人掌草曬乾其中心層層作羅紋捲心折之如通草狀故名此  
物用七張燒灰酒服可治胃脘痛楊桐崗云蘇州有之狀如通草約手掌大曾用入丸中可治浸淫惡  
瘡今並存其說以俟考本草綱目雜草內有宜南草即此形狀亦同云主邪小兒女以緋絹袋盛佩臂  
上辟惡止驚而不知其可服食也

木蝴蝶

出廣中乃樹實也片片輕如蘆中衣膜色白似蝴蝶形故名 四邊薄而明中心微厚不甚明透  
似有子壁囊白膜狀治肝氣痛用二三十張銅鏡上焙燥研細好酒調服○貼癰疽項秋子云木蝴蝶  
出廣西儋如蝴蝶中心如竹節色更白凡癰毒不收口以此貼之即斂 治下部溼熱

風葉

稗史柳之桂陽縣產風葉充茗飲能愈頭風故名亦可浸酒性微熱前人志記不載 性微熱追  
風活血可浸酒服

拔爾撒摩

坤輿圖說木名出白露國此樹生脂膏極香烈可入藥 傅金刀傷一晝夜肌肉復合如故  
塗痘不癢塗屍千年不腐

楓果

卽路路通 卽楓實一名楸子乃楓樹所結子也外有刺毬如栗殼內有核多孔穴俗名路路通以  
金箔貼之村嫗簪於髮云可明目宜老出浙臨安縣署後安樂山者名錢墳楓果最佳焚之香郁可燻

衣辟瘴疫綱目楓脂香載其木皮不及其實之用今補之宜於焚燒未有入湯液之用其果冬月卽孕  
楓蠶子於中交春內生蠶每果中有一箇立夏後乃化蛾飛去入藥取無蟲陳久者用○魏西雜志楓  
香果出雲南者焚之殺鬼去邪辟瘴溼 辟瘴卻瘟明目除溼舒經絡拘攣周身痺痛手脚及腰痛焚  
之嗅其烟氣皆愈熏衣被可除蚤 敏按楓果去外刺皮肉圓如蜂巢卽路路通其性大能通十二經  
穴故救生苦海治水腫脹用之以其能搜逐伏水也 治癰 德勝堂傳方楓木上莖十箇燒灰存性

白砒五蓋共末香油搽上卽愈 腦毒 古今良方路路通一箇煨存性研末酒煎服  
咬人狗刺軍 臺灣府志咬人狗其木甚鬆手摺之便長條逆起可爲火具木高丈餘葉長大似烟葉有  
毛刺刺人入毛孔甚癢搔之發紅痛一晝夜乃止 治瘰癧 臺海使槎錄附刺軍 李氏草秘其樹形

似烏桕有刺刺人卽暈故名 治癰腫定疼取樹腦葉入醬板鹽花罨發背癰疽腫毒痛甚者罨上卽  
止痛不問已未潰罨至愈

桂子 桂丁 桂耳 桂根 學圃餘蔬有一種四季開花而結實者此眞桂也閩中最多常以春中盛開

凡桂四季者有子此眞桂也江南桂八九月盛開無子此木樨也○臨海志唐垂拱四年三月月桂子  
降臨海芳香有桂氣味食之和暢宋紹定閒舒某於天台山得月桂子一升大如樟子無皮色似白玉  
敘如雀卵中有仁嚼之作芝麻氣以之雜菊入囊爲枕有散佚石縫中者旬日輒出樹葉柔長經冬猶  
在種入盆中久之亦失所在 性温味辛平肝煖胃胃院寒痛甚宜○藥性考甘辛温中煖胃平肝益

腎散寒止咳

桂丁 百草鏡云形如吳茱萸出廣西交趾乃肉桂子也治心痛辟寒邪胃痛百草鏡桂丁研細酒下三

錢 桂耳 出開化山中乃多年老樹蒸出蕈也面紅色土人採得以治血疾 治一切血症及吐血 按綱

目分桂爲五種曰桂卽今所謂交桂曰牡桂今廣桂曰箇桂俗呼木犀曰天竺桂浙中山桂也有子如  
蓮曰月桂四季有花者此桂子乃天竺桂子也綱目失載主治若月桂則固載其子矣曰桂丁乃廣桂  
之子綱目亦不言其主治至於桂耳則各桂皆有之性亦畧同綱目皆不載悉爲補之○和齋園夜談  
隨錄呂司馬季弟琪從司馬官嶺南署中有小院頗幽靜著有古井在軒右井畔有二老桂大合抱值  
夏夜月光甚皎琪納涼軒下聞井中有聲不絕凭欄窺之見井水白如銀中有紅丸大如彈子約數十  
百點光明如火向上競相跳躍漸躍漸高去欄僅尺餘琪驚白司馬次日命夫緹下探之無他異得桂  
子數十粒鮮赤如新琪卽戲以井水服之曰七七枚七日而盡蓋適取得四十九枚也後琪壽至九十九  
歲無疾而逝平原董太史曲江與琪善親見而誌之○敏按今月桂子如蓮葫鮮者色青乾之淡黑色  
呂琪所見大如彈丸鮮赤如新當別是一種考天地運度經云太山北有桂樹七十株天神青要玉女

三千守之其實赤如橘人食之一年可以上昇或是此種借琪公所服止四十九枚耳故得壽  
桂根 陳年入土最深者入藥用 貼牙痛可斷根即取桂樹根上皮用 學齋帖曝花中惟巖桂四出  
予謂土之生物其數皆五故草木花皆五惟桂乃月中之木居西方地四乃西方金之成數故花四出  
而金色且開於秋云

櫻木 似檜亦名水松抱木生者性剝皮同乘鮮剝創造履俗稱抱香履潮州頗多 能治溼脚氣辟邪

風

樟皮 樟梨此香樟樹皮也綱目有樟材樟腦樟節而皮與子皆不及焉今山人率以皮子治病有效因急  
補之樹皮以年久老樟者為佳治天行瘟疫溼毒流注浴疥癬洗脚氣 心疼 玉局方香樟樹皮取  
時去面上黑色者用內第二層皮搗碎煎湯服即止永不復發 刑杖傷 神錦方樟樹皮用老酒燉  
出味調老公雞冠血食止痛散血立效 霍亂上吐下瀉 傳信方樟樹皮一把水煎溫服立止 聊  
上生瘡 家寶方此瘡個個如小筆管大者用樟樹葉牙咬熟畧搽拔毒丹外貼樟樹葉連換即愈

敏按樟木綱目言辛溫香竈性能除溼故山居人患病多宜之象山縣志萬曆中邑大疫有一道人教  
人取千年老樟樹皮煎飲可愈并言樹老久飲霜雪其性轉清涼可消疫氣此即藏器所云樟木能治  
惡氣中惡鬼疰之意

樟梨 即樟樹子也出處州府遂昌縣福羅鳩仙人壩周公園大者為貴小者次之子友黃慶春與一遂

昌人相善其人饋以樟梨云可治心胃院疾服之立效即香樟子也較他產者畧大蓋千年樟樹所結  
故效如神葉南郊自處州回詢以樟梨據云此非子乃千年樟樹所結於枝椹間者如瘤然土人以形  
似梨故名之然則此乃樟瘤也然與子所見又不類姑並存其說以俟再考焉 磨塗腫毒治中酒心  
胃疼皆效

榕鬚 藥性考榕葉似大麻子如冬青枝幹拳曲木本棱凹不成材器而結奇香其脂與漆相似可以貼  
金膠物勝於楮脂○嶺南雜記榕樹閩廣最多他省則無故紅梅驛以北無榕大者蔭十餘畝離奇古

怪備木之異然體曲不中梁柱理斜不中材用質虛不中薪爨莊子所謂以不材而壽者也漳浦黃石  
齋先生有榕頌其木年久者常結御南香焚之致鶴植於水際其子可以肥魚細枝曝乾束為炬風雨  
不滅其脂乳可以貼金接物與漆同其鬚可入藥用○說文以帛為古松字六書故以古松字為帛而  
帛為南方之榕通雅云榕當別出狀木始於稽含分字始於戴何柳宗元詩榕葉滿庭鶯亂啼後山叢  
談言蔡州壺公觀有大木四垂傍出人莫能識張幾聞人嘗至蔡為余言乃榕木此木無用惟枝上垂  
根曝之可作火繩以發炮又可染黑質甯志所云倒生木不死樹橫枝生根下地如灶即榕無疑粵志  
榕之怪在根自上生下語曰榕木倒生根○粵志榕葉甚茂盛柯條節節如藤垂其幹及三人圍抱則

枝上生根連綿拂地得土石之力根又生枝如此數四枝幹互相連屬無上下皆成連理其樹可以側插以枝爲根復以根爲枝故一名倒生樹幹中空不堅無所用離之木也其象如離之大腹其中空處常產香木炎精所結往往有伽南焉粵人以其香可來鶴子可肥魚多植於水際其樹脂可以貼金接物與漆相似性畏寒踰梅嶺則不生故紅梅嶺有數榕爲炎塞之界有紅白大葉小葉數種○按泉州府志榕有二種一種發而盤桓其鬚著地復生爲樹一種名赤榕上聳廣大二種蔭最寬廣入藥用有鬚者 固齒養復方止牙痛 取榕根鬚摘斷入竹管內將鹽塞滿以泥封固火煨存性爲末擦牙

搖動者亦堅竹管不用

**欄七樹**

治腹中虻痛救生苦海用欄七樹柴內取之號灰研細洒下或滾水下三錢且能除根 破傷

**風**

百草鏡欄七樹刮去外面粗皮取內白皮搗爛酒煎服渣和白麩搗敷患處自愈

**柏瘦**

百草鏡老樹生此其狀如瘤柏性西指乃稟西方兌金之氣故能平胃土而治胃痛亦取其氣相

攝服耳 治胃痛

**柏子殼**

綱目有柏實無子殼近時奇功散用之 解砒霜如神 集驗良方奇功散用柏子殼三錢炒

**紅土三錢**

同研爲末用雞子清調服服後作一寒顛即愈重者不過兩服

**松毳**

松皮膏 此卽山松所結卵毳初青久則裂作鱗甲形片片四開而墜兒童拾之盈筐攜入市貨與

茶爐代炭能益茶味入藥取青嫩者綱目松下列松實云見果部不知果部乃海松子出關東與山松

異山松毳內老亦有子細如粟米不中食品 白點風 家寶方先以蔥花椒甘草三味煎湯洗再以

青嫩松毳蘸雞子白硫黃同磨如粉茶上八九次除根

**松皮膏**

色如琥珀出西域伊犁等處西域聞見錄烏魯木齊乾隆四十年改爲迪化州其土人取松皮

爲膏謂之松樹膏藥 性溫治血一切虛怯勞瘵婦女血枯血閉諸症服之有效 陳海曙家有此膏

自西域帶來黑如漆上蓋松皮一塊云其松皮厚者二三尺卽此皮所熬曾以治勞嗽十日病減又十

日而病痊又十日而生肌漸復如舊每服三錢空心白水調下服一月無不愈者○槐西雜志田耕野

官涼州鎮時攜回萬年松一片性溫而活血煎之色如琥珀婦女血枯血閉諸症服之多驗親串家遞

相乞取久而遂盡後子至西域乃見其樹直古松之皮非別一種也土人煮以代茶亦微有香氣其最

大者根在干仞深澗底枝幹直出山脊尙高二三十丈皮厚者二尺有餘奴子吳玉保嘗取其一片爲

牀意直盤古時物萬年之名殆不虛矣

**羅漢松實**

物理小識羅漢松潤瓣厚葉樹老結實長四五分底平上銳色紫黑乾之可入藥本草綱目

所未載也○永甯信云羅漢松葉長者名長青能結實葉短者名短青不結實其結實儼如佛大者如

雞子小者如豆味甘可食 味甘補腎其香益肺治心胃痛大補元氣 汪連仕采藥書羅漢松一名

羅漢松實 汪連仕采藥書羅漢松一名

羅漢松實 汪連仕采藥書羅漢松一名

羅漢松實 汪連仕采藥書羅漢松一名

金錢松又名徑松其皮治一切血殺蟲瘡癬合蘆薈香油調搽

山西柏油 松油 其色黑若紫者係此油脚也其氣若松香竹箸挑之懸絲不斷者真 殺壁蝨凡人家

牀凡板壁患此者以油滴縫內其蟲盡死又搽禿瘡 治癬 集驗良方真柏油四兩黃蠟一兩雄猪

膽一箇斑蝥三錢川椒去目并閉口者三錢先將斑蝥川椒二味研末聽用次將生柏油入砂鍋內熬

極熟似有生烟之狀然後將蠟入油內鑄化再將猪膽汁傾入即離火將斑蝥川椒二味末子拌入用

竹節急急攪勻將藥放在滾水盆上浸三日去火毒然後入瓷罐內封固聽用○治諸般癬多年近日

癩毒生柏油一瓶塗患處後用年老枯桑柴火熏烤內有毒蟲即死待好即止如一次倘不瘳再熏即

愈○又癬方經驗廣集真柏油調輕粉塗上起泡泡消即愈○治狗癬疹同壽錄用柏油不拘多少鐵

杓內熬次下鴉鴿糞雞糞同和加香油少許擦之 治頭面耳上黃水瘡 活人書真柏油真香油各

二兩同熬成膏搽上如神 赤遊丹 醫林集祕蛻蟻十條土蛛窠五六箇出草屋老壁內柏油舊漆

器上刮下漆少許共搗以柏油調搽患處立愈

松油 其取油法以有油老松柴截二三寸長劈如燈心粗用麻線紮把如茶杯口大再用水盆一箇內

盛水半盆以盥一隻坐於水盆內用席一塊蓋於盥上中挖一孔如錢大再以紮好松把直豎放於席

孔中間以火點著少時再以爐灰週圍上下蓋緊勿令走烟如走烟其油則無候溫養一二時其油盡

滴盥內去灰簾取出聽用一名癩油 治疥瘡久遠不愈百藥不效以此油新浴後擦之或加白礬末

少許和擦更妙 茶油即榨樹子油 枯餅 乃榨樹子油也豫省閩粵皆食茶油而不知為榨樹子油俗呼茶油實非茶

子之油也煎熬不熟食之令人瀉 味甘性涼氣腥色綠潤腸清胃殺蟲解毒不宜生食燃燈益目抹

髮解腫 枯餅 藥性考云餅能浣衣除垢最潔燒灰敷瘡亦可下積洗風瘙癢可用皮葉

杉木油 經驗廣集有取杉木油法用紙糊盥面以杉木屑堆盥上取炭火放屑頂燒著少時火將近紙

卽用鐵筴抹去燒數次開盥看卽有油汁在盥內 治一切頑癬先用穿山甲刮破用羊毛軟筆蘸油

塗上甚加疼痛停半日再塗癬自結痂而愈如已破者不必刮癬藥極多都及此真神方也

清明插簷柳 清明日插在屋簷下枯柳枝朝南者入藥 物類相感志清明楊柳能止醬醋之潮溢

甜瘡 濟世良方以清明插過柳枝燒存性一錢銀硃七分共研再入飛礬一分傳之 小兒胎火不

尿 濟益方凡初生小兒小便不通乃是胎中熱毒未化不可用寒涼金石之劑只須取清明插簷柳

枝朝南者一握煎湯服之卽尿大人小便閉服之亦效○治尿便周子象方用清明插屋簷下枯柳一



鐵扇子 百草鏡桑葉探過二桑者勿用止探過頭葉其二葉力全至大雪後猶青於枝上或黃枯於枝

上皆可用須經大雪壓過次日雪晴探下線穿懸戶陰乾其色多青黑色風吹作鐵器聲故名鐵扇子

冬至後探者良 治腸風目疾咳嗽盜汗百草鏡洗一切天行時眼風熱腫痛目澀眩赤取鐵扇子一

張用無油茶盃一隻要有蓋者置鐵扇子於中以滾水沖半盞蓋好候湯溫其色黃綠如濃茶樣為出

味然後洗眼拭乾隔一二時再以藥汁盃隔水頓熱再洗每日洗三五次即愈此水一盞可洗三四十

人養素圖驗方中年眼目昏花 眼科要覽復明散用經霜雪桑葉須臘月在樹不落者同甘菊側

柏葉荆芥穗桑白皮如有眵淚加艾葉蒼朮發癢加赤芍川椒為粗末等分和勻煎湯熏洗惟紅腫者

不可洗 風眼不振 不藥良方臘月不落桑葉煎湯日日溫洗之或加入芒消少許

桑柘 乃多年老桑數被翦伐嫩條其枝頭長成如拳者是也 治膈症 梁侯瀛集驗方用老桑柘

抽燒紅存性為末好酒送下即愈

桑葉 鮮桑葉摘開其葉筋有白汁名桑葉滋又名桑脂綱目桑葉載其用最廣獨未及此 性微寒

味苦有天絲入眼以此點之 山海草函桑葉滋點眼治蜈蚣咬 治乳癰 集聽用桑葉不拘頭二

葉摘去中段取後半段脂三分黃藥八錢水煎乾止用三分飯鍋蒸一次夜露一宿塗患處雖爛見骨

者亦能收口平復 小石瘡今人呼為紫馬疔錢峻經驗單方云小石瘡採二蠶桑葉滴下滋水點上

愈○消癭瘤秋泉秘方用蝌蚪一錢蛇蛻泥球包煨為末三分鬼饅頭滋乾一錢桑葉乾一錢乳香沒

藥各三分麝香一分共為細末飯和搗為錠臨用時再取鬼饅頭滋化開以雞翎搽患處過宿即消

桑油 萬氏家抄有取桑油法鮮桑木槌碎裝入瓶內用一瓶蓋口倒埋土中燒火煨之油自滴下貯罐

聽用 治小兒身面爛瘡輕粉雄黃各五錢豬膽一個滑石一兩硫黃五錢穿山甲十五片炙鳳凰退

燒存性五錢為末用桑油豬膽汁調絹包擦之

伽楠香 今俗作奇楠乘雅作奇南棧香棧木速香名而廣人亦呼奇南為棧名同而香異也粵海香語

伽楠雜出海上諸山凡香水之枝柯竅露者木立死而本存者氣性皆溫故為大蟻所穴大蟻所食石

蜜遺漬其中歲久漸浸水受石蜜氣多凝而堅潤則成伽楠其香木未死蜜氣未老者謂之生結上也

木死本存蜜氣膏於枯根潤若傷片者謂之糖結次也歲月既淺木蜜之氣未融木性多而香味少謂

之虎斑金絲結又次也其色如鴨頭綠者名綠結摺之痕生釋之痕合按之可圓放之仍方鋸則細屑

成團又名油結上之上也伽楠本與沈香同類而分陰陽或謂沈也味苦而性利其香含藏燒乃芳

烈陰體陽用也伽楠杜也味辛而氣甜甘香勃發而性能閉二便陽體陰用也然以洋伽楠為上產占

坡者剖之香甚輕微然久而不減產瓊者名土伽楠狀如油速剖之香特酷烈然手汗沾濡數月即減

必須灌以清泉膏以蘇合油或以甘蔗心藏之以白萼葉其之產土數月日中稍暴之而後香魂乃復

也占城者靜而常存瓊者動而易散靜者香以神行動者香以氣使也藏者以錫爲匣中爲一榻而多  
窠蜜其下伽楠其上使薰炙以爲滋潤又以伽楠末養之他香末則不香以其本香返其魂雖微塵許  
而其元可復其精多而氣厚故也尋常時勿使見水勿使見燥風微溼土則藏之否則香氣耗散○本  
草乘雅云奇南與沈同類因樹分牝牡則陰陽形質臭味情性各各差別其成沈之本爲牝爲陰故味  
苦厚性通利臭含藏燃之臭轉勝陰體而陽用藏精而起亟也成南之本爲牡爲陽故味辛粹臭顯發  
性禁止能閉二便腸體而陰用衛外而爲固也至若等分黃機品成四結狀有四十有二則一矣沈香  
有四十二品第牝多而牡少獨奇南世稱至貴卽黃機二等亦得因之以論高下沈本黃熟固坎端櫻  
透淺而材白臭亦易散奇本黃熟不唯櫻透而黃質遠理猶加熟色遠勝生香羹炙經旬尙襲襲難過  
也機卽奇南渡重者曰金絲其熟結生結蟲漏脫落四品雖統稱奇南結而四品之中又有分別油結  
糖結蜜結綠結金絲結爲生爲熟爲漏爲落井然成秩耳大都沈香所重在質故通體作香入水便沈  
奇南雖結同四品不唯味極辛粹著舌便木願四結之中每必抱木曰油曰糖曰蜜曰綠曰金絲色相  
生成跡迥別也奇南一品本草失載後人僅施房術及佩圖繫握之供取氣臭尙爾希奇用其形味想  
更特異沈以力行行止爲用奇以力行止行爲體體中設用用中具體牝牡陰陽互呈先後可默會矣  
○宦遊筆記伽楠一作琪璠出粵東海上諸山卽沈香木之佳者黃蠟沈也香木枝柯竅露大蟻穴其  
竅蟻食石蜜歸而遺香其中歲久漸漬木受蜜氣結而堅潤則香成矣香成則木漸壞其旁草樹咸枯  
有生結者紅而堅糖結者黑而軟瓊草亦有土伽楠白質黑點今海南人取沈速伽楠於深山中見有  
蟻封高二三尺隨挖之則其下必有異香南中香品不下數百種然諸香賦性多燥烈薰燒日久能令  
人髮白血枯惟伽楠香氣溫細性甚益人而范石湖桂海香志獨不載及詎不使寶鴨金猊之閒少一  
韻事乎但佳者近亦難得○陳讓海外逸說伽楠與沈香並生沈香質堅彫剔之如刀刮竹伽楠質軟  
指刻之如錐畫沙味粹有脂嚼之黏牙其氣上昇故老人佩之少便溺焉上者曰鶯歌綠色如鶯毛最  
爲難得次曰蘭花結色微綠而黑又次曰金絲結色微黃再次曰糖結黃色者是也下曰鐵結色黑而  
微堅皆各有膏膩匠人以雞刺木雞骨香及速香雲頭香之類澤以伽楠之液屑僞充之○物理小識  
云奇南與沈同類自分陰陽沈牝也味苦性利其香含藏燒更芳烈陰體陽用也奇南牡也味粹沾舌  
麻木其香忽發而性能閉二便腸體陰用也其品有綠結油糖蜜結金絲虎斑等錐之其屑成團舶來  
者佳○東西洋考交趾產奇南以手爪刺之能入爪既出香痕復合又有奇楠香油真者難得今人以  
奇楠香碎片漬油中蠟熬之而成微有香氣此僞品也 黎媿會仁恕堂筆記東捕寨日本支國也夜  
中不睹奎宿國人多騎象產奇楠其取奇楠之法國人先期剖牲密禱卜有無走密林中聽樹頭有如  
小兒語者便急數斧而返遲則有鬼搏人隔年始一往取先上王及三優讀如馬彼國專政之將軍也

重加洗剔視上者留之厚酬其值次者下者乃聽別售也○查浦輯聞榕樹千年者其上產伽楠香金立夫言盛侯爲粵海監督時須上號伽楠入貢命十三洋行於外洋各處購求歲餘竟無佳者據云惟舊器物中還有所謂油結色綠招之痕生釋之漸合者今海外諸山皆難得矣卽占城所產香氣輕微久而不滅冬寒香藏春暖香發靜而常存者是蜜結嗅之香甜其味辛粹入手柔嫩而體輕爲上品今時亦罕有其熟結生結蟲漏脫落四結之中每必抱木曰油曰糖曰蜜曰綠曰金絲其生結者紅而堅糖結者黑而軟或黃或黑或黃黑相兼或黑質白點花色相生成蹟迥別也現在粵中所產者與東莞縣產之女兒香相似色淡黃木嫩而無滋膩質粗鬆者氣味薄久藏不香非香液屑養不可不足寶貴其入藥功力亦薄識者辨之味辛性斂佩之縮二便固脾保腎入湯劑能閉精固氣故房術多用之不知氣脫必陷之症可以留魂駐魄也瀕湖綱目香木類三十五種質汗返魂尙搜奇必備而獨遺此何歟○藥性考伽楠味辛下氣辟惡風痰閉塞精鬼盡着通竅醒神邪風追卻十香返魂丹中配藥以香中帶辛粹紅堅者佳其次黑軟至虎斑金絲皆雜木性下品也 藏奇南香以錫匣貯蜜蘇合整窠爲匾則潤若枯者用白芻葉茸之瘞土數月卽復日中少暴尤香 忍溺法 物理小識伽楠糖結末作膏貼會陰穴則弱不出

**特迦香**

五雜俎出弱水西形如雀卵色頗淡白焚之辟邪去穢鬼魅避之博物志載漢武帝焚西使香宮中病者盡起徐奮得騰嘴香焚之一家獨不疫疾卽此類歟 辟邪去疫安魂魄定驚悸

**氣結**

出交趾真臘占城瓊海等處單斗南云此乃伽楠香樹中空腹內所結藉伽楠芬烈之氣得日月雨露之精凝結而成故名氣結形亦同香塊而酥潤鬆膩不甚堅大約伽楠得其質此得其魂亦如天生黃出湯泉爲硫氣熏結而成者然頗難得世不多見 治噎隔用一二釐酒磨服下嚥卽開

**飛沈香**

查浦輯聞海南人採香夜宿香林下望某樹有光卽以斧斫之記其處曉乃伐取必得美香又見光從某樹飛交某樹乃雌雄相感亦斧痕記取之得飛沈香功用更大 此香能和陰陽二氣可升

可降外達皮毛內入骨髓益血明目活絡舒筋 方輿志生黎居五指山山在瓊州山中所產有沈香

青桂香雞骨香馬蹄棧香同是一本其本頗類椿及樺柳葉似橘花白子若檳榔大如桑椹交州人謂

之密香欲取者先斷其積年老根經歲皮幹朽爛而木心與枝節不壞者卽香也堅黑沈水者爲沈香

細枝堅實不爛者爲青桂半沈半浮者爲雞骨形如馬蹄者爲馬蹄粗者爲棧香

**地蠟香**

黃夢珠輪絕句云石火平分地蠟香註云地蠟香出哈密可辟蚤蝨 辟蚤蝨

**金雞勒**

查慎行人海記西洋有一種樹皮名金雞勒以治瘧一服卽愈嘉慶五年子宗人晉齋自粵東歸帶得此物出以相示細枝中空儼如去骨遠志味微辛云能走達營衛大約性熱專捷行氣血也 治瘧 澳番相傳不論何瘧用金雞勒一錢肉桂五分同煎服壯實人金雞勒可用二錢一服卽愈解

酒煎湯下咽即醒亦澳番傳

### 臭梧桐

臭牡丹

生人家牆砌下甚多一名芙蓉根葉深綠色大暑後開花紅而淡似芙蓉外苞內蓋花

白五出瓣尖蒂紅霜降後苞紅中有實作紫翠色○百草鏡云一名臭芙蓉其葉圓尖不甚大羞之氣

臭葉上有紅筋夏開花外有紅苞成簇色白五瓣結實青圓如豆十一月熟藍色花葉皮俱入藥○周

廷園云臭梧桐一年三月十月兩次作花若葉無紅筋搓之不臭者非○學圃餘疏臭梧桐者吳地野

產花色淡無植之者淮揚間成大樹花微紅者縉紳家植之中庭或云後庭花也獨閩中此花鮮紅異

常能開百日名百日紅花作長鬚亦與吳地不同園林中植之灼灼出矮牆上至生深澗中與清泉白

石相映永嘉人謂之丁香花汪連仕采藥書秋葉俗呼八角梧桐味臭又名臭梧桐取根皮搗汁如

膠爲土阿魏能寬筋活血化痞消癥羣芳譜臭梧桐生南海及雷州近海州郡亦有之葉大如手作三

花尖長青不彫皮若梓白而堅韌可作繩入水不爛花細白如丁香而臭味不甚美遠觀可也人家園

內多植之皮堪入藥采取無時敏按臭桐與梧桐有家野之別家生者成樹而高大野生者本小不成

樹不過三四尺花色粉紅亦無大紅純白者二種俱可入藥功用亦相近治獨腳楊梅瘡洗鷲掌風

一切瘡疥煎湯洗汗斑溼火腿腫久不愈者同菴闔子浸酒服并能治一切風溼止痔腫煎酒服貼廉

瘡搗爛作餅加桐油貼神效半支風百草鏡取葉連根掛於風頭廊下吹乾將葉燒灰入瓶內每

早服三錢酒吞○又邢虎臣驗方用臭梧桐葉并梗曬燥磨末共二斤用白蜜一斤爲丸早滾水下晚

酒下每服三錢驗過神效治半邊頭痛用川椒五錢臭梧桐葉二兩先將桐葉炒黃次入椒再炒以

火酒灑在鍋內拌和取起捲在綢內紮在痛處吃熱酒一盃取被蓋頸而睡出汗即愈一切內外痔

○急效方用臭梧桐葉七片瓦松七枝皮消三錢煎湯熏洗神效花治風氣頭風集鱘凡頭風

用臭梧桐花陰乾燒灰存性爲末每服二錢臨臥酒下三服無不愈止痢必效方用隔年臭梧桐

花煎湯服即愈葉消腫脹疝救生苦海臭梧桐葉一百片煎湯服三四次挂心疝華玉先

試效之方臭梧桐葉每歲用一片共歲若干葉若干清水洗葉用無灰白酒煎服外痔黃氏醫抄用

臭梧桐葉煎湯洗數次愈梧桐酒經驗廣集治內外一切乳毒用臭梧桐春夏取頭三個秋冬取

根搗爛絞汁對陳酒熱服取汗爲度神效豨桐丸濟世養生集此丸治男婦感受風溼或嗜飲冒

風內溼外邪傳於四肢脈絡壅塞不舒以致兩足軟痠疼痛不能步履或兩手牽絆不能仰舉凡辛勞

之人常患此症狀似風癱服此丸立能全愈用地梧桐俗謂臭梧桐不論花葉梗子曬乾切碎爲末一

斤豨菘草炒磨末入兩二味和勻蜜丸如桐子大早晚以白滾湯送下四錢忌食豬肝羊血番茹等物

或單用臭梧桐二兩煎湯飲以酒過之連服十劑其痛即瘥或煎湯洗手足亦可莖中蟲治風毒

流注

臭牡丹 葉形與臭梧桐相同但薄而糙氣亦臭五月開花成朵一帶百花色粉紅 洗痔瘡治疔 赤

水元珠蒼耳臭牡丹各一大握搗爛新汲水調服瀉下黑水即愈 一切癰疽 瀉安陳老醫云用臭

牡丹枝葉搗爛罨之立消 脫肛 秘方集驗先將臭梧桐葉煎湯洗後將浮萍草末搽上不脫矣應

昌按梧桐二字疑牡丹之訛否則此方宜列入臭梧桐諸方之內惜不得原書正之

木八角 草八角 木高二三尺葉如木芙蓉八角有芒其葉近蒂處有紅色者佳秋開白花細簇取近根

皮用○唐王周金盤草詩註金盤草生甯江巫山南陵林木中其根一年生一節人採而服可解毒也

其詩云今春從南陵得草名金盤金盤有仁性生在林木端根節歲一節食之甘而酸風俗競採擬俾

人防急難巴中地虺毒解之如走丸巨葉展六出軟韌分長竿搖搖綠玉活裏裏香荷寒世云酷暑月

鬱有神物看天之產於此意欲生民安云云味詩意則似今之草八角其性又能解蛇毒也 苦辛溫

有毒治麻痺風毒打撲瘀血停積其氣猛悍能開通壅塞痛麻立止虛人慎用

草八角 藥鑑出於潛昌化深山中葉角仰上色黃獨莖一葉五六月開花雙朵成對粉紅色下垂根圓

而不長俗名孩兒撐傘○百草鏡云草八角高尺許根生疙瘩獨莖一葉入秋開花只有兩朵相對粉

紅色又名紅孩兒結子紅色成對如孩兒也其根可以消毒入藥得草本者良根治癰毒餘功同木八

角○葛祖方性溫治骨內之風 按八角金盤有草木二種木本者其葉尖角仰起如盤之狀葉背色

黃故曰金盤草本者葉尖角不仰葉背不黃微有分別此藥性熱力猛有毒咀之味麻雖壯實人亦宜

少用服藥後忌魚腥豬羊牛馬等肉犯之令人癡狂惟白菜蕪應昌按菜字疑萊字之訛否則菜字下

當補一萊字可解入藥用近根皮酒煎服取汗即愈力弱者發戰作吐病亦愈戚孔昭云木八角之鬚

乃麻黃未知確否

烏不宿 俗名老虎草又名香樹晚娘棒梗赤長三四尺本有刺開黃花成穗其根下蟲治風毒流注神

效○綱目有楸木名鵲不踏與此別 性熱追風定痛有透骨之妙治風毒流注風痺跌打勞怯合保

生丸治虛勞如神下胎催生 汪連仕采藥書烏不宿又名烏不踏又名刺根白皮性溫行血追風治

紫雲風大麻風筋骨疼痛 濟世良方婦人將產時以烏不宿莖葉剉碎一大把加甘草一錢酒水各

半煎一大鍾服之易產且產後無病其葉如杏葉而枝梗有刺鳥不可宿故名又名石米刺 跌撲

白草鏡烏不宿根皮鮮者一錢乾者七分加入藥中煎服取汗極妙 難產 家寶方烏不停葉一兩  
甘草五錢好酒二盃煎一盃或一次二次服即產 敏按救生苦海云茨梧桐又名晚娘棒多生山塢  
最高者四尺許皮色如桑細者大如大指老者大如甘蔗若根曲而皮色紫者非也取根去泥剝其白  
皮搗汁用二鍾加米醋一鍾清水半鍾和勻口中噙咽可治雙單蛾若喉閉用鵝毛攪之即開噙咽如  
前吐出痰涎三四盃即能飲食如常此乃以色紫者為非晚娘棒或同名而物異耶存以備考

**破布葉**

廣東通志從肇慶新橋而上人烟寥落山路多歧乃二縣交界之區舟人及此險地即燃燔香

客皆酣臥昏迷遂被賊竊易賞財以礮塊封識宛然若枕明置水一盃則迷藥皆誤散矣又有藥名破

布葉可解行者歌曰身無破布葉莫上夢香船按廣志註夢香船中以胡蔓草合香焚之人即迷悶

解夢香毒能醒迷 肇慶志破布葉出陽江陽春恩平狀如掌而緣嶺南舟人多用香烟及毒水迷悶

過客以此草煎湯服之立解

**天成沙** 生蘇木中劈破取之但難得須鳴染坊陸續收存不拘多少入藥用 治卒心痛救生苦海以

天成沙溫酒和服治心痛神效

**淡竹殼** 此乃淡竹嫩時所苞籜解下者是編目竹條止載慈竹籜而淡竹畧焉不知其性能去目醫

功同能膽故為補之此君丹治醫一草亭眼科方用淡竹殼不拘多寡以布拭去毛燒灰存性每藥

一錢加麝香三五釐同搗細末點在醫上最妙

**桃絲竹二黃** 李氏草秘諸癰瘡疔爛久不愈用桃絲竹刮取二黃為末敷之○降痰火煎服功勝

淡竹茹○治蛇咬天蛇毒 王安採藥方治發背不長肉取桃竹茹作餅貼之○血崩取竹青炒末

水調服 桃竹筍 治六畜瘡癰內蛆煎湯洗之即絕草秘○白濁煎服即愈草秘桃竹筍殼 治

楊梅瘡殺灰酒調服 王安

**竹衣** 此乃金竹內衣膜劈竹取鮮者入藥 治猴啞勞嗽 張景岳古方因陣治一切勞瘵痰嗽聲

啞不出難治者服之神效用鮮竹衣一錢竹茹彈子大一丸即金竹青皮也刮取之竹瀝即取金竹燒

取麥冬二錢甘草橘紅各五分白茯苓桔梗各一錢杏仁七粒去皮尖研水一鍾半加竹葉十四片煎

七分入竹瀝一盃和勻服

**枸橘** 今之臭橘山野甚多實小殼薄枝多刺而實臭人多棄之細目枸橘條下葉刺核樹皮俱收而其

實獨畧葉天士家抄本草有主治特錄出補之入藥陳者佳○橘錄枸橘色青氣烈小者似枳實大者

**葉底紅**

乃小木也生山土長不過一二尺葉如石楠四月生蕊五六朵成簇垂如脂麻鈴樣花作青白

色六七月結小子如天竺子霜後色紅儼如天竺子而大俗呼矮腳樟以其似樟葉而本短也山人每

掘之入市售作盆玩又名葉下紅○李氏草秘葉下紅一名平地木長五六寸莖圓葉下生紅子生山

照等處 治吐血 楊春涯經驗方葉底紅即矮腳樟用二兩洗淨木槌搗爛豬肺一個洗血淨將葉

入肺管內河井水各三盃煮爛至五更去葉連湯食之一二次愈多食絕後患 陶殿元語子云某撫

九

上海錦章書局石印

木部 破布葉 至雨前茶

卷六

本草綱目合覽

九

九

九

九

九

九

九

九

九

九

軍得宮傳秘方治吐血勞傷怯症垂危久嗽成勞無不立愈曾經試驗多人用平地木葉乾者三錢豬肺連心一具水洗淨血用白湯焯過以瓦片挑開肺管將葉包裹麻線縛好再入水煮熟先吃肺湯然後去藥食肺若嫌味淡以清漿蘸食食一肺後病勢自減食三肺無不愈者但所用乃平地木與葉下紅有別或一類相同其性本通耶 治偏墜疝氣 李氏草秘搗汁沖酒服半盃屢效

**茶樹根**

救生苦海茶樹根煎湯代茶不時飲味最苦食之立效

**爛茶葉**

此乃泡過殘茶積存磁罐內如若乾燥以殘茶汁添人愈久愈妙 治無名腫毒犬咬及火燒成瘡俱效如神搗爛似泥敷之乾則以茶汁潤溼抹去再換敷五六次全愈 救生苦海 痘毒 家寶

方用泡過茶葉曬乾為末五倍子各等分雞子清調敷 諸毒努肉不退 保和堂秘方硫黃研細末敷上即退再用後收口藥爛茶葉五錢烏梅三個燒灰共為末敷上即收

**經霜老茶葉**

治羊癲瘋 家寶方用一兩為末同生明礬五錢為細末水法丸硃砂作衣每服三錢白滾湯送下三服全愈 好吃茶葉 家寶方即以茶葉入肉汁湯內飯鍋上蒸吃二三次即不喜吃

**雨前茶**

產杭之龍井者佳蓮心第一旗鎗次之土人於穀雨前採撮成茗故名三年外陳者入藥新者有火氣 清咽喉明目補元氣益心神通七竅性寒而不烈以其味甘益土消而不峻以其得先春之氣消宿食下氣去噫氣清六經火 下疳 外科全書雨前茶麻黃各一錢五分用連四紙方七寸許

用鉛粉錢半擦紙上鋪前二藥捲用筒子火灼存性研細加冰片各一分研勻用之偏正頭風 醫方集聽升麻六錢生地五錢雨前茶四錢黃芩一錢黃連一錢水煎服○又治頭風百發百中赤白首烏各一兩真川芎一兩藁本二錢細辛一錢蘇葉一錢此散邪方也風寒甚者可加川羌活川烏服以此散邪不愈便進後方真雨前茶四錢赤白首烏各二錢北細辛四分米仁一錢五分炒牛膝八分大川芎一錢五分甘草五分煎藥時令病者以鼻引藥氣服後宜密室避風至重者四帖全愈加金銀花二錢更效若生過楊梅瘡者加土茯苓四兩煎湯煎藥 肚脹 集聽凡人肚脹不思飲食用五虎湯治之核桃川芎紫蘇雨前茶以上藥先煎好好時加老薑砂糖在湯內即服 三陰瘧 集聽真雨前茶三錢胡桃肉五錢敲碎川芎五分寒多加胡椒三分末發前入茶壺內以滾水沖泡乘熱頻頻服之吃

到臨發時不可住 不論新久諸瘧 慈航枯人書白芥子一兩炒為末雨前茶和服一撮瘧久者不過二次即愈 遠年痢 鳳聯堂驗方臭椿皮一兩五錢雨前茶錢半扁柏葉二錢五分烏梅棗頭各二枚酒水各一盃煎好緩緩服恐泛 五色痢 慈惠編陳年年糕陳雨前茶冰糖茉莉花共煎湯一盃服之立愈 消痰止咳膏 米白糖一斤豬板油四兩雨前茶二兩水四盃先將茶葉煎至二盃半再將板油去膜切碎連苦茶米糖同下熬化聽用白滾湯沖數匙服之 治痞 蜈蚣一條用頂好細

再將板油去膜切碎連苦茶米糖同下熬化聽用白滾湯沖數匙服之 治痞 蜈蚣一條用頂好細

再將板油去膜切碎連苦茶米糖同下熬化聽用白滾湯沖數匙服之 治痞 蜈蚣一條用頂好細

再將板油去膜切碎連苦茶米糖同下熬化聽用白滾湯沖數匙服之 治痞 蜈蚣一條用頂好細

再將板油去膜切碎連苦茶米糖同下熬化聽用白滾湯沖數匙服之 治痞 蜈蚣一條用頂好細

再將板油去膜切碎連苦茶米糖同下熬化聽用白滾湯沖數匙服之 治痞 蜈蚣一條用頂好細

茶葉煎服以身癢爲度 醫學指南又家寶方治痞陳年雨前茶一兩枳殼三錢水煎渣再煎次日服

傷寒無汗 彙集用白糖雨前茶入水熬數沸服下汗出即愈加生薑又治紅白痢疾 瘰癧癩羊兒

瘋 陳氏筆記用晉礬一斤雨前茶一斤爲末茶汁米飲爲丸每服四十九丸發日前用二服茶送下

風痰癩病○生白礬一兩細茶五錢爲末蜜丸桐子大一歲十丸茶湯下大人五十九丸久服痰自大

便中出斷病根指南 風眼爛皮 眼科要覽甘石童便淬七次黃連汁淬七次雨前茶淬七次出火

氣入冰麝研勻點 頭風滿頭作痛 家寶方川芎七錢明天麻三錢雨前茶一錢酒一盃煎六分渣

再用酒一盃煎四五分晚服過夜即愈 楊梅瘡 雄黃四兩雨前茶四兩生芝麻四兩共爲細末黃

米磨細粉糊爲丸桐子大每早白湯下二錢家寶 上清丸 蘇薄荷二兩雨前茶白礬砂各七錢烏

梅肉貝母訶子各三錢冰片三分煉蜜爲丸 風寒無汗 發熱頭痛者用核桃肉葱白雨前茶生薑

等分水一鍾煎七分熱服覆衣取汗 氣虛頭痛 不藥良方用上春茶末調成膏置瓦蓋內覆轉以

巴豆四十粒作二次燒烟薰之曬乾搗細每服一字別入好茶末食後絞白湯服之立愈 肩背筋

骨痛 醫學指南槐子核桃肉細茶葉脂麻各五錢入磁罐內二盃熬一半熱服神效 五虎湯

治外邪在表無汗而喘者麻黃三錢杏仁去皮尖三錢石膏五錢甘草一錢細茶一撮有痰加二陳

湯生薑蔥水煎熱服加桑白皮一錢尤效 醫學指南 干盃不醉 乾葛橄欖細茶等分爲末逢半

酣時以茶服下

**普洱茶** 出雲南普洱府成團有大中小三等 雲南志普洱山在車里軍民宣慰司北其上產茶性

溫味香名普洱茶○南詔備考普洱茶出茶產攸樂革登倚邦莽枝蠻端慢撒六茶山而以倚邦蠻

耑者味較勝 味苦性刻解油膩牛羊毒虛人禁用 苦瀉逐痰下氣刮腸通泄 按普洱茶大者

一團五斤如人頭式名大頭茶每年入貢民間不易得也有僞作者名川茶乃川省與滇南交界處土

人所造其餅不堅色亦黃不如普洱清香獨絕也普洱茶膏黑如漆醒酒第一綠色者更佳消食化痰

清胃生津功力尤大也物理小識普洱茶蒸之成團狗西番市之最能化物與六安同 按普洱即普洱

也普洱茶膏能治百病如肚脹受寒用薑湯發散出汗即愈口破喉頰受熱疼痛用五分噙口過夜即

愈受暑擦破皮血者研敷立愈 悶瘡 百草鏡云此症有三一風閉二食閉三火閉惟風閉最險凡

不拘何閉用茄梗伏月採風乾房中焚之內用普洱茶二錢煎服少頃盡出費容齋子患此已黑黯不  
治得此方試效

**研茶** 粵志東莞人以脂麻諸油雜茶葉煮煎而成 去風溼解除食積療飢  
**龍脊茶** 出廣西亦造成磚 除瘴解毒治赤白痢  
**安化茶** 出湖南粗梗大葉須以水煎或滾湯沖入壺內再以火溫之始出味其色濃黑味苦中帶甘食

之清神和胃性温味苦微甘下膈氣消滯去寒澀 湘潭縣志茶譜有潭州鐵色茶卽安化縣茶也  
今京師皆稱湘潭茶

雪茶

出滇南色白久則色微黃以蓋烹淪清香迥勝形似蓮心但作玉芽色耳○平萊仲云雪茶出

麗江府屬山中雪地所產色白味甘性大温祛寒疾如神 甘苦性温治胃氣積痛瘵痢如神 敏

按雪茶出雲南永善縣其地山高積雪入夏不消雪中生此本非茶類乃天生一種草芽土人采得

炒焙以其似茶故名其色白故曰雪茶已亥臘過餘杭往訪劉挹清少府發雪茶云帶自雲南茶片

皆作筒子如蜜筒菊蕊瓣樣詢所主治因言此茶大能暖胃凡嚴寒冰凍時啜一盞滿腹如火若患

瘵損及失血過多之人腹胃必寒最忌食茶惟此茶不忌乃相與烹淪食之果入腹温暖味亦苦冽

香美較他茶更厚 大觀茶論白茶自爲一種與常茶不同其條敷闊其葉瑩薄崖林之間偶然生

出非人力所可致有者不過四五家生者不過一二株所造止於二三鎊而已芽英不多尤難蒸焙

湯火一失則已變而爲常品須製造精微運度得宜則表裏昭澈如玉之在璞它無與論也○東溪

試茶錄白葉茶民間大重出於近歲園焙時有之地不以山川遠近發不以社之先芽葉如紙民間

以爲茶瑞

武彝茶

出福建崇安其茶色黑而味酸最消食下氣醒脾解酒○單杜可云諸茶皆性寒胃弱者食

之多停飲惟武彝茶性温不傷胃凡茶辭停飲者宜之 治休息痢 救生苦海烏梅肉武彝茶乾

薑爲丸服

松蘿茶

產徽州本經逢原云徽州松蘿專於化食○秋登叢話北賈某貿易江南善食豬首兼數人

之量有精於岐黃者見之問其僕曰每餐如是已十有餘年矣醫者曰病將作凡藥不能治也俟其

歸尾之北上將以爲奇貨久之無恙復細詢前僕曰主人食後必滿飲松蘿數甌醫爽然曰此毒惟

松蘿可解悵然而返姚希周經驗方云凡患眼服羊肝者忌服松蘿茶以沙苑蒺藜煎湯代茶 消

積滯油膩清火下氣除痰 病後大便不通 吳興錢守和慈惠小編用松蘿茶葉三錢米白糖半

鍾先煎滾入水盃半同茶葉煎至一盃服之卽通神效 治頑瘡不收口或觸穢不收口 梁氏集

驗上好松蘿茶一撮先水漱口將茶葉嚼爛敷瘡上一夜次日揭下再用好人參細末拌油胭脂塗

在瘡上二三日卽愈 羊兒瘋 集效方好松蘿茶末八兩生礬末四兩米粥搗爲丸臨發日清晨

及常日各服三錢米湯下 水噉氣噉 彙集服此藥不忌鹽醬一服立消活魚一尾重七八兩去

鱗甲將肚剖開去腸淨入好黑礬五分松蘿茶三錢男子用蒜八片女七片共入魚腹內放在磁器

中蒸熟令病人吃魚連茶蒜皆食更妙從魚頭吃起就從頭上消起如從魚尾喫起卽從腳上消起

立效 繡毬風 活人書五倍子炒松蘿茶各五錢研末茶和敷 黃病 劉羽儀驗方生脂麻八

合好秘蘿五合砂仁二合以上三味先將脂麻研細再另將茶葉烘脆研再將砂仁研各為細末和勻

每日常服如年久病深者服到黃退乃止如因好食茶葉者成黃此方不可用 一切頭風兼熱者

王站柱不藥良方蔓芩為細末用豬膽汁拌過嚙鼻中作嚏立愈如兼溼者以瓜蒂松蘿茶為末嚙鼻

中出黃水立愈 治五癩 醫學指南破結散用海蛤通草昆布海藻洗膽草枯礬松蘿茶各三分半

夏貝母各二分麥麩四分為末酒調服日三次忌鯽魚豬肉 治痢疾神方 核桃五個帶殼敲碎松

蘿茶生薑糖各三錢用水三盞煎如紅痢用紅糖如白痢用白糖如紅白相兼用紅白糖各一錢五分

煎服重者連渣服 五噉驗方 松蘿茶研末雞毛管炒研各等分每服二錢白湯下二十服全愈忌

鹽百日 半身不遂 秘方集驗白糖槐豆子化皮紅谷子松蘿茶各五錢水三鍾煎一鍾服出汗即

愈十日後方可出門 小兒牙疳 同壽錄松蘿茶花椒去目烏龍尾食鹽各一錢童便一鍾水一鍾

煎湯漱口口內含之不可嚙下 白濁 古今良方車前草五六科陳松蘿茶一二錢燈心一二十根

三味煎服止後宜服水陸二仙丸以固之 除瘟救苦丹 專治一切瘟疫時症傷寒感冒不論已傳

未傳百發百中有力者宜脩合以濟人陰德最大李炳文經驗廣集天麻麻黃松蘿茶綠豆粉各一兩

二錢雄黃硃砂甘草各八錢生大黃二兩共為細末煉蜜為丸彈子大收磁器內勿令洩氣遇症大人

每服一丸小兒半丸涼水調服出汗即愈重者連進二服未汗之時切不可飲熱湯食熱物汗出之後

不忌 治爛眼皮方 種福堂方用挂金燈淨殼每殼一個摻入研細透明綠膽礬二釐或用殼十個

或二十個裝套好外用淨黃泥包裹好勿洩氣炭火煨至中間殼將成黑灰存性放地上用盥蓋熄火

將中間灰研細包好放土地上一夜出火毒每用灰少許放在茶杯內以冷松蘿茶浸之用薄棉紙

蓋在茶面上俟茶滲出紙面上將此水洗眼皮每日五六次一二三日即愈 烏鬚方 吉雲旅抄王

守副家傳烏鬚藥甚驗用五倍子二錢阜礬四分八釐青鹽六分紫銅末一分五釐榆香末六分松

六安茶

張處士逢原云此茶能清骨髓中浮熱陳久者良○年希竟經驗方有異傳終身不出天花

法用金銀花揀淨七兩六安茶真正多年陳者三兩共為粗末沖湯代茶每日飲數次終身不出天

花雖出亦稀極驗○千金不易方稀痘丹用新拋羊屎一粒六安茶一錢甘草草節二分燈心二十七

寸赤黑綠豆各二十一粒珍珠一分銀簪一枝洗淨油氣水二盞煎八分溫服 太上五神茶 經

驗廣集治傷風咳嗽發熱頭痛傷食吐瀉陳細六安茶一斤山查蒸熟麥芽紫蘇陳皮厚朴乾薑俱

炒各四兩磨末磁器收貯高燥處大人每服三錢小兒一錢感冒風寒蒸薑湯下內傷薑湯下水瀉

痢疾加薑水煎露一宿次早空心溫服 消疽膏 廣集治一切疽仙方松香官粉細六安茶各三

錢薺麻仁去皮四十九粒為末先將薺麻搗爛然後入藥末搗成膏如乾少加麻油搗勻攤青布上

貼患處再以棉紙大些蓋好禁住七日全愈

**普陀茶** 定海縣志定海之茶多山谷野產又不善制故香味不及園茶之美五月時重抽者曰二烏

苦溼不堪產普陀山者入藥不可多得 治血痢肺癰

**江西蚡片** 羅蚡 宦遊筆記出贛州府甯都縣製法與江南之蚡片異茶疏蚡茶不炒甌蒸熟然後烘

焙此指江南者言耳出江西者大葉多梗但生曬不經火氣槍葉舒暢生鮮可愛其性最消導貯飯

一甌以茶泡之經半日飯不加漲而消少許故飽食者宜飲此茶別有一種極細炒蚡乃採之他山

炒焙以欺好奇者反非其真然則茶亦不可以貌取也 花鏡蚡片產吳興似茶而實非茶種 味

苦性刻利消宿食降火力利痰虛人禁用以其能峻伐生氣

**羅蚡** 茶疏長興羅蚡疑即古人顧渚紫筍也介於山中謂之蚡羅氏隱焉故名羅西吳杖乘湖人於

茗不數顧渚而數羅蚡顧渚之佳者其風味已遜龍井蚡稍清雋然葉粗而作草氣嘉靖長興志羅

蚡在五通山西土地廟後產茶最佳吳人珍重之凡茶以初生雨前者佳惟羅蚡立夏開園梗粗葉

厚微有蕭箬之氣還是夏前六七日如雀舌者最不易得然廟後山西向故稱佳總不如洞山南向

獨受陽氣專稱仙品只數十畝而已凡茶產平地多受土氣故其質濁羅茗產高山巖石純是風露

清虛之氣故可尚○長物志云浙之長興者佳價亦甚高今所最重剡溪稍下採茶不必太細細則

芽初萌而味欠足不必太青青則茶已老而味欠嫩惟成帶葉綠色而團厚者為上不宜以日曬炭

火焙過扇冷以箬葉襯罌貯高處蓋茶最喜溫燥而忌冷溼也 味甘氣香性平滌痰清肺除煩消

噉脹 治咳嗽秘方 醫學指南用川貝母茶葉各一錢米糖三錢共為末滾湯下

**水沙連茶** 產臺灣在深山中眾木破腐霧露深密晨曦晚照總不能及色綠如松蘿每年通事於各

番議明入山焙製 性極寒療熱症最效能發痘

**紅毛茶** 臺灣志草屬也黃花五瓣葉如瓜子亦五瓣根如藤創取曬或遇時氣不快熬茶飲之即愈

治時氣腹脹或悶鬱不舒

**角刺茶** 出徽州土人二三月採茶時兼採十大功勞葉俗名老鼠刺葉日苦丁和勻同炒焙成茶貨與

尼菴轉售富家婦女云婦人服之終身不孕為斷產第一妙藥也每斤銀八錢 味甘苦極香兼能逐

風活血絕孕如神

**樂茶** 范石湖集倚江出樂茶蓋石楠樹葉也毛文錫茶譜云湘人四月採楊桐汁作飯則必採石楠芽

作茶乃能去風 治頭風

**雲芝茶** 宦遊筆記山東蒙山在蒙陰縣城南二十里高二十里許周圍約三百餘里產茶曰雲芝茶土

人售於市曰蒙山茶然絕非茶類乃山石中所生石衣如苔薛之屬土人掬而沃之冒登茗苑○五雜

祖蒙山在蜀雅州其中峯頂尤極險穢蛇虺虎狼所居得採其茶可獨百疾今山東人以蒙山下石衣爲茶當之非矣然蒙陰茶性冷可治胃熱之病性寒能消積滯綱目有石蕊云性溫不言消積滯

紅花茶 出粵西似紅花嫩苗爲之土人製以贈客宋鄒道鄉有詩 消腸滯宿食辟烟嵐瘴氣

烏藥茶 出東莞以脂麻諸油雜茶爲汁煎之 去風溼破食積療飢 應昌按烏藥茶與論研茶製造主

治皆同未知是一是二

瀘茶 四川通志瀘州出通呼爲瀘茶 味辛性熱飲之可以療風

瀘茶 蜀志出福甯府 治瀘

樂山茶 茶譜鄂州樂山出茶黑色如韭○又云出鄂州東山名東山茶色黑如韭性與韭相反 食之

已頭痛

本草綱目拾遺卷七

藤部

雞血藤膠 產猛緬去雲南昆明計程一月有餘乃藤汁也土人取其汁如割漆然漚之殷紅似雞血作

膠最良近日雲南省亦產其藤長亘蔓地上或山崖一莖長數十里土人得之以刀斫斷則汁出如血

每得一莖可得汁數升彼處有店市之價亦不貴乾者極似山羊血取藥少許投入滾湯中有一線如

雞血走散者真○雲南志順甯府出雞血藤熬膏可治血症○滇遊雜記雲南順甯府阿度里地方有

一山緜亘數十里產藤甚異粗類樺梁細似蘆葦中空如竹剖斷流汁色赤若血故土人名之爲雞血

藤每歲端陽日攜帶金銀入山斫取熬煉成膏泡酒飲之大補氣血與老人婦女更爲得益或不飲酒

者早晚用開水化服亦能奏效○按順甯刊售藥單云順甯府順甯縣阿度吾山產此又云阿度吾里

萬名山寺龍潭箬所產載于郡志有二種其一種起鼓丁刺者尤佳或盤屈于地或附樹而生伐之中

通細竅汁凝如脂煮之有香者真或云兩種糯者爲雌放者爲雄應昌附注壯筋骨已酸痛和酒服於

老人最宜○治老人氣血虛弱手足麻木癱瘓等症○男子虛損不能生育及遺精白濁○男婦胃寒

痛○婦女經水不調赤白帶下○婦女乾血勞及子宮虛冷不受胎○陸象咸云會見婦人合藥服之

多年不育者後皆有子○滇志雞血藤膠治風痛溼痺性活血舒筋患在上部飽食後服在下部空心

酒服不飲酒者滾水調服其色帶微綠有清香氣酒服亦能與陽尤明府佩蓮云此膠治跌打如神其

太夫人一日偶閃跌傷臂痛不可忍用山羊血參三七治之多不驗有客教服此膠沖酒一服其疾如

失其性捷走血分可知 順甯土人加藥料煎熬雞血膏其煎膏之時忌有孕婦看見決熬不成亦神

物也統治百病能生血和血補血破血又能通七孔走五臟宣筋絡治婦人經水不調四物湯加減八

珍湯加元胡索爲引婦女勞傷氣血筋骨酸痛轉筋牛膝杜仲沈香桂枝佛手乾木瓜穿山甲五加皮

木部 紅花茶 烏藥茶 瀘茶 瘧茶 樂山茶

上海錦章書局石印

砂仁茴香爲引大腸下血椿根皮煎湯送下男子虛弱八味加減爲引服此膠忌食酸冷 吾杭龔太守官滇帶有雞血藤回里子親見之其藤皮細潔作淡黃色切開中心起六角棱如菊花樣色紅四圍仍白色乾之其紅處輒突出二三分許竟成紅菊花一朵亦奇物也聞其藤最活血暖腰膝已風痠戊申長兒景炎在四川敘州府與滇之昭通接界因囑其往覓此藤所寄來者外形不殊而中心惟作小紅點乾之亦不突起據來書云實金沙江土司山中所得然與龔太守所帶來者絕不相類豈此藤亦有二種耶附記於此以俟考○辛亥子在臨安患臂痛胡春熙明府長君名什曾宦滇南歸里蒙贈雞血藤膠皆方塊每塊一二兩不等外塗以蜃灰作白色剖視其內皆黑色如膏藥膠狀云風癱痺痛有效其外灰見水卽脫去據言其藤產騰越州銅壁關外新街所屬地遍山谷皆是新街守弁每歲輒命卡兵斫取熬膏除餽遺各上司及僚友外餘剩者轉市客商販入中土藉沾微利以爲守資渠所有卽售自彼處也外必以蜃灰飾之庶久藏不壞因帶歸以示兒子景炎則又全非其所見景炎曾館昭通大關司馬白公家見其所藏雞血藤膠猩紅成塊儼如赤玉光潤可愛今胡公所贈內作黑色或係年久色黯抑係新街所產與大關有別惜不能親歷其地爲之細核附筆於此以俟後之君子考訂焉

也金藤 性溫無毒治中風痰迷半身不遂左癱右瘓不省人事痰涎上壅攻心作咽用一錢白湯磨下○小兒急慢驚風大者五分小者一二分白湯磨下立效如神

鹿角藤 一名白毛刺汪連仕方云木本藤也刺長傷人皮肉立腫疼不休又名不薪木山人不斫性大熱氣臭打痞積治風氣如神皆用根搗共香糟罨之 葉 蒸酒服能鑽筋透骨 子 食之大能醉人

買麻藤 職方典出肇慶緣樹而生有子味苦可食山行斷取其汁飲之可以止渴○粵志買麻藤其莖多水渴者斷而飲之滿腹已餘水尙淋漓半日性柔易治以製履堅韌如麻故名言買藤得麻也 治蛇咬 鮮者乾者俱效

紅木香 紅皮藤 一名廣福藤又名紫金皮立夏後生苗枝莖蔓延葉類桂略尖而軟葉蒂紅色咀之微香有滑涎根入土入藥用須以水洗淨去外粗皮取內皮色紅者用之入口氣味辛香而涼沁如龍腦

治風氣痛傷力跌撲損傷胃氣疼痛食積痧脹等症俱酒煎服紫金錠中必不可少 雷頭風腫痛貼痛法紫金皮獨活赤芍白芷菖蒲葱頭煎濃如膏調敷藥到立止如神 汪連仕云金谷香今人呼

緊骨香卽紅木香一名木臘正名紫金皮土產者功淺入膏用行血散氣

紅皮藤 宋煥齋在城日鈔錢塘門外道姑橋下有紅皮藤凡患半肢風及大痲風者取藤四兩浸無灰酒一大壺入鍋內隔湯煮三炷香取起飲酒量好者以醉爲度每酒一盃入藥酒三四匙陸續飲至藥酒完則風氣自愈其風從指甲縫中出對指尖以竹紙鋪几上驗之紙能吹動卽是指尖風出也

雷公藤 生陰山脚下立夏時發苗獨莖蔓生莖穿葉心莖上又發葉葉下圓上尖如犁把又類三角風

枝梗有刺○物理小識犁頭刺藤其葉三角如犁頭多在籬邊生可治瘰癧亦可截瘰 一名霹靂木

方勝板倒金鉤烙鐵草倒挂紫金鉤河白草犁尖草括把草龍仙草魚尾花三木棉出江西者力大土

人採之毒魚凡蚌螺之屬亦死其性最烈以其草烟熏蠶子則不生養蠶家忌之山人採熏壁蝨 治

賊眼水腫痞積黃白疔瘡疾久不愈魚口便毒癰疽跌打除壁蝨莖燒牀下一切毒蛇傷萬病回春云

凡被蛇傷用板扛歸不拘多少此草四五月生至九月見霜即罕有葉尖青如犁頭尖樣藤有小刺子

圓如珠生青熟黑味酸用葉搗汁酒調隨量服之渣罨傷處立愈 白火丹 救生苦海用雷公藤五

錢平地木三錢車前四錢天青地白葉三白草各三錢煎服○又洗方雷公藤河白草煎浴 水腫眼

服愈 坐板瘡 秋泉家秘烏賊骨五錢雷公藤三錢共為細末擦之乾則以菜油調敷 注連任方

蒸龍草即震龍根山人呼為雷公藤蒸酒服治風氣合巴山虎為龍虎丹入水藥魚人多服即昏 治

翻胃噎膈瘧疾吐血便血喉痹食積心疼虛飽腹脹陰囊腫大跌打閃肋發背疔瘡乳癰產後遍身浮

腫王安藥方

藤黃 綱目主治條下祇言點蛀牙自落無他治也張石頑云藤黃性毒而能攻毒故治牙蟲蛀齒點之

即落毒能損骨傷腎可知葉氏得宜本草云服藤黃藥忌喫烟按三黃寶蠟丸黎嗣久俱用藤黃以其

善解毒也有中藤黃毒者食海蜇即解○百草鏡藤黃出外洋及粵中乃藤脂也以形似筆管者長大

塊者名牛屎藤黃不佳入藥取色蕪純明者用水蒸化濾去渣盛瓷器內隔水煮之少時再添煮乾

以三炷香為度以帛紮瓷器口埋土中七日取出如此七次曬乾用○粵志廣中產黃藤熬汁即藤黃

也性最寒以青魚膽和之治眼疾間有白者葉如土茯苓身小而長外有籜包以莖浸水洗目並除腫

痛 性酸澀有毒治癰疽止血化毒斂金瘡亦能殺蟲治刀斧木石傷及湯火傷竹木刺入肉一切諸

傷 神效膏 用真麻油一筋藤黃八兩白蠟八兩先將油入銅鍋次將藤黃搥碎熬透以麻布濾去

渣加入白蠟至滴水成珠為度貯瓷罐其膏夏老冬嫩為宜敷之即能止痛止血收口取效如神○金

不換 治跌打刀傷 蘇州周慎庵傳藤黃一兩研細末麻油四兩白蠟五錢黃蠟一兩將二蠟入麻

油內銅杓熬化取起放地上一人徐徐下藤黃末一人不住手攪勻以盡為度即成膏敷於患處用油

紙攤貼獨帕縛好一二日即愈 治一切無名腫毒風氣膏 王站柱不藥良方藤黃四兩白蠟八兩

小磨麻油十二兩先將油煎熟將成珠入水不散再加黃白攪勻瓷瓶收面上仍以麻油養之臨用攤

貼○祝氏效方一筆消 用大黃二兩藤黃一兩明礬蟾酥各五錢麝香乳香沒藥各二錢用蝸牛搗

爛作錠遇小癰毒未出癰頭以此醋磨新筆蘸藥圈外愈圈愈小圈毒消盡而止○又一筆消方治一

本

切癰腫

雄黃膽礬砂藤黃銅綠皮消草烏各一兩麝香二錢為細末和蟾酥為條如筆管大金屬

為衣用時以醋磨濃新筆蘸藥塗毒四圍數次即愈○消毒散 治癰疽癩毒及初生多骨疽 良方

氣選大黃一兩芙蓉葉曬乾為末五倍子各一兩麝香冰片各三分藤黃三錢生礬三錢共為末米醋

調成如厚糊塗於多骨疽之四週中留一頭如豆大以醋用鷺翎不時掃之若不掃任圍則無益一日

夜即內消其餘癰瘡亦以此敷之神效 又方雄黃二兩麝香三錢藤黃一兩人中白五錢硃砂白芩

生白芩各二錢蟾酥一兩共研末用廣膠三錢烱化和藥末為錠遇毒將此藥磨醋水塗之○消毒方

治一切無名腫毒及對口發背 救生苦海用滴花燒酒磨藤黃敷不住手敷之不至半日即消○

無回丹治一切疔癰腦疽 叟妙方用驗藤黃雄黃大黃各一兩蟾酥麝香各二錢血竭甲片炒各五

錢醋磨塗立效○移毒方 救生苦海云如毒生在肢節穴道險要處不成漏症即為廢人須用此藥

只塗半圈即移過一邊用白芩白芩三七五倍子大阜角山茨菰藤黃各等分俱到薄片除藤黃餘皆

入砂鍋內水浸一日煎汁傾出入水再煎如此數次濾淨熬膏以藤黃將水蒸烱加入攪勻再蒸入盤

曬乾用時以雞蛋清磨出濃汁新筆蘸塗 又方藤黃銀硃等分醋和敷趕毒至他處出膿如用穀樹

汁調可搽癬一二次即消○大提藥方 圍毒初起凡對口發背惡疽四五日即消 良方氣選雄黃

藤黃麝香各一錢硃砂三分薤麻肉三錢紅昇丹一錢五分先將薤麻研如泥後和各藥研爛用象牙

匣封藏外以虎皮包之方不泄氣 種福堂提藥方治諸毒不起敷之立起藤黃雄黃各三錢蟾酥紅

藥各二錢冰片麝香各一錢薤麻肉一兩先將薤麻肉去皮打如魚凍水入諸藥打成膏瓷罐收貯勿

令洩氣或云宜紅藥三錢冰片蟾酥勿用止加麝香三分辰砂一錢又黃提藥方鬱金雄黃藤黃各二

錢牛黃蟾酥硃砂冰麝各五分巴豆肉八錢薤麻肉一兩共搗爛瓷瓶貯遇症放膏藥上少許貼之治

一切惡毒未成可消已成用之化腐疔毒更妙 諸毒圍藥 祝氏效方南星炒四兩五倍子炒黑白

芩炒各二兩藤黃薑黃炒各一兩共為細末醋調塗重者加牛黃一錢鹿 茸五錢 又種福堂方無

膿即消有膿即潰五倍子一兩白芷六錢藤黃百草霜各三錢生半夏生南星白芩陳小粉飛麩各四

錢共為末紅醋調敷○箍毒 活人書五倍子略焙一兩藤黃四兩銅青少許小粉炒八兩作錠用時

醋磨塗○一切無名腫毒 藤黃五錢五倍子二兩白蜜葱頭各一兩用米醋調圍患處留頂勿敷

○五色蟾酥墨 能立消腫毒雄黃銀硃膽礬粉藤黃銅綠礬砂各一兩麝香一錢共為末蟾酥為

條如筆管大水磨塗 疔瘡 吳興楊氏便易良方銀硃蜈蚣白甘菊人中白芋根內白心雄黃藤黃

大黃共搗敷上即退 坐板瘡 仙遺拾珠藤黃搗碎用雄豬網油青布一長條將藤黃摻在網油之

上青布捲成條子線紫緊浸菜油內一夜火燃取滴下油杯積埋土中一夜出火毒塗瘡即效 五黃

散 治一切頭癬 雞腳大黃硫磺雄黃薑黃藤黃各等分為細末菜油調塗患處七日勿洗浴全愈

金氏離洞膏 治膿瘡如神 萬應油五兩藤黃一兩五錢淨黃蠟二兩共熬黑棧色攤貼熱萬應油

法香油六十兩以十六兩官秤作準淨桃枝一兩柳枝一兩槐枝一兩桑枝一兩葱一兩男髮四兩花

椒五錢蕪麻二兩馬前四兩葦芟五錢桂枝一兩白芷二兩夏浸三日冬七日春秋五日然後熬至渣

枯去渣每筋生油熬熟汁得八折此油凡一切膏藥可作地子

金鎖銀開 百草鏡云俗名鐵邊箕處處山野有之葉似天蕪冬葉又似土茯苓葉但差狹小耳藤生或

緣石砌樹上竹林內亦有之非海金沙也其根黑色兩旁有細刺如邊箕樣故名入藥用根 俄按今

俗所用治一切喉症金鎖銀開乃天蕎麥之根形如纍丸黏結成塊產山上者皮黃汙泥中者皮黑與

百草鏡所言各別或名同而物異耶○李氏草秘天蕎麥亦名金鎖銀開形若蕎麥治乳癰風毒入諸

散毒藥內取根二分生薑一分水煎服愈治敗血久病不痊及洗痔血皆佳○李氏草秘又云小青草

藤上蔓有倒摘刺細如稻芒開粉紅花生藍子葉似蕎麥又名野蕎麥煎洗痔漏之聖藥 治白濁用

根搗汁沖酒服 喉中風火○孫玉庭云其根專治喉閉故得此名喉風喉毒用醋磨漱喉涎痰去而

喉閉自開矣 痰核瘰癧 不拘何等瘰癧結核初起者梁湖陳府祕方用金鎖銀開須鮮者將來搗

汁沖酒服其莖葉用白水煮爛和米粉作餅餌食之不過二三服立消若破爛者以梁上烏龍尾搽去

粗屑納瘡中外貼膏藥亦服根汁喫餅餌五六次自結痂而愈 洗痔漏治蛇傷木蛇毒搗汁和酒服

草廔汪連仕采藥書金鬚斜俗呼金鎖銀開其苗柔而堅性不斷今名象毛力能軟堅化痞合米醋搗

汁盪口能開鎖纏喉風雖枯根亦可透鎖喉

乳藤 粵志乳藤蔓如懸鉤倒挂葉尖而長斷之有白汁如乳婦人產後以藤搗汁和米作粥食之乳漣

自通○初生嫩條可食其大實曰冬榮子大如柚子中有瓢瓣瓣相疊白如豬脂炙食皆甘美身懷數

日香不滅秋末冬初間采以相餉矜為服食之珍行血通乳 粵志○李氏草秘乳汁藤生山麓林中高

二三尺葉似蒲萄子藍色一叢根皮掐之出汁如乳為諸乳毒癰瘡中之聖藥 排膿散毒生肌止痛

消腫益血痛不可忍者卷之即止已成未成已潰未潰始終皆不可少 李氏草秘汪連仕草藥方乳門

草即乳汁草又名土孀孀性寒涼行乳汁通氣而能入血分根止痢疾 細藤者即遍地金又名雞盲

草合雞肝蒸服專治小兒一切疳眼

蝙蝠藤 此藤附生岳壁喬木及人牆茨側葉類蒲萄而小多歧勁厚青滑絕似蝙蝠形故名 治腰痛瘰

癧 腰疼 澹寮試效方用蝙蝠藤二兩老人用三兩酒煎服二劑即痛止不可再服若多服一劑腰反

傾倒不支 皆治藤 蔓延牆壁間長丈餘葉似泥藤中暑者以根葉作粉食之虛損者雜豬胃煮服

無根草 采藥錄此草無根無葉生在柴草上纏結而生名無根金絲草色有紫有黃○百草鏡無根金絲

草 藤部 金鎖銀開 乳藤 蝙蝠藤 皆治藤 無根草 十四 上海錦章書局石印

草一名大焰草即兔絲苗也生毛豆莖上者佳此草與女蘿相似以色黃如金而細如線者真若色紅紫粗類燈心者名女蘿又紫背浮萍亦名無根草與此別○藥鑑無根金絲草莖細而赤無葉無根惟有青色細葉附於莖際蔓延極長多纏草木上其性涼味微甘利水治溼熱三四月採○李氏草秘纏豆藤一名豆馬黃無葉有花子即兔絲子最治血解豆瘡毒難產酒煎服 藥性考金絲草無根葉用苗此藥功在涼血散血故治癰疽腫毒諸症味苦性寒吐衄崩便效略諸血服之能止解諸藥毒瘡癩疔癰惡瘡○臺志利水通淋○葛祖方治狐臭騷氣辟汗愈瘡○百草鏡治瘰癧淋濁痢帶下黃疸預解痘毒敷紅絲疔消毒保嬰丹 王之才醫便凡小兒未出痘瘡者每過春分秋分日服一丸其痘毒即漸消化若只服一二次者出痘稀少若服三年六次者永不出痘此方屢驗萬勿輕視 纏豆藤一兩五錢其藤八月收取毛豆莖上纏繞細紅絲採取陰乾以此為君妙在此藥上黑豆三十粒赤豆七十粒山檀肉一兩新升麻七錢五分生地黃荆芥防風川獨活甘草當歸各五錢連翹七錢五分黃連赤芍藥梔梗各五錢牛蒡子一兩硃砂另研甘草同煮過去甘草一兩五錢苦絲瓜二個各長五寸隔年經霜者妙燒灰存性右藥為極細末砂糖拌勻共搗千餘下丸如李核大每服一丸濃煎甘草湯化下其前項藥預辦精料遇春分秋分或正月十五日或七月十五日修合務在虔誠忌婦人雞犬貓孝服見之合藥須淨室焚香向太陽祝藥云神仙真藥體合自然嬰兒吞服天地齊年吾奉太上老君急急如律令勅一氣七遍 慈惠小福怡小便不通諸藥無效○金絲草一握同韭菜根頭煎湯洗小肚即通金絲草多附黃豆莖上無根無葉細絲如櫻色近水灘諸樹上皆有之

麥蘗藤 各麥地皆有臨安縣鄉間尤多 四月採之莖纏麥上葉類神仙對坐草而略尖微有毛葉對節生

莖細節微紫葉小者佳葉大者無力 跌撲 張氏傳方以乾者一錢酒煎服

白毛藤 亦名天燈籠又名和尚頭草白毛藤生人家牆壁上莖葉皆有白毛八九月開花藕合色結子生

青熟紅烏雀喜食之○百草鏡白毛藤多生人家園圃中牆壁上春生冬稿結子小如豆而軟紅如珊瑚

霜後葉枯惟赤子纍纍綴懸牆壁上俗呼毛藤果採其藤乾之浸酒云可除骨節風溼痛 止血淋瘡疔

氣汁滴耳中止膿不乾入藥內保腫毒不大治癰痺用煮牛肉精者食之○清溼熱治黃疸水腫小兒蛔

結腹痛○採藥志云性熱活血追風生血治鬼箭有效 風痛 楊氏驗方桑黃二兩白毛藤二兩切碎

用紹興原蠶酒六斤煎三炷香每日服一飯盃 黃疸初起 白草鏡白毛藤神仙對坐草大茵陳三白

草車前草各等分白酒煎服 大氣脘 不藥良方用白毛藤無灰酒服

天球草 一名盒子草俗呼盒兒藤好生水岸道旁苗高三四尺葉如波斯花有小絨五月結實為球球內生黑子二片生時青老則黑每片渾如龜背又名龜兒草丹術家取其汁伏硫汞根伏雌雄○百草鏡鴛鴦木髓一名水荔枝盒兒藤葉長尖有鋸齒生水涯蔓生秋時結實狀如荔枝青色有刺殼上中有斷紋

兩截相合藏子二粒色黑如木髓而小孫氏丹方蓋子草及葉有小毒蔓生岸旁葉尖花白子中有二片如盒子網目附於槿藤後花實根形俱不甚詳性有小毒主蠱毒及蛇咬搗敷瘡上即愈

疥積初起百草鏡云鴛鴦木髓三錢煎服愈敏按此草似預知子近時人罕用而吳氏遵程著從新以預知子為近日所無直不知即天球草也世不用而草醫又易以他名

松蘿山川志出武當山生高峯古木上長者丈餘治蛇虎傷湯火烙傷及頑瘡等症藥性考松蘿甘平能平肝氣曠怒痰熱溫瘧吐痢頭風頭瘡癭瘤結聚亦能探吐膈痰去熱

松上寄生 利水導痰除胸中熱  
楓上寄生 汪連仕云吊殺猴猴一名上樹猴猴又名鐵角猴兒乃楓樹上風木藤至年遠結成連珠傀儡能追風不換時刻酒蒸服加金雀根土當歸石牀花根石蠶治癱瘓勾急之要藥

蛇莆藤 職方典產福甯莖細葉如猴耳 治喉齒百病  
李頭藤 職方典產福甯其藤腐朽者可代香用 止嘔血活經絡

龍鬚藤 粵東小錄藤產東莞微細如髮直起數丈無一節常飛越數樹如千百游絲牽綴紅者名紅龍鬚紫者名紫龍鬚有五色然生無根蒂以穢物投之即消釋不知所去土人以其液和細土石灰塗鬚糖益其堅如鐵雖猛火不裂其花與子皆入藥 浸酒服補筋骨祛風解毒能循脈絡無微不至藥性考

五色龍鬚藤細如髮生無根蒂掛樹長發  
臭藤根 草寶云此草二月發苗蔓延地上不在樹間係草藤也葉對生與臭梧桐葉相似六七月開花粉紅色絕類牽牛花但口不甚放開搓其葉嗅之有臭氣未知正名何物人因其臭故名為臭藤其根入藥

本年者細小二三年者大如葉藤可用。李氏草秘云臭藤一名卻節對葉延蔓極臭煎洗腿足諸風寒溼痛拘攣不能轉舒如神。汪氏藥錄臭蒲萄蔓延而生子如蒲萄而臭治風又云野蒲萄氣重味臭功能敗腸胃之癰 治瘰癧 用根煎酒數服自愈未破者消已潰者斂 治風痛腸癰跌打損傷流注風火痺毒散鬱氣洗疔合紫蘇煎湯在連仕方

黃練芽 今呼黃連芽一名黃捷頭春初採嫩芽小兒生食之取其清香可口味帶苦澁如黃連故名亦可

以鹽湯焯食漉出曝乾為鹽菜暑月食之。百草鏡此物藤生引蔓大樹上葉如桑寄生尖長柔滑頗光潤肥厚二三月枯枝生芽淡紅色如椿芽生食苦中帶甘入口生津安徽人家多醃以為菜與芹芽椿芽

蘆芽並重。藥性考云葉似槐而尖嫩時揉乾代茶勝若木甚細膩苦中帶甜味如橄欖鹽食酸甜解喉痛咽哽消熱醒酒舌爛口糜嚼汁可解 味苦澁性寒解暑止渴利便食物宜忌生津明目清積熱解毒藥檢敏按方以智物理小識黃練頭一名回味俗呼黃連頭樹分葉如椿大者合抱春采其葉味苦而甘

皮可合香入藥治病及霍亂綱目遺此未收如方氏所云則木也與百草鏡所云互異或地土有不同耶

本草綱目拾遺 卷七 藤部 松蘿 松上寄生 楓上寄生 蛇齒藤 李頭藤

十五 上海錦章書局石印

抑其物本有二種耶並存俟考

木龍藤 周益生家寶方藤出錢塘橫山喜沿人家牆壁及石崖上土人多識之 治肺癰吐癰腸癰肺

癰四症搗汁老酒沖服冬月以酒搗取汁二盃服立效 蔓油按蔓即扶留藤蔓即茆也嶺南人取其葉合檳榔食今人名檳葉用其葉封固曬半載收貯待用可

留數十年非獨疏積滯消瘴癘治病亦夥惟西洋人有之 治手足紅腫或疼以蔓葉油揉擦用布包

裏滴耳治耳痛刀傷刺傷以棉花浸蔓油貼裏傷處又治背癰及癩毒貼之初起者即解散已成即速

花部

梅花 綱目載梅花無治方止言點湯煮粥助雅致而已食物宜忌云梅花味酸澹性平並無主治殆

亦不知梅花之入藥最廣而功效亦最大○百草鏡梅花冬蕊春開其花不畏霜雪花後發葉得先天

氣最足故能解先天胎毒有紅白綠萼千葉單葉之分惟單葉綠萼入藥尤良探能不犯人手更佳含苞

者力勝性寒或曰平味酸澹清香開胃散鬱煮粥食助清陽之氣上升蒸露點茶止渴生津解暑滌煩○

談撰卉木皆感春氣而生獨梅開以冬蓋東方動以風風生木故曲直作酸則酸者木之性惟梅之味最

酸乃得氣之正北方水為之母以生之則易感故梅先眾木而華癸辛雜識梅花無仰開者蓋亦自能巧

避風雪耳驗之信然 粵志惟嶺南梅花最早冬至雷動地中則梅開地上蓋其時火之氣不足於地而

發其最初之精華故梅開水之氣上足於天而施其最初之滋潤故雪落雪洩也從肅殺之中洩其一陽

之精以為來春之生生者也雪深則水氣足梅早則火氣足火氣足而為天地陽生之始陰殺之終使萬

物皆復其元梅之德所以為大天地一陽之復不可見見之於梅又其得氣之先也韶州梅長至已花臘

月復開尤盛有於舊蒂而作新花者其地屬嶺北故梅以臘以正月開氣盛則開而又開瓊州梅有六出

者子謂梅五出者也五陽數也冬至一陽始復梅吐花得陽之先者今六出乃得陰數矣蓋以地氣而變

苦於嚴寒故不用五而用六同於雪花也以梅為體以雪花為用人見其六而不見其五葢五在於六之

中猶河圖之五在十中也河圖之一生水梅得水氣之先故花於冬至與雪同時雪者水氣所凝梅者水

形所結卦皆屬坎水在天而凝雪水在地而發梅水之數六寒極則雪花與梅皆六出應其數也 花微

酸澹無毒清頭目利肺氣去痰壅滯上熱本草原始安神定魂解先天痘毒凡中一切毒 治瘰癧雞蛋  
開一孔入綠萼梅花將開者七朶封口飯上蒸熟去梅花食蛋每日一枚七日全愈 厨上生瘡 赤水  
玄珠白梅瓣貼之神效如開裂出血者即止 紫金錠 宜端午日製合飛硃砂紅芽大戟處州山茨菇  
千金霜川文蛤淨粉草河車以上六味各二兩珍珠琥珀明雄黃冰片陳金墨各五錢梅花蕊西牛黃各  
一兩川麝香四錢右各藥為末乳篩極細以糯米粉糊杵為丸研用 稀痘神方 白梅花蕊三錢採飽

錠者須預備曬乾生地黃三錢當歸三錢生甘草一錢廣帶小兒自己落時去灰或春用新瓦炙存性研末極細同煎濃汁濾清熬膏作一日喫完小兒永不出痘萬病回春載尹蓮頭混元丹治小兒諸虛百損用梅花合混元衣注梅花解痘先天之毒 九仙奪命丹 集聽云又名十聖丹治七十二般無名腫毒惡瘡流注火痲等症硃砂三錢雄黃乳香沒藥冰片血竭各二錢石膽礬青麝香枯礬熊膽飛過黃丹各一錢五分蜈蚣蛇蝎蠶蠶各二條微炒黃色去嘴梅花一升寒冰石牛黃蟾酥白宮粉礪砂各一錢全蠍九個蝸牛七條以上廿三味爲末研極細以硃砂一錢五分爲衣其修合之法先將蟾酥用乳汁化

開共爲丸如丸不起略加翅糊如桐子大每服一丸令病人人口嚙生葱一根咽下又嚙一根極爛吐在手心上裏藥用滾熟老酒吞下量冷暖時候蓋被出汗如病人不能嚙人代嚙之亦可如無汗再服一丸自愈凡諸毒醫遲毒走攻心必不可救若汗來遲以熱酒催之不可以手摸摩患處如癢以舊木梳梳之自

止 稀痘 集聽用綠萼梅花七朵須預養於花瓶內春分日摘花半開者只用淨瓣搗爛白糖三匙滾水服之毒即全消免出痘矣小兒瀟月後即可服梅花點舌丹 集驗治一切疔毒及惡瘡初起天行瘟

毒咽喉腫痛等症輕者二粒重者四粒先用無根水送下次取一粒噙於舌下化之乳香去油二兩珍珠豆腐煮過麝香水飛熊膽各六分沒藥去油京牛黃苦葶藶砂礪砂蟾酥人乳泡血竭雄黃水飛各二錢片腦一錢另研沈香一錢白梅花陰乾一錢二分共爲細末用人乳汁化蟾酥丸黍米大金箔爲衣

預稀痘疹 不藥良方每年臘月清晨摘帶露綠萼梅蕊一百加上白糖搗成小餅令食之 三花丹赤水玄珠將出痘之時用此能稀痘梅花桃花梨花取已開未開盛開者陰乾爲末等分兔腦爲丸

雄黃爲衣用赤小豆菜豆黑豆湯送下 梅桃丹 赤水玄珠治痘已出未出不起不發隱在皮膚並治麻症斑症用梅花一兩桃仁辰砂甘草各二錢絲瓜五錢爲末每服五分參蘇湯下 痘不問前

後凡黑陷咬牙寒戰用梅花六錢穿山甲一兩仙靈脾五分麝香一錢爲末每服三五分咬牙寒戰加人牙二三釐內托散送下 青梅散 錫山衣德堂稀痘良方用生青果核七個打碎去仁曬乾研極

細末不宜火焙又不宜沾生水再用玉蝶梅花二十一朵去蒂共白蜜兩茶匙搗濃恰交春分時與小兒服永不出痘即出亦不過三粒此方傳自江甯王培德家已九世無痘傷之兒真異方也 二氣丸

新安汪偉公先生傳其家親友凡小兒服此丸永不出痘其方即前稀痘神方臍帶曰坎氣梅花先天之氣故名二氣丸 七仙丹 張致種痘新書治痘氣血兩虛灰白水泡養場等症黃芪二兩人參

一兩甘草五錢紫河車一兩梅花一兩五錢鹿茸一兩天靈蓋一個共爲末每服八九分用內托散煎湯送下氣實者加山查陳皮各五錢應昌按天靈蓋即或有益亦不可用況二方功效全不在此乎二

花散 種痘新書云能起五陷黃蠟梅花素心者尤良陰乾不拘多少去毛殼罐盛聽用桃花陰乾山查去核炒爲末小絲瓜陰乾爲末陳皮去白入參黃芪炙甘草炙砂紫河車酒洗去筋蒸焙乾鹿茸

本

草

綱目合覽 卷七 花部 梅花 梅根 雪荷花 雪芝 雪裏花 十六 上海錦章書局石印

酒酥炙穿山甲取首尾四足者炒仙靈脾去四弦刺酒焙人牙火煨非汁焯七次天靈蓋洗淨去酥各為末用。按綱目梅花條下並無主治而於蠟梅花下亦僅言解暑生津而已不知蠟梅亦並非梅種其主治亦廣不僅治痘也。龍腦骨 種痘新書云治痘出未透心狂見鬼陷伏等症用梅花不拘多少曬乾為末加冰片少許共研為末以豬心血和勻為丸狂譫者燈心湯引紫陷者以紫草煎湯調之加酒數茶匙化下 絕痘 楊春涯驗方用南方綠萼梅蕊未放採藏風乾逢四時八節節前一日用

雞蛋一個打孔入蕊紙糊好飯上蒸熟喫數次永不岀痘卽出亦不過數粒 解痘毒 劉氏得效方立春前後三日採紅梅蕊半含半開者一鍾去蒂仍安鍾內磁碟蓋住一週時足氣汁升上用新搗盆末經五辛者搗研如泥捏成餅樣加明硃砂水飛一錢勻參於上緩緩研勻再加白蜜少許丸如彈子曬半乾金箔為衣遇四絕日每服一九甘草湯下忌鐵器葷腥服過一九後當日晚間微微發熱次日

遍身發出細癩是其驗也。種福堂方梅花丸治痘疹有起死回生之功又換痘丹中梅蕊犀角麻黃膏並用 宋禹功仙傳稀痘方赤豆黑豆茶豆各一兩研末入新竹筒中削皮留節鑿孔入藥杉木塞緊用蠟封固臘月浸廁中一月取出風乾每藥配梅花片三錢每服一錢以經霜絲瓜藤筋煎湯下神效 千里梅花丸途中備用 醫學指南用枇杷葉乾葛末百藥煎烏梅肉臘梅花甘草各等分為末

用蠟化開投蜜每蠟一兩加白蜜二錢和藥末搗二三百下丸如雞頭實大夏月長途含化一丸津液頓生寒香滿腹妙不可言

梅梗 諸梅樹皆可用以綠萼者佳凡梅有氣條青翠色此條無葉止光梗出枝罅薛徵君生白曾言用以通上下膈氣有效此氣條而非梗也用梗以帶葉成枝者入藥綱目梅部載梅實及核仁根葉獨不及梗 保產神效方 道聽集云凡婦人三月久慣小產百藥不效者以梅梗三五條煎濃湯飲之復飲龍眼湯無有不保者

雪荷花 雪芝 雪裏花 產伊犁西北及金川等處大寒之地積雪春夏不散雪中有草類荷花獨莖亭亭雪間可愛戊戌春子於史太守處親見之較荷花略細其瓣薄而狹長可三四寸絕似筆頭云浸酒則色微紅彼處土人服之為助陽要藥 憶舊遊詩話雪蓮花千年不化元雪深處有之形似蓮花高可丈許取以釀酒倍增春色蓋陰極而陽生之意耳亦產巴里坤 等處 西北域記雪蓮產積雪中

一莖並蒂浸酒色碧性熱人稱其功同仙茅枸杞而不知其禍乃同砒鴆也蝦蟆比蓮尤甚 子甥屠潤南自哈密回帶有雪荷花因訪其功效據言其地有天山冬夏積雪雪中有蓮以產天山峯頂者為第一然不可得山腰次之其生也有雌雄土人採乾之成對以市性大熱能補陰益陽老人陽絕者浸酒服能令八十者皆有子 性大熱治一切寒症 此物產於極冷之地乃陰極陽生故也 朱排山

柑園小識雪蓮生西藏藏中積雪不消暮春初夏生於雪中狀如雞冠花葉遍肖花高尺許雌雄相並

雪蓮生西藏藏中積雪不消暮春初夏生於雪中狀如雞冠花葉遍肖花高尺許雌雄相並

而生雌者花圓雄者花尖色深紅性大熱能除冷疾助陽道家爭致之以治房中之藥 藥陽對夏  
錄塞外有雪蓮生崇山積雪中狀如今之洋菊名以蓮耳其生必雙雄者差大雌者小然不並生亦不  
同根相去必一兩丈見其一再覓其一無不得者蓋如菟絲茯苓一氣所化氣相屬也凡望見此花默  
往採之則獲如指以相告則縮入雪中杳無痕迹即斷雪求之亦不獲草木有知理不可解土人曰山  
神惜之其或然歟此生寒極之地而性熱二氣有偏勝無偏絕積陰外凝而純陽內結坎卦以一陽陷  
二陰之中剝復二卦以一陽居五陰之上下是其象也然浸酒為補劑多血熱妄行或用合媚藥其禍  
尤烈蓋天地陰陽均調萬物乃生人身之陰陽均調百脈乃和故素問曰亢則害承乃制自丹溪立陽  
常有餘陰常不足之說醫家失其本旨往往以苦寒伐生氣張介賓輩矯枉過直遂偏於補陽而參耆  
桂附流弊亦至於殺人是未知易道扶陽而乾之上九亦戒以亢陽有悔也嗜慾日盛羸弱者多溫補  
之劑易見小效堅信者遂眾故余謂偏伐陽者韓非刑名之學偏補陽者商鞅富強之術初用皆有功  
積重不返其損傷根本則一也雪蓮之功不補患亦此理矣 治痘不起發及悶瘡悶痘止用一瓣入  
煎藥中立效屢試皆驗 陳海曙云

雪芝

南中紀聞衡岳間有之乃冰霰所結歲久蒸積而成產陰崖絕壁間晶莹如玉懸挂峻坂非攀蘿  
捫級不可擷取 療肺疾降火清心

雪裏花

朱楚良在鎮海士人有采雪裏花者冬月嚴寒此花始生在招寶山龍潭旁環渚而發苗甚短  
小如六月雪狀高不過二寸許每雪時開白花如豆大土人采得乾之入藥 敷痔漏 以雪裏花為

水仙花子

能去風澤肌膚潤毛髮治五心煩熱嘈雜不甯同荷葉芍藥為末服

催生蘭

粵志一名報喜蘭風蘭之族並非風蘭也花如蠟梅而色紅紫香味亦同每莖作七八枝懸樹  
間勿侵地氣遇有吉事則開寤生者以花懸戶上即生○關涵嶺南隨筆報喜遇吉事始開種法以空

珠蘭

藥性考珍珠蘭味辛嘗茶香郁其根有毒可磨敷 癰癤 今名雞爪蘭花經云真珠蘭一名魚  
子蘭枝葉似茉莉花發長條細蕊與建蘭同時香亦相似而濃郁過之好清者取其蕊焙茶尤妙但性

珠蘭根

爛置牀頭俟狐來交時塗其莖物上狐大嗥竄去次日野外得一死狐道士云此根狐肉沾  
之即死性能毒狐尤捷效也

建蘭花

葉根草蘭 建蘭有長葉短葉闊葉諸種其花備五色色黑者名墨蘭不易得乾之可治瞽目能  
生瞳神治青盲最效紅花者名紅蘭氣臭濁不入藥黃花者名蜜蘭可以止瀉青色者惟堪點茶或蜜

本草綱目合覽 卷二 花部 水仙花 催生蘭 珠蘭 建蘭花 葉根 上海錦章書局印

浸取其甘芳通氣分素心者名素心蘭入藥最佳蓋建蘭一莖數花實蕙而非蘭也綱目以蕙草為蕙  
即今零陵香於蘭草下正誤條申言蘭草可佩乃孩兒菊古名都梁香是也且斥寇氏丹溪二家所解  
蘭草混入世俗之蘭花為非而以蘭花為幽蘭與蘭草迥異然何以不立幽蘭一條不能無缺略之憾  
因急補之 素心建蘭花乾之可催生除宿氣解鬱蜜漬青蘭花點茶飲調和氣血寬中醒酒闕小記  
建甯人家以蜜漬蘭花冬月點茶芳香如初摘 葉 丹溪云建蘭葉稟金水之氣而似有火不知其

能散久積陳鬱之氣甚有力今時醫用以通舒經絡宣洩風邪亦佳。本草匯云蘭葉稟金水清芬之  
氣似有火獨走氣道入西方以清辛金不獨開胃清肺消痰善能散積久陳鬱之結氣今人但賞花香  
不知用葉亦缺典耳況藥味載內經甚少蘭獨擅名所謂治之以蘭除陳氣也故東垣方中每常用之  
與藿香枇杷葉石斛竹茹橘紅開胃氣之神品入沈香鬱金白蔻蘇子蘆根汁下氣開鬱治噎膈之將  
成者產閩中者力勝江浙諸種力薄辛平甘寒陰中之陽入手太陰足陽明經亦入足太陰厥陰經生  
津止渴開胃解鬱潤肌肉調月經養營氣本經主利水道因其走氣道故能利水消渴除胸中痰癖殺  
蠱毒不祥之氣者蓋肺主氣肺氣鬱結則上竅閉而下竅不通胃主納水穀胃氣凝滯則水穀不以時  
化而為痰癖蠱毒不祥之氣辛平能散結滯芬芳能除穢惡則上症自除本草匯 按綱目蘭草條

不指幽蘭而本草匯草部有蘭草所言皆指建蘭即瀕湖所云幽蘭是也今從其說補之 根 名  
土續斷治跌打和血物理小識幽蘭建蘭根甘宜入藥其花可茹葉以浸油黑髮又云都梁蘭根名  
土續斷當是此也。五雜俎蘭根食之能殺人忌內服治痰嗽後吐血。劉羽儀經驗方云先痰嗽

後吐血而氣急者用天冬麥冬生地白芍紫苑山梔桑皮地骨皮等藥如氣急去天冬加真蘇子取  
蘭花根搗汁沖服尤妙。江夏程雲鵬著慈幼筏痘門載清地散花飲凡痘見標三日此方主之有  
夾疹者加蘭花根額上灰滯色加菊花蘭花梅花或蘭花根亦可又玉液春膏飲中治背漿不足加  
酒炒土蘭花

草蘭 葉短而狹小春花者名春蘭秋花者名秋蘭皆一幹一花有一幹數花者名九節蘭其萼中無  
紅斑點色純者名草素尤香入藥以一幹一花者良 根 治瘋狗咬行篋檢秘取根四兩水淨入  
黃酒二盞煎成一盞服完其毒即從大小便化血而出

玫瑰花 有紫白二種紫者入血分白者入氣分莖有刺葉如月季而多鋸齒高者三四尺其花色紫  
入藥用花瓣勿見火。百草鏡云玫瑰花立夏前採合苞未放者陰乾用忌見火 氣香性溫味甘  
微苦入脾肝經和血行血理氣治風痺。藥性考云玫瑰性溫行血破積損傷痲痛浸酒飲益 治  
吐血玫瑰膏 救生苦海用玫瑰花一百朵初開者去心蒂河水二盞煎半再用河水一盞煎半去  
渣和勻共有盃半復煎至一盞白糖一筋收成調膏不時服之 噤口痢 用玫瑰花陰乾煎服

渣和勻共有盃半復煎至一盞白糖一筋收成調膏不時服之 噤口痢 用玫瑰花陰乾煎服

治乳癰玫瑰七朵母丁香七粒無灰酒煎服自愈 腫毒初起 百草鏡玫瑰花去心蒂燒為末一錢好酒和服 乳癰初起 鬱症宜此 百草鏡玫瑰花初開者陰乾燥者三十朵去心蒂燒酒煎食後服 肝胃氣痛 用玫瑰花陰乾沖湯代茶服 新久風痹 百草鏡玫瑰花去淨蕊蒂陰乾少去紅花全當歸各一錢水煎去渣好酒和服七劑除根永不復發 吐紅 集聽用玫瑰花不拘多少去蒂搗汁熬膏貯瓶內每早空心茶匙挑四五匙白滾水沖服一二日即愈 少林拳經玫瑰花能治跌打損傷 風痺藥酒 救生苦海用白樺花大紅月季花玫瑰花去蒂各一兩開羊花五錢風茄花五朵龍眼肉北棗肉各一兩紹酒五壺浸封七日隔水煮之罈上置白米一撮米熟成飯為度取出每服二三杯蓋暖臥避風即愈 保真丸 朱排山相國小識保真丸能通經絡和百脈壯腰腎健脾胃加飲食健步履除一切痼疾能固真元用玫瑰花去蒂摘瓣以竹紙糊袋裝之薄攤曬乾取淨末一筋不宜見火此花色能益血香能補氣妙難盡述補骨脂一筋淘淨泥土用芪朮苓甘各五錢煎汁一盃拌曬以汁盡曬燥炒兔絲子一筋用芎歸芍生地各五錢煎汁去渣以汁煮兔絲子俟吐絲為度曬乾炒胡桃仁六兩連皮搗如泥杜仲四兩鹽水炒去絲韭子四兩淘淨微火炒各為細末煉蜜為丸如桐子大每晨空心白湯服四錢忌羊肉蠶薑並諸血一方加魚膠四兩男婦共服可以種子極效或加鹿角膠枸杞子

**金雀花** 一名黃雀花似六月雪而本高正二月開花色黃根有刺根入藥○花鏡金雀花枝柯似迎春

葉如槐而有小刺仲春開黃花其形尖旁開兩瓣勢如飛雀可愛其花鹽湯焯過控乾入茶供○百草鏡金雀花生山土中雨水時開花色黃而香形酷似雀白花者名銀雀最難得其莖有白點花後發葉碎小葉下有軟刺取根入藥去外黑皮及內骨用別有霞雀花更不可得○嘉興府志金雀一名飛來鳳鹽浸可以點茶○成化四明志金雀兒花產奉化○丁未余館奉化劉明府署時明府幼孫患痘不起發醫用金雀花詢其故云此藥大能透發痘瘡以其得先春之氣故能解毒攻邪用花 性平和血能風入肝脾二經亦入乳癰用 百草鏡跌撲傷損以金雀花乾者研一錢酒下 根 治跌打損傷又治咳嗽煖筋骨療痛風性能追風活血兼通血脈消結毒○濟世良方金雀根搗汁和酒服渣罨傷處治跌打損傷

**金蓮花** 廣羣芳譜出山西五臺山塞外尤多花色金黃七瓣兩層花心亦黃色碎蕊平正有尖小長狹

黃瓣環繞其心一莖數朵若蓮而小六月盛開一望遍地金色爛然至秋花乾不落結子如粟米而黑其葉綠色瘦尖而長五尖或七尖○五臺山志山有早金蓮如真金挺生陸地相傳是文殊聖蹟○張壽莊云五臺山出金蓮花寺僧採摘乾之作禮物餉客或入寺獻茶盃中飄浮一二朵如南人之茶菊然云食之益人 查慎行人海記早金蓮花五臺山出瓣如池蓮較小色如真金曝乾可致遠有分餉

者以點茶一甌置一朵花開沸湯中新鮮可愛後尾從出古北口外塞山多有之開花在五六月間一入秋莖株俱萎矣。金蓮花出五臺山又名旱地蓮一名金芙蓉色深黃味滑苦無毒性寒治口瘡喉腫浮熱牙宣耳疼目痛煎此代茗。明目解嵐瘴。恕軒疔瘡大毒諸風。山海草函。

佛桑花 粵語佛桑枝葉類桑花丹色名朱槿一名福桑又名扶桑重臺者日愛老多以爲蔬綱目木槿後有扶桑條止載外治故補之。吳震方嶺南雜記扶桑粵中處處有之葉似桑而略小有大紅淺紅黃三色大者開泛如芍藥朝開暮落落已復開自三月至十月不絕佛桑與扶桑正相似而中心起樓多一層花瓣今人以扶桑佛桑混一非也紗緞黑退變黃搗扶桑花汁塗之復黑如新。潤容補血粵語美顏潤血。陳述齋瑣語朱槿花蒸醋食之粵中婦女多以此美姿。敏按兩粵瑣語載朱槿與佛桑皮

微有異云朱槿一名日及亦曰舜英葉如桑光潤而厚高止四五尺而枝婆娑自仲春花至仲冬一叢之上日開數百朵朝開暮落色深紅五出大如蜀葵瓣捲起勢若飛颺層出如樓子有蕊一條比瓣稍長上綴金屑日光所爍疑有火焰粵女多種之插枝即生蘇子瞻詩焰焰燒空紅佛桑謂朱槿也然佛桑又有殷紅水紅黃紫各色比朱槿差小稱小牡丹四時有花白者以爲蔬菜甜美可口女子食之尤宜據陳述齋所云則佛桑與朱槿一類而二物要其功用亦不甚遠故粵語以爲即朱槿今並附錄其功用以補李氏所未備

寶珠山茶 雲溪方以落地花仰者爲貴山茶多種以千葉大紅者爲勝入藥。百草鏡山茶多種惟寶珠入藥其花大紅四瓣大瓣之中又生碎瓣極多味瀼二三月採陰乾用之若俱是大瓣千葉者名洋茶不入藥單瓣者亦不入藥羣芳譜寶珠山茶可代鬱金研末麻油調塗湯火灼傷。味微辛甘性寒破血消癰跌打吐血症用之又治腸風瀉血湯火傷鼻衄灸瘡均焙研七朶空心酒服。百草鏡云涼血破血止血瀉劑也消癰腫跌撲斷久痢腸風下血崩帶血淋鼻衄吐血外敷灸瘡。赤痢。救生苦海用大紅寶珠山茶花陰乾爲末加白糖拌勻飯鍋上蒸三四次服。鼻中出血。何明遠方千葉大紅山茶花二三月採陰乾用時取五六朶煎服即止。又張氏必效方鼻衄用寶珠山茶大紅者焙研三五錢砂糖滾水和服。吐血咳嗽。不藥良方寶珠山茶瓦焙黑色調紅砂糖日服不拘多少。又方寶珠山茶十朶紅花五錢白芨一兩紅棗四兩水煎一盃服之渣再服紅棗不拘時亦取食之。蔣儀藥鏡拾遺賦山茶花吐血衄血腸風下血之良將。宋春暉云曾見有人患乳頭開花欲墜疼痛異常有教以用寶珠山茶焙研爲末用麻油調搽立愈痔瘡出血。汪子明方用寶珠山茶研末沖服。

粉團花 根附。有大小二種其花千瓣成簇大者曰玉粉團初青後白小者曰洋粉團青色轉白後轉紅藍色入藥用大者。性寒熏臭蟲同水龍骨雷公藤和燒熏之立除。百草鏡。洗腎囊風。姚伯玉方用粉團花七朶水煎洗。良方集要用蛇牀子牆上野莧球花煎湯洗之。根。治喉爛。傳效。

紅藍色入藥用大者。性寒熏臭蟲同水龍骨雷公藤和燒熏之立除。百草鏡。洗腎囊風。姚伯玉方用粉團花七朶水煎洗。良方集要用蛇牀子牆上野莧球花煎湯洗之。根。治喉爛。傳效。

紅藍色入藥用大者。性寒熏臭蟲同水龍骨雷公藤和燒熏之立除。百草鏡。洗腎囊風。姚伯玉方用粉團花七朶水煎洗。良方集要用蛇牀子牆上野莧球花煎湯洗之。根。治喉爛。傳效。

紅藍色入藥用大者。性寒熏臭蟲同水龍骨雷公藤和燒熏之立除。百草鏡。洗腎囊風。姚伯玉方用粉團花七朶水煎洗。良方集要用蛇牀子牆上野莧球花煎湯洗之。根。治喉爛。傳效。

紅藍色入藥用大者。性寒熏臭蟲同水龍骨雷公藤和燒熏之立除。百草鏡。洗腎囊風。姚伯玉方用粉團花七朶水煎洗。良方集要用蛇牀子牆上野莧球花煎湯洗之。根。治喉爛。傳效。

紅藍色入藥用大者。性寒熏臭蟲同水龍骨雷公藤和燒熏之立除。百草鏡。洗腎囊風。姚伯玉方用粉團花七朶水煎洗。良方集要用蛇牀子牆上野莧球花煎湯洗之。根。治喉爛。傳效。

紅藍色入藥用大者。性寒熏臭蟲同水龍骨雷公藤和燒熏之立除。百草鏡。洗腎囊風。姚伯玉方用粉團花七朶水煎洗。良方集要用蛇牀子牆上野莧球花煎湯洗之。根。治喉爛。傳效。

紅藍色入藥用大者。性寒熏臭蟲同水龍骨雷公藤和燒熏之立除。百草鏡。洗腎囊風。姚伯玉方用粉團花七朶水煎洗。良方集要用蛇牀子牆上野莧球花煎湯洗之。根。治喉爛。傳效。

紅藍色入藥用大者。性寒熏臭蟲同水龍骨雷公藤和燒熏之立除。百草鏡。洗腎囊風。姚伯玉方用粉團花七朶水煎洗。良方集要用蛇牀子牆上野莧球花煎湯洗之。根。治喉爛。傳效。

紅藍色入藥用大者。性寒熏臭蟲同水龍骨雷公藤和燒熏之立除。百草鏡。洗腎囊風。姚伯玉方用粉團花七朶水煎洗。良方集要用蛇牀子牆上野莧球花煎湯洗之。根。治喉爛。傳效。

紅藍色入藥用大者。性寒熏臭蟲同水龍骨雷公藤和燒熏之立除。百草鏡。洗腎囊風。姚伯玉方用粉團花七朶水煎洗。良方集要用蛇牀子牆上野莧球花煎湯洗之。根。治喉爛。傳效。

紅藍色入藥用大者。性寒熏臭蟲同水龍骨雷公藤和燒熏之立除。百草鏡。洗腎囊風。姚伯玉方用粉團花七朶水煎洗。良方集要用蛇牀子牆上野莧球花煎湯洗之。根。治喉爛。傳效。

紅藍色入藥用大者。性寒熏臭蟲同水龍骨雷公藤和燒熏之立除。百草鏡。洗腎囊風。姚伯玉方用粉團花七朶水煎洗。良方集要用蛇牀子牆上野莧球花煎湯洗之。根。治喉爛。傳效。

紅藍色入藥用大者。性寒熏臭蟲同水龍骨雷公藤和燒熏之立除。百草鏡。洗腎囊風。姚伯玉方用粉團花七朶水煎洗。良方集要用蛇牀子牆上野莧球花煎湯洗之。根。治喉爛。傳效。

紅藍色入藥用大者。性寒熏臭蟲同水龍骨雷公藤和燒熏之立除。百草鏡。洗腎囊風。姚伯玉方用粉團花七朶水煎洗。良方集要用蛇牀子牆上野莧球花煎湯洗之。根。治喉爛。傳效。

紅藍色入藥用大者。性寒熏臭蟲同水龍骨雷公藤和燒熏之立除。百草鏡。洗腎囊風。姚伯玉方用粉團花七朶水煎洗。良方集要用蛇牀子牆上野莧球花煎湯洗之。根。治喉爛。傳效。

紅藍色入藥用大者。性寒熏臭蟲同水龍骨雷公藤和燒熏之立除。百草鏡。洗腎囊風。姚伯玉方用粉團花七朶水煎洗。良方集要用蛇牀子牆上野莧球花煎湯洗之。根。治喉爛。傳效。

紅藍色入藥用大者。性寒熏臭蟲同水龍骨雷公藤和燒熏之立除。百草鏡。洗腎囊風。姚伯玉方用粉團花七朶水煎洗。良方集要用蛇牀子牆上野莧球花煎湯洗之。根。治喉爛。傳效。

方取入土內者好醋磨以翎毛蘸掃患處涎出愈

**玉簪花** 綱目玉簪條載根葉之用獨不言其花今人取其含蕊實鉛粉其中飯鍋上蒸過云能去鉛氣

且香透粉內婦女以勻面無野疔之患其葉乾之熏壁蝨絕跡花性微毒治小便不通藥集方玉龍散

中用之 治癰第一靈丹 寶誌遺方鮮玉簪花三百朵為泥母丁香六兩沈香四兩冰片三錢麝三

錢山西城磚十二兩共為末用真麻油三觔半熬熟陳年石灰半觔滴水成珠為度候冷收瓷罐內黃

蠟封固埋土內二十一日取出敷患處自愈此藥可久貯勿使洩氣 治杖破 玉簪花手排熟貼傷

處 清涼膏 張卿子秘方貼疔瘋毒大黃黃柏黃連黃芩鬱金皮消白芨獨腳蓮天花粉玉簪花共

研細末雞子清調敷留頂 又二香追毒飲治肚心癰羌活連翹紫蘇甘草白芷防風銀花天花粉肉

桂黃芪乳香木香沈香芍藥生地枳殼黃芩柴胡胡荽玉簪花水煎食後服 山海草函玉簪花

入韶粉內敷疔瘡蛙瘦 玉龍散 治小便不通用玉簪花蛇蛻各二錢丁香一錢共為末每服一錢

酒調送下 醫學指南

**玉蘭花** 瀕湖綱目辛夷集解下惟云有花白者人呼為玉蘭並不另立主治即辛夷亦用否蕊不及其

花之用也今采龍柏藥性考補之 性溫香滑消痰益肺和氣蜜漬尤良 痛經不孕 良方集要玉

蘭花將開未足每歲一朵每日清晨空心水煎服

**丁香花** 未詳形狀藥性考 味辛微溫嘗茶弔露清利頭目

**紫茉莉** 此草二三月發苗莖逢節則粗如骨節狀葉長尖光緣前銳後大小暑後開花有紫白黃三色

又有一本五色者花朝開暮合結實外有苞內含青子成簇大如豌豆久則黑子內有白粉宿根三年

不取大如牛蒡味微甘類山藥 陳扶搖花鏡紫茉莉一名狀元紅本不甚高但婆娑而蔓衍易生葉

似蔓菁○按紫茉莉入夏開花至深秋未已白花者香尤酷烈其花見日即斂日入後復開亦不經久

一日即萎西人有食之者去其外皮鹽漬以佐饌云能去風活血無濁淋等症然其性秉純陰柔中帶

利久食恐骨軟陽虛人尤忌之性惡鐵凡取用忌鐵器 根治乳癰白濁 花可浸酒 子名土山柰

取其粉可去面上癩痣粉刺 性寒 藥性考

**野薔薇** 百草鏡山野與家種無異但形不大花皆粉紅色單瓣無千葉者春月山人採其花售與粉店

蒸粉貨售為婦女面藥云其香可辟汗去黧黑○花鏡野薔薇一名雪客葉細而花小其本多刺蔓生

籬落開花有純紅粉紅二色皆單瓣不甚可觀但香最甜似玫瑰人多取蒸作露採含蕊拌茶亦佳患

瘡者烹飲即愈 六研齋筆記通元子服餌法春時服薔薇嫩頭一月即可每日服信三釐漸增至一

分即可入水坐臥不病如是經年即可蠟塗身體挾利刀潛遊江湖劫睡龍之珠得珠而行空自如觸

石無礙三界八震可縱浪矣此飛仙之業也而始於嚙薔薇頭談此於客末有不胡盧而笑 花治瘡

本草綱目合贊 卷七 花部 玉簪花 玉蘭花 丁香花 紫茉莉 九 上海錦章書局石印

○伍涵芬韻書志白野薔薇花拌茶煎服可驅瘧鬼。婦人鬱結吐血。○劉克中云香烈大耗真氣虛人忌服之。根治肺癰吐膿痰酒煎服口瘡煎湯漱口。○子名不珊瑚治產後軟癱。婦人禿髮用薔薇嫩枝同猴薑煎汁刷之。

秋海棠 嶺南隨筆海棠本無香惟清遠歸猿洞秋海棠肇慶羶羊峽春海棠其香特盛。○羶芳譜一名八月春草本花色粉紅甚嬌豔葉綠如翠羽此花有二種葉下紅筋者為常品綠筋者開花更有雅趣。

○大觀錄秋海棠亦名斷腸草其根葉有毒犬馬食之即死浸花水飲之害人。○漳州府志秋海棠歲每生苗其莖甚脆葉背作紅亂紋云是相思血也相傳昔人有以思而噴血階下遂生此故亦名相思草其花一朵謝則旁生二朵二生四四生八具太極象雅豔異常。○花鏡秋海棠一名八月春為秋色中

第一本燹而葉大背多紅絲如胭脂作界紋花四出以漸而開至末朶結鈴子生極枝花嬌冶柔媚其異種有黃白二色一名斷腸花。○周開鄂云秋海棠俗傳其花中黃心有大毒人食多死子一日悞食此驚惶一夜倉卒旅邸無藥可解但委命聽之而已次日亦無恙丁憲榮云秋海棠葉初生山左小兒爭采食

之味微酸生津能益唇色如塗朱然則其無毒可知。○藥性考海棠喜背陰而生故性寒凡大熱症可用味酸性寒無毒和蜜搽面澤肌潤肉其幹搗汁治咽喉痛藥性考。百草鏡云擦癩殺蟲用葉花浸蜜入

婦人面藥用。○物理小識白銀以烏梅三葉酸秋海棠葉皆可。海棠蜜 救生苦海紅秋海棠採花去心白蜜拌勻蒸曬十次令化為度冬月早晨洗面後敷之能令色豔并治吹花癬疥瘡。○慈航活人書有

製海棠蜜法上白蜜一大杯紅秋海棠現取花片用拌入蜜內將花略搗爛日日曬或蒸數次自爛如泥其蜜色如海棠或加入好芙蓉粉少許光絕可愛且免面皮凍裂。

茶菊城頭菊 金鈴菊 金箭頭 菊根 茶菊較家菊朶小多心有黃白二色杭州錢塘所屬良渚

檜葬地方鄉人多種菊為業秋十月採取花挑入城市以售黃色者有高腳黃等名色紫蒂者名紫蒂盤桓

白色千葉名千葉玉玲瓏徽人茶舖多買焙乾作點茶用常中丞安宦遊筆記鳳凰山產菊花不甚大蒂紫

味甘取以點茶絕佳又浙省城頭一帶產菊名城頭菊皆生城上石縫中至秋開花花小於茶菊香氣沁腹

點茶更佳此則茶菊之野生者性味不同臨安山中所產一種野菊名金鈴菊花小如豆與城頭菊彷彿山

人多采入藥舖作野菊用實與野菊又不同野菊食之瀉人而鈴菊又不作瀉野菊瓣疎此則旁辨密為別也瀨湖綱目菊分家野而此數種獨未言及今杭俗以茶菊作餉遺客為用最廣子故不惜亂縷言之兼補瀨湖所未備焉。○百草鏡云甘菊即茶菊出浙江江西者佳形細小而香產於亳州者不可用白而微臭近日杭州寬橋安微池州紹興新昌唐公市湖北快州皆產入藥用陰乾者去蒂以白朮枸杞子地骨皮為使反河鮑及無鱗魚圍菊花大不入藥止可裝枕去風其根治疔腫卻效。○羶芳譜一名真菊一名家菊一名茶菊花正黃小如指頂外尖瓣內細萼柄細而長味甘而辛氣香而烈葉似小金鈴而尖更多亞淺氣味

似薄荷枝輪嫩則青老則紫實如苧蕙而細種之亦生苗人家種以供蔬如凡菊葉皆深綠而厚味極苦或  
有毛惟此葉淡綠柔莖味微甘咀嚼香味俱勝顯以作羹及泛茶極有風致○萬應嘉善縣志花黃梗紫爲  
甘菊最良野菊叢生花小性涼家菊花大氣弗聚矣○黃茶菊以紫蒂爲佳明目去風搜肝氣治頭暈目眩  
益血潤容入血分○食物宜忌黃菊花卽甘菊花苦微甘性平益肺腎去風除熱補血養目清眩運頭風○  
白茶菊千葉者佳通肺氣止咳逆清三焦鬱火療肌熱入氣分其根治疔腫喉疔喉癰○海甯出茶菊  
名金井玉欄杆其花心黃邊白點茶絕佳○聖惠方云黃甘菊雖能燥溼祛風亦能助火泄氣 性平  
專入陽分治諸風頭眩解酒毒疔腫 撲打損傷○王阮亭居易錄云四川提督吳英說昔得撲打損  
傷祕方雖重傷瀕死但一絲末絕灌下立甦其方以十一月采野菊花連枝葉陰乾用時取一兩加童  
便無灰酒各一盃同煎熱服 紅絲疔 立效驗方以白菊花葉無白者別菊亦可冬月無葉取根加

雄黃錢許蛇蚶二條共搗極爛從頭敷至絲盡處爲止用絹條裹緊隔夜卽清眞神方也

城頭菊 朱排山柑園小識杭城石罅生菊枝葉極瘦小九月開花如豆香而且甘雍正初禁人採取以  
充貢品宮闈以作枕城上之菊旣爲野生而味甘亦一異也蘇頌圖經云有一種開小小花瓣下如珠  
子謂之珠子菊豈卽此歟 明目去頭風喉癰癩毒涼血其枝葉鮮者生搗卷疔瘡并服其汁兼治蛇

咬瘰癧梅毒眼癩煎洗天泡瘡亦效

金鈴菊 百草鏡云采花乾之作枕除頭風目疾內熱洗風火眼止熱瀉搗卷一切腫毒諸蟲咬螫有效  
胃虛便滑無實熱者忌用以其苦寒傷胃能作瀉也○羣芳譜載金鈴菊花小如鈴其幹長與人等凡  
菊葉皆五出此葉獨尖長七出花與葉層層相間不獨生於枝頭此乃家種金鈴菊非野生金鈴菊也

然功用要亦彷彿

金箭頭 馬伯州菊譜花長而末銳枝葉可茹名金箭頭又名風藥菊專治頭風較他菊十倍  
菊米 處州出一種山中野菊土人采其蕊乾之如半粒菜豆大甚香而輕圓黃亮云敗毒散疔去風清

火明目爲第一產遂昌縣石練山

菊根 張介賓本草正云白菊根善利水搗汁和酒服之大治癰閉 瘰癧未破 醫學指南採野菊根  
搗爛煎酒服渣塗上自消不消自破

睡蓮 廣志睡蓮布葉數重葉如荇而大花有五色當夏晝開夜縮入水底晝復出與夢草晝入地夜卽  
復出相反廣州有之諺曰毋佩睡蓮使人好眠綱目蔬部載睡某而睡蓮獨遺故補之○張敞大觀錄

綽葉夏月生於池沼之間葉類茨菰根如藕條食之令人思睡又名暝菜○嶺南雜記睡蓮菜一名瑞  
蓮花瓣外紫內白幹如奴股心似雞頭以水淺深爲短長日沈夜浮必雞鳴采之始得出高州 佩之

多好眠 廣志清香爽肥消暑解醒 嶺南雜記

瑞香花 粵語乳源多白瑞香冬月盛開如雪名雪花刈以爲薪雜山蘭芎藭之屬燒之比屋皆香其種以攀枝爲上有紫色者香尤烈雜眾花中眾花往往無香皆爲所奪一名奪香花乾者入藥用綱目芳草內瑞香條止載其根治急喉風用白花者研水灌之亦不言其花之功用故補之 稀痘治乳岩初起 藥性考瑞香花醴糖饒芳甘清利頭目齒痛宜含

子午蓮 綱目水草部入蕕以爲此卽大葉之蕕也古人以爲食品祭用蕕葉卽此今浙人呼爲子午蓮生水澤陂蕩中葉較荷而小缺口不圓入夏開白花午開子斂子開午斂故名采花入藥 治小兒急

慢驚風煎湯服用七朵或十四朵杭城張子元扇店施此救人多年矣

桃金娘 粵志草花之以娘名者有桃金娘叢生野間似梅而末微銳似桃而色倍類中莖純紫絲綴深黃如金粟名桃金娘八九月實熟青甜若牛乳狀產桂林今廣州亦多有之粵歌云攜手南山陽采花

香滿筐妾愛留求子卽愛桃金娘○花鏡金絲桃一名桃金娘出桂林郡花似桃而大其色更類中莖

純紫心吐黃鬚鋪散花外儼似金絲八九月實熟青甜若牛乳狀味甘可入藥用如分種當從根下劈

開仍以土覆之至來年移植便活 花行血 子味甘入脾養血明目 假素馨 出廣中青藤仔花也○粵語青藤仔葉長三四寸多芒刺莖大如指而堅韌人家日用之猶北

地之用柳條 煎湯洗瘡疥良 千金花 此卽千金草花千金草卽本經蘭草今所呼孩兒菊省頭草是也二月宿根再發紫莖素枝赤

節綠葉對節生光澤有歧嫩時可掬可佩八九月漸老枝頭成穗作花紅白狀似雛蘇久之花瓣轉白

絨裂如毳毳中有子一粒絨著子上色黑味苦臭香氣裂卽千金花也瀕湖綱目僅載其葉之用本草

乘雅云以千金花煮酒臭類木香甚黃連用治滯痢獲效頗捷子故采其說入花部以補所未備花

氣香味苦浸酒治滯下以其能開辟不祥利水道宣氣四達之功耳 乘雅 梧桐花 山海草函治杖丹癩頭湯火傷

金鳳毛 汪連仕云今人呼翠翎草翠遠如翎細葉塌地而生與翠雲草鳳尾不同敏按此種卽蔦蘿今

人編竹爲亭臺植之盆中秋開大紅小花者是也 治耳疔痔漏 十姊妹 一名佛見笑汪連仕云取其根葉陰乾爲末蜜糖湯調服治傷寒危篤立效乃元升觀之祕方

兩韭 汪連仕草藥方云兩韭生水澤旁卽青茨菇花去溼之功同苗蔴 散一切疔腫消痔漏明目

嬰粟子油 固精 物理小識 佛前舊供花 雲谷醫抄治臙瘡爛腿用佛前多年陳久供花取來用香油浸貼卽愈

果部上 延壽果 乃鹿衛草之子又松潘衛志有延壽果云果生於土味甜似山藥並無樹果此或名同而物異

也○按鹿銜千金方名鹿藥草其葉大而面綠背青者爲異鮮恭言有大小二種俱異言葉似芡實  
生有毛者吳風草也此草惟生於秦地者有子土人名曰延壽果 仁恕堂筆記張掖河西地有草根  
一種形如黃連盤屈曲有若缺然邊人取之實籩豆用之供餽遺名曰延壽果俗又稱鹿跑草其味  
甚甜 理血中邪溼溫補下元去風痺癱瘓痛小兒食之定驚悸三邊紀略 本草逢原云味微澁而

甘不特有益老人而嬰兒先天不足者尤爲上藥惜乎南方罕得也

**櫻額** 果屬也產關東烏喇口外其樹叢生果形如野黑蒲萄而稍小鮮實甚美曬乾爲末可以致遠○  
盛京志一名稠梨子實黑而澀土人珍之閒以作麪暑月調水服之可止瀉 按宦遊筆記郁李卽棠

棣結子如櫻桃南產者酸澀不堪食盛京出者又名櫻額味甘鮮曬乾爲末更佳 味甘澀性溫暖補  
脾止瀉瀉

**倒弔果** 御製幾暇格物編俗名弔搭果形似山梨而小體微長味酢肉多沙長蒂諸果始生時皆向上  
此果花實皆下垂故名生時堅澀熟乃沙樹枝葉俱如梨爲秦中物產今遵化沿邊有之而考之書籍

草木諸譜皆不載倒弔之名惟上林賦云答逐離支答逐音近打拉張揖注云答逐果名按梅堯臣牡  
丹詩用打拉二字北人方言以欹垂爲打拉是答逐名果或因其下垂也說文海篇俱作搭櫻果今名  
弔搭或是答逐音之轉耳 性暖利胸膈健脾消食

**飛松子** 雲南土司志邊境各土司深山中產一種飛松子結實熟時人欲取之子輒飛去夜則仍歸根  
下土人記其處俟夜過子掘其根而取之饋遺以爲珍品味絕香美○徐霞客遊記飛松一名狐實亦

作梧實正如梧桐子而大倍之色味亦如梧桐子而殼薄易剝坐密樹中一見輒伐樹乃可得遲則樹  
卽存而子俱飛去成空株矣故曰飛松惟巔堂關外野人境有之其葉如柳味絕類土豆○滇略梧實  
大如豆殼脆易剝不與他處類俗謂之山松子亦曰飛松○朱排山柑園小識飛松出滇南似梧桐子  
稍大而微長內外色味俱肖而香美過之蔓生松樹上土人甚珍之 下氣消痰通和血脈能返魂凡  
有人魂神不安及驚越失魂神不守舍一切等症此爲要藥故靈璧趙氏天王補心丹治怔忡用之張

蒙猗言十香返魂丹加飛松子殼更效

**茶朧子** 邊輿考其樹出遼東塞外高有三尺許葉如南方棟樹背有黃白點花四出形如手碧色或有  
八出者結子大如拳熟便可食其甘如飴其樹浸水可爲油燃燈入藥用子 治一切病遠塞無藥土

人有病者取茶朧子啖之卽愈

**椰油** 椰中酒 椰膏 椰皮 椰肉 臺灣使槎錄云可佐膏火或云用火炙椰其油自出凡揀椰子以手

搖之聽水聲清亮則心大而甜其肉厚水聲濁則否○滬水燕談錄椰子生安南及海外諸國木如櫻  
稠大者高百餘尺花白如千葉芙蓉一本花不過三五顆其大如斗至差小外有黃毛軟皮中有殼正

類橫椰殼上有二穴牙出穴中殼內類蘿藤皮味苦肉極甘脆蠻人甚珍之○劉恂嶺表錄異椰殼中

有液數合如乳亦可飲之冷而動氣○廣果錄椰樹高六七丈直棘無枝至木末乃有葉如束蒲長二

三尺花如千葉芙蓉白色終歲不絕葉間生實如瓠繫房房連累一房二十七八實或三十實大者如

斗有皮厚苞之曰椰衣皮中有核甚堅與膚肉皆緊著皮厚可半寸白如雪味脆而甘膚中空虛又有

清漿升許味美於蜜微有酒氣曰椰酒蘇軾詩美酒生林不待儀言椰中有自然之酒不待儀狄而作

也○廣東名勝志文昌縣玉陽山椰子最多大三四圍高二三丈通身無枝至百餘年纔有葉三月花

連著實房房三十或二十七八子至六月熟七月收 療齒疾凍瘡 粵志 祛暑氣 華夷花木考 治消渴

塗髮髮立黑 瀉水燕談錄 椰中酒 食物考 緬甸有樹頭酒即椰子中漿汁也 華夷花木考 載林邑

王與南越王有怨遣刺客匕其首梟之樹上化為椰子樹當刺時王方大醉故椰漿如酒飲之醉人

祛風消水腫止吐血塗頭黑髮然多食昏人動氣增渴性溫故也 又服可烏鬚食物考 椰膏 粵載

椰子殼土人取以熬膏色黑如漆塗癬良 椰皮 煮汁止血療吐逆瀉水燕談錄 椰肉 益氣生

風瀉水燕談錄 楊梅下疳筋骨疼痛 不藥良方椰子殼燒存性臨燒以滾酒泡服二三錢暖臥取

汗其痛即止

宜母果 嶺南雜記似橘而酸又名宜濛子○元吳萊有宜濛熱水歌○粵語宜男子似橙而小二三月

熟黃色味極酸孕婦肝虛嗜之故曰宜母元時於廣州荔支灣作御果園栽種里木樹大小八百株以

作渴水里木即宜母子也一名黎濛子吳萊詩廣州園官進渴水天風夏熱宜濛子百花醞作甘露漿

南園烹成赤龍髓蓋以里木子榨水煎糖也蒙古以為舍里別即渴水也一名藥果當熟時人家競買

以多藏而經歲久為尚汁可代醋染大紅以其汁調乃上○藥性考黎濛子大如梅形似橘孕婦宜食

能辟暑即宜濛子孕婦食之能安胎故又名宜母 醃食下氣和胃懷孕不安食之良製為漿辟酷暑

又能解渴○宜母子以鹽醃歲久色黑可治傷寒痰火 粵語

天師粟即婆羅子一名婆羅子治胃痛最驗綱目於主治下失載○通雅婆羅外國之交讓木也葉似柿

皮似玉蘭色葱白最潔烏不棲蟲不生子能下氣○益部方物記生峩嶓山中類枇杷數葩合房春開

葉在表花在中或言根不可徙○吳船錄木葉如海桐又似楊梅花紅白色春夏間開長安客話臥佛

寺內婆羅樹二株子如橡栗可療心疾○宸垣識略婆羅花苞大如拳葉似枇杷凡二十餘葉相咨捧

苞類桐花一簇三十餘朵經月方謝○留青日札婆羅樹出西番海中有在潯州時官圃一株甚巨每

枝生葉七片有花穗甚長而黃如栗花秋後結實如栗可食正所謂七葉樹也藥性考婆羅子一枝七

葉九葉苞如人面花似牡丹香白 肉味苦微涼寬中下氣治胃腕肝膈膨脹疴積瘧痢吐血勞傷平

胃通絡用陰陽瓦炙或酒煨食俱效單用不入他藥或稱天師粟非也○葛祖遺方味甘溫無毒治

心胃寒痛蟲痛性溫殺蟲 胃痛 ○百草鏡用莎婆子即娑羅子也以一枚去殼搗碎煎服能令蟲從大便出三服除根 九種心痛 楊春滙驗方娑羅子即武吉號灰沖酒服

化州橘紅 橘瓢上絲 糖橘紅 橘餅 藥製柑橘餅 青鹽陳皮 橘芥 嶺南雜記化州仙橘相傳

仙人羅辨種橘於石龍之腹至今猶存惟此一株在蘇澤堂者為最清風樓次之紅樹又次之其實非橘皮厚肉酸不中食其皮釐為五片七片不可成雙每片真者可值一金每年所結循例具文報明上臺屆期膏撫差親隨跟同採摘批製官斯土者亦不多得彼土人云凡近州始聞誰樓更敦者其皮亦佳故化皮廣者多真者甚難得 ○關嶺嶺南隨筆化州暑橘樹一月生一子以其皮入藥痰立解後為風折即其地補種氣味便殊今稱化州橘紅者皆以增城香柚皮偽代之能化物而不能自化 ○粵語

化州有橘一株在署中月生一子以其皮為橘紅論湯飲之痰立消曩亦進御今為大風所拔新種一

株味不及化州故多橘紅售於嶺內而產署中者獨異 ○本草乘雅云橘柚專精者實實復專精者皮皮布細窳宛如人膚即脈絡肉理筋膜子核各有屬焉故力能轉入為升轉升為合即轉合為開也種

種形證悉從入從合故胸中痰熱水穀夫宣神明不通氣逆及氣臭耳下氣者出已而降玉衡機轉之妙用也 ○識藥辨微云化橘紅近日廣中來者皆單片成束作象眼塊或三五十片兩頭以紅繩紮

之成一把外皮淡紅色內腹皮白色周身亦有豬鬃皮此種皆柚皮亦能消痰又有一種為世所重每

個五片如瓜中用化州印名五爪橘紅亦柚皮所製較掌片為佳究之真者遠甚也真化州橘紅煎之

作香取其汁一點入痰盃內痰皆變為水此為上品 ○梁氏家藏蘇澤堂化州橘紅每一個七破反

摺作七歧曬乾氣甚香烈有橘紅歌云石龍靈異不可測首向青霄尾潛澤有時聲吼洪如鷲有時噴

沙白似雪鳴或宰相應期生鳴或科甲蟬聯翼由來州牧履其常惟恐怪奇駭愚俗亭碑鼓吹鎮其頭

重鑊壘石填其穴天生靈異無可憑離奇屈曲化為橘橘之為性溫且平能愈傷寒兼積食消痰止咳

功更奇誰先辨此真龍脈價值黃金不易求寄語人聞休浪擲 治痰症如神消油膩穀食積醒酒寬

中氣虛者忌服解蟹毒 慈惠獨食燥中毒橘紅煎湯服 辰砂五香丸 治翻胃噎膈嘔吐張氏秘效  
方用血竭乳香沒藥辰砂各一錢五分元胡一錢化州橘紅一錢共為末每三分酒服 羊癲瘋 良方集要雄黃天竺黃川貝母各五錢真琥珀一錢麝香一錢陳鵬星一兩以上各另研全蠍十四個去足酒洗遠志肉甘草汁製鈞藤防風化州橘紅薑衣羌活茯苓天麻石菖蒲各五錢以上不可見火曬乾蟬蛻三十個白附子六錢共為末煉蜜為丸如龍眼大每服一丸開水下 按百草鏡廣東高州府化州出陳皮去白者名橘紅今亦罕得土人以柚皮代之出售外方價亦不貴辨別之法須先看皮色筋味如皮皺粗色黃而厚內多白膜味反甜帶辛者乃乳柑皮也只堪點茶不堪入藥皮極厚而泡鬆紋極細而色黃內多膜無筋味甜多辛少者乃柚子皮也性忌冷服紋細色紅潤而皮薄多有筋脈味

苦辛入口芳香者乃真化州橘紅也入藥以此種為貴然其性酸削能伐生氣消痰雖捷破氣損人不  
宜輕用近日有一種產仁和塘棲鎮蜜橘皮所製曰甜橘紅清香入肺醒脾消痰之功不下化產而性  
不峻削名為香金板南人體弱者宜之○本草乘雅武林棲水出蜜橘凡數十品名金錢穿心者雖秀  
色可觀又不如佛肚臍形小皮癩甘美可口霜降採取氣足味足密藏至春剖皮抽脈破囊吮汁亦可  
振醒精神為得句破疑之助

**橘窠上絲** 金御乘云橘絲專能宣通經絡滯氣子屢用以治衛氣逆於肺之脈脹甚有效綱目橘窠上  
筋膜只引大明治口渴吐酒而沒其專功何耶因仍其說以補之 通經絡滯氣脈脹驅皮裏膜外積

**痰活血**

**糖橘紅** 仁和塘棲鎮者佳以皮去白切小塊用糖霜製 味甘辛性溫理氣快膈治嗽消痰食物宜忌

**橘餅** 閩中漳泉者佳名麥芽橘餅圓徑四五寸乃選大福橘蜜糖醱製而成乾之面上有白霜故名肉  
厚味重為天下第一浙製者乃衢橘所作圓徑不及三寸且皮色黯黑而肉薄味亦苦劣出塘棲者為

蜜橘餅味差勝然亦不及閩中者又興化出金錢橘餅乃取金橘製成小如錢明如琥珀消食下氣開  
膈捷於砂仁荳蔻又可醒酒醉後點茶尤為妙供 味甘性溫下氣寬中消痰運食食物宜忌黃疸臍

脹除膈止消 經驗廣集 治諸色痢 行篋檢秘橘餅一兩圓眼肉五錢水糖五錢水二盃煎一盃露  
一宿溫服不露亦可至重者不過二三服無不神驗 治瀉 梁氏集驗夏月喫瓜果太多以致洩瀉不

休用漳州好橘餅一枚細切薄片作二次放茶鍾內沖服○橘餅湯 經驗廣集治傷食生冷瓜果泄瀉  
不休橘餅一個切薄片放盃內以沸湯潑蓋住泡汁出即飲湯連餅食一餅可作數次服 百菓酒 香

櫟佛手各二個核桃肉圓眼肉蓮肉橘餅各半筋柏子仁四兩松子三兩紅棗二十兩黑糖三筋乾燒酒  
五十筋浸此酒補虛益腎乃河中李太守祕方

**藥製柑橘餅** 北硯食規用元明粉半夏青鹽百藥草天花粉白茯苓各五錢訶子甘草烏梅去核各二錢  
礪砂桔梗各三錢以上俱用雪水煎半乾去渣澄清取湯煮柑橘炭壑微火烘日翻二次每次輕輕細捻

使藥味盡入皮內如捻破則不妙能清火化痰寬中降氣

**青鹽陳皮** 百草鏡製青鹽陳皮即蘇州宋公祠遺法也陳皮二筋河水浸一日竹刀輕刮去浮白貯竹筐  
內沸湯淋三四次用冷水洗淨不苦為度曬至半乾可得淨皮一筋初次用甘草烏梅肉各四兩煎濃

汁拌曬夜露俟酥捻碎如豆大再用川貝母去心四兩青鹽三兩研為細末拌勻曬露乾收貯 消痰降

氣生津開鬱運脾調胃解毒安神

**橘苓** 橘樹上生如木薑栗皮紅色 治乳癰煎酒服

**荳蔻檳榔** 此即綱目檳榔注內所云蒟子是也形如雞心一頭尖一頭圓僅如小指大外有殼包之殼白

色如荳蔻形尖如椹椹長不及半寸藥肆每於荳蔻中檢出每荳蔻一筋不遇數粒便亦備廣南檳榔  
無有專貨之者或云此種始爲雞心檳榔廣南所市者皆山檳榔及大腹子而已時珍稱竺氏說以山檳  
榔爲蒟子恐悞 治反胃噎膈餘功與廣檳榔同 按百草鏡檳榔今藥肆所市者形扁而圓大乃大腹  
子俗名雌檳榔廣東文昌縣出者名文昌子尖小者名主賜檳榔又名藥子其形長尖狀如雞心內有錦  
紋又名雞心檳榔即雄檳榔也另有一種雞心檳榔來自洋船從白荳蔻內揀出極罕有形亦長尖極小  
外有殼儼如棗核故又呼棗核檳榔入藥最勝 耳聾灸法 經驗廣集用雞心檳榔一個將臍內挖一  
窩如錢眼大實以麝香坐於患耳內以艾炷灸之不過三四次即效 小兒疳積 胡開甫方史君子五  
個生五個熟荳蔻內檳榔用薑湯磨汁空心蘸史君子肉食一二二次即愈 痔耳出膿 荳蔻檳榔爲末  
吹入立愈 救生苦海 口瘡 荳蔻內檳榔煨存性加輕粉敷之廣果錄

### 瑣瑣蒲萄

出土魯番北京貨之形如胡椒係蒲萄之別種也回疆志蒲萄一根數本藤蔓牽長花極細而

黃白色其實有紫白青黑數種形有圓長大小味有酸甜不同一種色綠而無核較黃豆微大味甘美一  
種色紫而小如胡椒即瑣瑣蒲萄一種色黑形長寸許一種色白而大皆七八月熟晾乾可致遠○本經  
逢原云瑣瑣蒲萄似蒲萄而瑣細故名生於漠北南方間亦有之其幹類木而係藤本其子生青熟赤乾  
則紫黑能攝精氣歸宿腎藏與五味子功用不甚相遠凡藤蔓之類皆屬於筋草木之實皆達於藏不獨  
此味爲然此物向供食品不入湯藥故本草不載近時北人以此強腎南人以此稀痘各有攸宜○五雜  
俎西域白蒲桃生者不可見其乾者味殊奇甘有兔眼蒲桃無核又有瑣瑣蒲桃形如茱萸小兒食之能  
解痘毒于文定筆塵云瑣瑣即駁娑之訛○黎魏會仁恕堂筆記瑣瑣蒲萄于文定引西京羽獵賦謂瑣  
瑣當爲駁娑固屬附會而以爲別有一種亦非河西蒲萄雖引根牽蔓不異中土而結實大長如馬乳色  
深紫味亦殊甘一枝千百顆大者在上細在下垂取而乾之大者爲白蒲萄細者名瑣瑣非兩種也故俗  
呼爲公領孫惟綠蒲萄則來自西域非中土所有 味甘核細微鹹○痘學真傳云味甘酸性平溫○  
百草鏡云性熱入脾腎二經作酒彌佳治筋骨溼痛利水甚捷除遍身浮腫痘瘡不出酒研和飲神效  
強腎 瑣瑣蒲萄人參各一錢火酒浸一宿侵晨塗手心摩擦腰脊能助腎力強壯若臥時摩擦腰  
脊力助陽事堅強尤爲得力 稀痘 瑣瑣蒲萄一歲一錢神黃豆一歲一粒杵爲細末一陽夜蜜水  
調服并擦心窩腰眼能助腎祛邪以北地方物專助東南生氣之不足也然惟稟質素弱者用之有益  
若氣壯偏陽者勿服恐其助長淫火之毒也 按紫桃軒雜綴瑣瑣蒲萄神農九草之一中土久有不  
俟博望從西域帶來也吾里東塔朱買臣墓有之戊子余會歷平湖幕署有一枝蔓延滿架夏開瑣碎  
花結實如葇豆望不可見吾杭螺蛳山汪姓家亦有此然食之味薄不若甘肅者味厚也入藥自宜以  
西北者爲優

南棗

山棗藏棗

出金華東陽縣茶場以透明如血七枚長一尺者佳陳者入藥○宦遊筆記金華東陽

縣茶場出棗其大如拳核尖細如黍決之卽脫清甘香脆以此名聞天下明中葉尙存數柯今此種已絕矣惟東南諸鄉於高阜地種之雖不及茶場亦美甲於他處其製法不一未熟輒擊以湯沃之使變

色謂之湯紅乾則其色紫已熟者名樹頭紅乾則其色丹過熟者以所煮餘汁煮之色味似蔗糖謂之糖棗此則以時食爲美不作乾也又有一種棘差小而圓味殊勝棗○物理小識南棗出蘭溪搖而知

之其肉離核 味甘微酸性溫補赤入心酸斂肝 博記單方眼疾中有一種名紅線鎖目乾治法取南棗核二十一粒將核截兩斷去仁淨以銅綠塞孔中仍將棗核合上以紙貼封一起放爐中燒紅取

出以盥蓋存性每日只用七個研極細末調生男乳水抹三日立效 賜紅下血 南棗五枚同黃芪二錢煎湯五更服神效○又方不藥良方南棗十枚槐米一兩同煎去米食棗日三次卽愈 痔瘡

救生苦海南棗一枚去核髓頭骨一個搗碎銅青裝滿棗內紫緊火煨烟盡伏土存性研細用秋海棠煎洗然後用藥和水敷之三日消 除壁蝨 集聽大南棗去核入水銀火煨熏 走馬牙疳 不藥

良方陳年南棗核燒灰研末搽之 棗參丸 醒園錄用大南棗十枚蒸軟去皮核配人參一錢布包藏飯鍋內蒸爛搗勻爲丸如彈子大收貯用之補氣最捷 仙果不饑方 醒園錄大南棗一筋好柿

餅十塊芝麻半筋去皮炒糯米粉半筋炒將芝麻研成細末棗神同入飯中蒸熟取出去皮核子帶搗極爛和麻米二粉再搗勻爲丸曬乾收貯加參更妙 本經逢原云古方中用大棗皆是紅棗取生能

散表也入補脾藥宜用南棗取甘能益津也其黑棗助溼中火損齒生蟲入藥非宜 山棗 出廣西肇慶府葉如梅果似荔枝九月熟可食○柳貫打棗譜山棗狀如棗而圓色青黃而味甘

酸出廣州 甘溫無毒生和脾胃益血壯神 藏棗 朱排山柑園小識藏棗來自西藏實產於天竺大者長二寸許形味絕似南棗能補氣功同人參

藏中亦不易得其核似蠶蛹形而無仁 補虛勞定神志治怯如神 落花生油 一名長生果福清縣志出外國昔年無之蔓生園中花謝時其中心有絲垂入地結實故名

一房可二三粒炒食味甚香美康熙初年僧應元往扶桑覓種寄回亦可壓油今閩省產者出興化爲近時有一種名落花生者莖葉俱類荳其花亦似荳花而色黃枝上不結實其花落地卽結實於泥土

中亦奇物也實亦似荳莢而稍堅硬炒熟食之作松子之味此種皆自閩中來○物理小識番豆名落花生土露子二三月種之一畦不過數子行枝如薤菜虎耳藤橫枝取土壓之藤上開花絲落土成實冬後掘土取之殼有紋豆黃白色炒熟甘香似松子味又云番豆花透空入土結豆當通潤臟腑○酉

揚雜俎又有一種形如香芋蔓生藝者架小棚使蔓之花開亦落土結子如香芋亦名花生○花鏡落

花生一名香芋引藤蔓而生葉極開小白花花落於地根即生實連絲牽引土中纍纍不斷冬盡掘取煮食香甜可口南浙多產之○萬歷仙居縣志落花花生原出福建近得其種植之○嶺南隨筆花與葉不相見爲換錦花莢與蒂不相見爲落花花生種法以沙壓橫枝則蔓生花生不莢其莢別在根莖間亦稱落花花生○蓬原云長生果產閩地花落土中即生從古無此近始有之味甘氣香能健脾胃飲食難消運者宜之或云與黃瓜相反予曾二者並食未蒙其害因表出之花生殼韓柳生云焙研極細末著人身體沾肉即生奇癢○敏按劉啟堂經驗祕方長生果一名落花花生又名落地生不可與黃熟瓜同喫喫則立死黃熟瓜即香瓜非長而白色可以醃喫之黃瓜也始知俗傳之誤○兩蓑翁食物便覽香芋一名落花花生久服多男 多食治翻胃然其性能動火生痰常人只宜少喫從新云辛甘而香潤肺補脾和平可貴食物宜忌云性平味甘舒脾廣志云暖胃藥性考云生研用下痰炒熟用開胃醒脾滑腸乾嗽者宜餐滋燥潤火 按落花花生乃花謝落土感土氣而成實故有入脾和胃之功又能通肺氣曾見興化令王翁一子酷嗜此物後患軟癱豈非動火生痰之明驗歟近見人以花生入糖湯煮浸醬油入素供更爲生痰老人尤不宜多食 俞友梁有烏鬚簡便方止用落花花生淨肉炒極焦黑研極細搥鬚一二日後色黑如漆 四日兩頭瘡即三陰瘡 安定臣云昔曾患此諸方莫療有人教服炒熟花生每日食一二兩不半月而愈 王神庵尼清慧言花生人云服之生痰有一大家婦咳嗽痰多醫束手不治庵尼雲上勸服花生每日食二三兩漸覺稀少不半年服花生二十餘筋咳嗽與痰喘皆除想亦從治之法也童鹿菴言花生本有滌痰之功予家凡患咳嗽止用花生去殼膜取淨肉沖湯服痰嗽自安豈非化痰之功善於瓜薑貝母世俗以火炒食反能生痰又凡被馬踢傷者忌服花生服之瘡愈增痛 花生油 一名果油色白甘平氣腥滑腸下積膩隔生痰

**核桃油** 好者補火若壞核桃榨取者有毒味劣不宜食

**阿月渾子** 與榛子同類性更溫良能止痢煖腎開胃除腸穢積得木香山萸能與陽

**薯蕷** 形如柿圓蔓生紅色浸酒服能活血藥性考

**無漏果** 此卽海櫻乃鳳尾蕉之子或稱爲棗實非棗也以刀剝去青皮石灰湯瀹之蜜浸瓶封可久藏

**寄遠不壞** 味甘美性溫消食寬中除痰止咳益氣潤顏久食令人肥美

**胖大海** 出安南大洞山產至陰之地其性純陰故能治六經之火土人名曰安南子又名大洞菓形似乾青菓皮色黑黃起皺紋以水泡之層層脹大如浮藻然中有軟殼核殼內有仁二瓣 味甘淡治火

閉痘服之立起並治一切熱症勞傷吐衄下血消毒去暑時行赤眼風火牙疼蟲積下食痔瘡漏管乾

效無痰骨蒸內熱三焦火症諸瘡皆效功難盡述

**藕粉節粉** 冬日掘取老藕搗汁澄粉乾之以刀削片潔白如鶴羽入食品先以冷水少許和勻調次以

滾水沖入即凝結如膠色如紅玉可愛加白糖霜摻食大能和營衛生津綱目藕下止載澄粉作食輕身延年而不知其功用更專益血止血也凡一切症皆不忌可服養餘月令有澄藕粉法取粗藕不限多少洗淨截斷浸三日夜每日換水看極淨瀉出搗如泥以布絞淨汁又將藕渣搗細又絞汁盡卻輕瀉去渾腳以清水少和攪之然後澄去清水下即好粉曬乾收貯和糯粉白糖蒸食之或以白糖開水沖服俱可菱粉芡粉俱用此法 味甘氣芬芳性平調中開胃補髓益血通氣分清表熱常食安神生智慧解暑生津消食止瀉 節粉 出淮安寶應一帶多有之乃藕節搗澄取粉曬乾其價較藕粉數倍 味甘微帶苦性平開膈補腰腎和血脈散一切瘀血生一切新血產後及吐血者食之尤佳 宦遊筆記准以南皆澤國居人薛藕暇則慮為粉淘汰既淨去其渣滓存其甘液風吹日曝漸成碎珠以湯沃而食之純任天然別有風味亦野物之可尚者矣尤著名者曰片粉擇藕之極佳者淘曬人工十倍尋常及其既成則如白雲片片纖塵不染味亦絕勝非大有力者不能製也 八仙藕粉 經驗廣集此粉滋胃保元治一切虛勞雜症白花藕粉白茯苓白扁豆炒蓮肉川貝母山藥白蜜各等分人乳另入滾水沖不拘時食 人紅丸 濟世養生集專治童子勞怯神驗之極用人龍二十一條即虵蟲童便洗淨瓦焙勿令黑研末不破皮紅棗三十個飯上蒸熟去皮核蘿藤子一錢五分炒研大熟地五錢煮爛杵膏真藕粉一兩五錢研真川連六分酒拌炒研末右將紅棗肉熟地膏和諸藥末搗勻為丸如桐子大每早以白滾湯送下七粒逐日加增二粒至二十一粒止以後不必再加服一料全愈子屢試皆效切勿泛視

菱粉 蒂殼 湖州府志菱本兩角者有果菱差小有湖跌菱色紅而大有青菱色青角曲而利四角者野菱最小者角極銛有泰州菱實豐而美近又有無角者名餛飩菱德清有雞腿菱文武菱 菱有各種老則皆可為粉造粉之法與造藕粉同 食菱粉而腹脹者用薑湯或酒解之 補脾胃強腳膝健力益氣耐飢行水去暑解毒 蒂 疝子俗名飯館用鮮水菱蒂搽一二次即自落 殼 治頭面黃水瘡 醫宗彙編隔年老菱殼燒存性麻油調敷即愈 無名腫毒 販翁醫要老菱殼燒灰香油調敷即愈并治天泡瘡 指生天蛇 醫宗彙編以風菱角燈火上燒灰存性研末香油調敷未潰者即散已潰者止痛立愈 治脫肛 張氏必驗方先將麻油潤溼腸上自去浮衣再將風菱殼水淨之即刻縮上不脫矣

芡粉 嘉泰會稽志芡一名雞頭山陰梅市產之最盛有數等小白皮最佳大白皮中白皮其皮甚堅難齧黃嫩者太軟皆不逮也造粉與藕菱同法 益精氣強智力靈耳目固精添髓養餘月令 九龍丹 販翁醫要治腎水不足邪火淫動遺精淋濁等症枸杞子酒蒸金櫻子焙山植肉炒石蓮肉炒蓮鬚焙熟地搗膏芡粉炒白茯苓當歸等分共為末煉蜜丸如桐子大每服三錢空心白滾湯下

果部下

諸荔殼 陳定九荔枝譜有奇荔能治病經兵燹後亦僅有存者今錄之於左以備用 粵語南方離火之所出荔枝得離火多故一名離枝亦曰麗枝麗離也文從兩日天地之數水一而火二故麗從兩日為五行之華月為六氣之精日麗乎支猶之乎日出於扶桑也麗枝乃震木之大者震木以扶桑為宗子而麗支其支子故曰麗支日出於離離盡午中故麗支以夏至熟離為坤之中其色黃故曰黃離麗支之核外赤內黃則黃離之美也坤之中其味甘故曰甘節麗支之肉少酸多甘則甘節之吉也荔支以臘而蔓以春而華夏至而翕然子赤生於木而成於火也皮紅肉白而核復純丹火包其外復孕其中也肉白為金金為內外火所煉故味醇和而甘其液乃金水之精甘又屬土備五行之粹美而以火為主者也粵以火德王凡花多朱色皆火花實多朱實皆火實太陽烈氣之所結火實之屬凡百種而荔支為長火為母荔支則火之長子也荔支多食未嘗傷人飲蜜一杯即解或以青鹽調白火酒飲或飲荔支酒過醉則以荔支殼浸水飲之又荔支多露有過食者味爽就樹間先吸其露次嚙其香使氤氳若醉五內清涼則可以消肺氣滋真陰卻老還童○荔支歲初而蕾二月而花發發時多電則花落實小多雨則花腐少雨則花液相膠而不實估計者視其花以知其實多少而判之藏荔支法就樹摘完好者留蒂寸許蠟封之乃翦去蒂以蠟封翦口以蜜水滿浸經數月味色不變 保和枝 產泉郡北陳巖山蓮花峯實大色黃可消胸膈煩悶調逆氣導營衛其核燒灰酒下可已痢止腹痛 回春果 產漳郡康仙祠葉大如掌色翠與眾荔殊其實味苦澀酸粹不可口采以浸酒能已風去癘治癩如神葉亦然以上閩產 紫玉環 產四川瀘洲曝乾啖一枚可除瘡癩即早行大霧中嵐氣不得侵也以上川產 玉露霜 產廣東新會崖門山白殼丹肉不摘經冬不落其味甘酸啖之止咳降肺火療性症 妃子笑 產佛山色如琥珀大如驚卵核小如豆漿滑如乳啖之能除口氣使齒牙經宿猶香 牟尼光 產潮州大浦山中味如乳飲之功同參苓 以上廣東產 墨荔 產廣西平樂萬山中皮肉俱黑如墨味臭而苦粹不可啖或曰出賀縣山中或曰荔浦倫仁二邑山中多有之味臭有大毒誤食之必心腐腸爛而死 按荔支名品最多有綠皮者綠核者有黃皮者白皮者三月四月七月熟者然其性大約相同惟此數品治療各異故類及之 殼 痘出無漿心不爽快以荔支殼煎湯飲不藥良方○王聖俞云荔殼能理血透發分標凡一切疹瘡不能透達痘出模糊一片者非此不能解表成漿 血崩 同壽錄用荔支殼燒灰存性研末好酒空心調服每服二錢輕者一服即止至重者三服愈

龍眼核殼附

綱目龍眼核主治多言其肉至其核之功用最廣止載其能治胡臭他皆未之及又不及

其說今悉採他本補之 腦漏 黃氏醫抄用廣東圓核入銅爐內燒烟起將筒熏入患鼻孔內數次即愈、一切瘡疥 高只元傳世方用龍眼核煨存性麻油調敷即愈 治癬 祝氏效方圓核二個

去外黑皮搥碎雄黃硫黃陀僧枯礬川椒末各三分共為細末以生薑蘸擦患處即愈○集聽方患癬用龍眼核去外黑殼用內核米醋磨搽 滅斑生髮 張觀齋云桂圓核仁凡人家有小子女者不可不備

遇面上或磕傷及金刃傷以此敷之定疼止血生肌愈後無癢若傷鬢髮際愈後更能生髮不比他藥愈後不長髮也 小腸疝氣 不藥良方荔支核龍眼核各七枚俱燒灰大茴二粒炒共為末好酒調下外

用生薑搗爛敷腎即消○經驗廣集治疝氣偏墜小腸氣痛神效荔支核炒龍眼核炒小茴香炒各等分為細末空心服一錢以升麻一錢水酒煮送下 念珠丸 張氏必效方治陰疝偏腫囊中疼痛難忍乳

香去油淨二錢圓核三錢黃蠟二兩和藥末成丸彈子大分為一百零八丸蛤粉為衣用線穿起露一宿收貯遇症每服三丸乳香湯下 小便不通 用龍眼核去外黑殼打碎水煎服如通後欲脫者以圓

肉湯飲之 足指癢爛 藥鏡用桂圓核燒灰搽之立效 無名腫毒 黃氏醫抄桂圓核以水調塗俱效能止折傷出血療金瘡滅斑 烟筒傷喉 萬近蓬云凡烟管誤戳傷喉出血不止者用桂圓核去外

黑皮惟取內核仁焙搗為極細末看喉中傷處用筆管安末吹之即定疼止血而愈屢試果驗 治刀傷出血 殷仁趾傳方以龍眼核炒搗磨細敷之 刀斧傷 黃販翁醫抄桂圓核不拘多少用火燒枯存

性研末搽患處即愈 按陳杰回生集大典李振祖西平云龍眼核末敷金刃傷昔在西秦及巴里坤軍營救愈多人查本草綱目及別集本草俱未紀載可知世間有用之材自古迄今湮沒者不可勝計矣

龍眼殼○乃龍眼外裏肉之殼本薰黃色閩人恐其易蛀輒用薑黃末拌之令黃且易悅目也廣中桂圓多不用薑黃拌故今廣圓猶存本色入藥用殼須洗去外色黃者 敷湯泡傷 行篋檢祕用圓眼殼

存性為末桐油調塗患處即止痛愈後又無斑痕真良方也 泉州府志龍眼最小者呼鬼眼龍眼是其

中者今不復識別

蜜望 粵志其子五月色黃味甜酸颺洋者兼金購之有天桃與相類六七月熟大如木瓜味甜酢以羹魚尤善凡渡海者食之不嘔浪 肇慶志蜜望子一名莽果樹高數丈花開極繁蜜望之而喜故名

交廣錄蜜望二月開花五月子熟色黃一名望果其類有天桃正月開花六七月子熟年歲荒則結實愈多粵謠云米價高食天桃故廣人貴望果而賤天桃貴之故望之峰望其花人望其果也 止船暈

按船暈北人謂之苦船苦音庫此症多嘔吐不食登岸則已胃弱人多有之蜜望果甘酸能益胃氣故能止嘔暈

蒲桃樹 羅浮志蒲桃樹高二三丈其葉如桂四時有花叢鬚無瓣如翦出絲毯長寸許色兼黃綠結實如蘋果殼厚半指絕香甜核與殼不相連屬搖之作響羅浮澗中多有之猿鳥含啄之餘隨流而出山

人阻水取之動盪數斛以之釀酒曰蒲桃春經歲香不滅作膏尤美

芋薺粉

童北視食規出江西虔南土人如造藕粉法製成貨於遠方作食品一名烏芋粉又名黑三稜粉 甘寒無毒毀銅鉛堅除腹中痞積丹石壘毒清心開胃去肺胃經溼熱過飲傷風失聲瘡毒乾紫

可以起發北視食規

野苧薺

生山土中春有苗三葉似韭而細葉上有光其根如豆大年久則愈大入藥用根一名山苧薺

磨粉水中濾過曬乾點眼去翳障如神 取粉忌鐵器 按山苧薺喜燥其生必於高原乾土尤最易蕃

衍有人移入園圃一經汗溼根即朽爛然其生不易長百年纔如錢大耳昔客東甌聞馬氏點眼藥粉

為天下第一見其脩製乃用此磨粉合海鯨目珠粉加入藥中著效異常云其性能去面黝斑痣消痞

去目星努肉較產池澤者尤峻利也 磨光散 種福堂方點眼神藥用野苧薺粉洗淨去皮石日中

搗爛密絹絞汁如做藕粉法再用清井水飛曬乾爐甘石用黃連黃柏黃芩甘菊薄荷煎水煨再用童

便煨一次將藥水飛曬乾珍珠入豆腐內煮過研細水飛每苧薺乾粉一兩配製過甘石五錢珠末三

錢各將磁瓶收貯臨用漸漸配和加冰片少許點之 明目去翳祕方 種福堂方錦紋大黃一兩北

細辛四兩將二味用上高泉水一百二十兩將藥入砂鍋煎至二十兩以細絹濾去渣用大銀盤一個

盛藥盤下以磚三塊放定盤底下將燈盞注麻油用燈草七根燃燈熏盤底內煎藥成膏滴水成珠每

膏一兩用野苧薺粉五錢多些亦不妨冰片三分和勻作錠如多年厚翳每兩加水飛過蟬蛻末五分

須要去頭足泥沙水洗曬乾為末水飛三次用○又方野苧薺粉豬胰各等分搗和用雞子殼半個放

藥在內臨臥合印堂上俟水流入目中醫隨淚出二十日即愈并治田螺頭眼

櫻桃核 今人常用以洗疹瘡服之亦發透瘡痘以其得春氣早而性熱善達表也綱目不載豈以發風

熱故耶逢原云櫻桃核今人用以升發癩斑力能助火大非所宜春夏時尤忌入藥用山櫻桃核佳

發癩疹瘡痘減斑痕凍瘡 出痘喉啞 王永光方用甜櫻桃核二十枚砂鍋內焙黃色煎湯服 眼

皮生癩 醫學指南用櫻桃核磨水搽之其癩漸漸自消

山櫻桃 有毛與櫻桃別是一種 辛平味劣止瀉腸癖除熱調中

栗殼 綱目載其治反胃消渴瀉血此外無他不知其能解參之力勝於萊菔故急錄之○楊春崖驗方

解人參栗子殼煎湯服之良

刺菱沙角 乃小菱也生杭西湖裏六橋一帶多有之以其四角尖如鉞芒刺手故名春盡時兒童採取

入市貨賣菱生水中根苗與大菱不殊其葉下有氣管故其性通肝腎凡一切病多忌生冷惟此菱不

忌最能開胃生津其菱大者如蠶豆小者如黃豆味絕鮮美雖至秋老亦不甚大蓋地土使然誠水仙

佳種也○陳湜花鏡一種最小而四角有刺者曰刺菱野生非人所植花紫色人曝其實為菱米可以

果部 野苧薺 櫻桃核 山櫻桃 栗殼

上海錦書書局印

點茶 味甘鮮性平無毒生食補脾健胃止渴生津平肝氣通腎水益血消食老者煮食健脾止洩痢根 利水通淋

沙角 乃菱中一種小者止兩角臨平湖一帶多產之出嘉興者名餛飩青以其似餛飩也較他菱體小味甘沙角較餛飩菱尤小色紅味甘異常 味甘平大補脾土不滯氣 餛飩青性寒生食解積暑煩

熱生津煮食健脾和胃益氣花鏡云遲熟而甘肥者名餛飩菱藥性考餛飩沙角生熟俱得老則甘香

補中益氣生者解酒能壓丹石

烏欖仁 出廣東今果肆皆有市者皮黃黑色肉白有文層疊如海蝶蛸狀酒筵中以為豆籩食品綱目

集解下云烏欖青黑肉爛而甘取肉搥碎放乾自有霜如白鹽謂之欖醬其子仁肥大名欖仁而主治

所載悉言白欖即今常食之青果又所載欖仁可治吻燥者亦指青菓核中仁而言非指烏欖仁也今

採嶺南果錄中補其遺按粵志木語欖有青烏二種閩人以白者名青果粵中止名白欖不曰青果

也白欖利微人少種焉烏欖下番禺諸鄉皆種之種至二年其秧長八九尺必搥之乃結實遷至三年

而子小收十年而大收矣其樹本高而端直多獨幹至頂乃布枝柯有雌有雄雄為主雌為客猶婦之

歸於夫也子如棗大長寸許光無稜瓣先生者下向後生者上向八九月熟梯子擊以長竿或刻其幹

東寸許納以紅鹽則其幹東子落刻其幹西或南北亦然古詩所云紛紛青子落紅鹽也烏欖子大肉

厚其性溫故味濇甘以溫水泡軟俟紫脂浮起溢出乃可食水冷則生膠熱則肌膚反實故必溫水之

和乃醅其性亦有婉諫之道焉總二欖論之白欖雄而烏欖雌白屬陽而烏屬陰陽故色白而行氣陰

故色紅而補血惟烏者陰故有仁可食白者陽故仁小而不成此其別也 仁味甘淡潤肺下氣補血

殺諸魚毒

刺梨 宦遊筆記刺梨形如棠梨多芒刺不可觸味甘而酸濇潰其汁同蜜煎之可作膏正不減於植梨

也花於夏實於秋花有單瓣重臺之別名為送春歸密萼繁英紅紫相間植之園林可供玩賞獨黔中

有之移於他境則不生殆亦類優曇花之獨見於南滇耶 食之已悶消積滯 筆記

枇杷核 本經逢原云枇杷其核大寒伐肝脾以之同落蘇入麩醬則色青翠同鱉入鍋則至熟不赤性

寒走肝可知敏按石頑所說以其核能駐色不變斷為性寒不知枇杷獨具先天四時之氣其性溫平

其核能化一切毛羽觀花圃人貯雞鷲毛水以灌花者患其難化輒擣枇杷核數枚投於缸水中不三

日則雞鷲毛皆爛化知其直走厥陰更捷利也 治肝有餘諸症氣實者可用 敏按祝士校游戲方

枇杷核煮蛤蜊能脫丁則其性又善離蓋枇杷具四時全氣其實能令分者合故肺嗽能斂核能令合

者離故肝實可疎一合一離正見互為乘除之妙物理小識枇杷核能去穢垢故能化痰

羊桃 粵語其種來自大洋一曰洋桃高五六丈大者數圍花紅色一蒂數子七八月間熟色如蠟一名

三斂子亦曰山斂斂棧也俗語誤棧爲斂也亦以其味酸能斂顏色也有五棧者名五斂以糯米水煎則甜名糯羊桃廣人以為蔬綱目五斂子即羊桃惟言其主治風熱生津止渴他功效皆未及今依粵語補之○爾雅長楚銚芑註今羊桃也或曰鬼桃葉似桃花白子如小麥亦似桃陸機疏云葉長而狹花紫赤色其枝莖弱過一尺引蔓於草上鄭氏曰藤生子赤狀如鼠糞故亦名鼠矢兒童食之一名羊腸一名御弋蜀本圖經子細如棗核苗長弱蔓生不能爲樹今呼爲細子根似牡丹羣芳譜羊桃福州產其花五瓣色青黃詩檜風隕有萋楚猗儻其枝即指此也 酸甘齋平無毒久食能辟嵐瘴之毒中蠱者搗自然汁飲毒即吐出脯之或白蜜漬之持至北方不服水土與瘡者皆可治○嶺南雜記有食豬肉咽喉腫痛食羊桃即解 藥性考羊桃生時極酸不可食熟則帶甘過食寒中內熱者宜之多食冷脾胃動洩澀可曬乾歌曰獼猴桃寒酸甘止渴調中下氣解煩除熱骨節風痛能壓丹石通淋療痔瓢可煎食

**倒捻子** 綱目都念子即倒捻子僅言其治痰嗽喘氣暖腹臍益肌肉而已時珍曰食之必倒捻其蒂故謂之倒捻子訛爲都念子也味甚甘軟粵語都念子檳榔叢生花如芍藥而小春時開有紅白二種子如軟柿外紫內赤亦小有四葉承之子汁可染若胭脂花可爲酒葉可麴皮漬之得膠以代柿蘇子瞻名爲海漆非漆而曰漆以其得乙木之液凝而爲血可補人之血與漆同功逾青黏故名以其爲用甚眾食治皆需故名都念產羅浮者高丈許子尤美嶺南酒有以花爲釀而雜以諸果者花則以檳榔花爲最果則以倒捻子爲最倒捻子又名黏子花於暮春實於盛夏諺曰六月六黏子熟熟以爲酒色紅味甘人與猿猴爭食之所在皆然 東坡雜記吾謫居南海以五月出陸至滕州自滕至僂野花夾道如芍藥而小紅鮮可愛樸椒叢生土人云倒黏子花也至僂則已結子爛紫可食殊甘美中有細核嚼之瑟瑟有聲亦頗苦沁兒童食之使大便難野人夏秋下痢食葉輒已 子活血補血研濾爲膏餌之又止腸滑

**甘蔗滓皮** 綱目甘蔗條瀕湖特補蔗滓言其治小兒白禿燒烟入目令目暗其他未能悉今復廣之

救生苦海收口長肉背疽惡瘡用之屢效收甘蔗滓曬燥煨存性研極細以小竹管如瘡口大者一箇以細夏布紮緊於上篩藥填滿瘡孔內膏藥蓋住自能收口 醫鏡云對口一名梟疽用甘蔗滓焙燥爲末白色狗屎焙末和勻將竹管一箇稀絹包竹管頭入藥篩膏藥上貼之垂死者亦生 痘疔 經驗單方用甘蔗滓曬乾真香油點燈燒成灰以津液調勻銀簪挑破點上立效一方加珍珠油脂調塗更效○敏按蔗有數種紫皮者名崑崙蔗青皮者乃扶風蔗也黃海若云凡痘疹不出及悶痘不發毒盛脹滿者此痘屬急症宜青皮甘蔗榨汁與食不時頻進則痘立起其寒散解毒之功過於蚯蚓白鴿惜人不知其功用入藥如用滓亦宜以青皮蔗滓爲上 蔗皮 綱目止載治口疳而不知其皮可

本草綱目卷之... 果部 倒捻子 甘蔗滓皮 蔗皮 猴蘭子 瓜子殼 上海錦章書局石印



黃皮果

廣志黃皮果狀如金罈六月熟其漿酸甘似蒲萄與荔枝支並進荔枝支餐飯以黃皮果解之其日

飢食荔枝飽食黃皮瀾日於果部附諸果條下僅引海槎錄云出廣西橫州狀如棗子及小棗味酸至

其功用並米之及焉今依廣志補之消食順氣除暑熱廣志酸平無毒主嘔逆痰水胸膈滿痛吐蟲

上攻心下痛食物本草敏按廣東瓊語載果中有白蠟子與黃皮果絕相似而味尤勝諺有云黃皮

白蠟甜酸相雜想功效亦不甚遠也廣東通志黃皮果大如龍眼又名黃彈子皮黃白有微毛羶白

如防有青核數枚甚酸澀食荔枝太多用黃皮果解之

甘劍子 狀如巴欖子仁附肉有白醫不可食能發人病北人呼為海胡桃 味甘氣烈治脾胃虛寒食

少洩痢不止形體羸瘦下虛脫百方不效用甘劍子七枚連殼煨為末空心酒下三服即止再服調

理藥

揚栳子 生闌越其子生樹皮中體有奇形甚異長四五寸味甘無毒通百脈強筋骨和中益氣潤肌膚

好顏色○花鏡此果長五寸色青無核臨海異物志揚搖有七脊子生樹皮中其體雖異味則無奇長

四五寸色青黃味甘

海梧子 出林巨樹似梧桐色白葉似青桐子如栗肥甘可食○南方草木狀占城即林邑產海梧子與

中國松子同但結實肥大形如小栗三角肥甘樽俎開佳果也 味平無毒利大腸小腸益智開心

胸明耳目 心下怔忡夜多惡夢健忘每日空心食海梧子十數枚月餘自愈 疝氣囊大如斗海梧

子七箇燒灰服之即愈

木竹子 出廣西皮色形狀如大杜杞肉味甘美秋冬實熟味甘性平治吐逆不食關格閉拒不通脾虛

下陷肛門墜脫不收清蒸涼大腸去積血利百脈通調水臟止渴生津解暑消酒利耳目治欬嗽上逆

櫛罌子 桂陽虞衡志出廣西大如半升盃數十房攢聚成球每房有總冬生青至夏紅熟 味甘補脾

胃固元氣制伏亢陽扶持衰土壯精神益血寬痞消痰解酒毒止酒後發渴利頭目開心益志 婦人

不孕用櫛罌子浸好酒內三日日日飲之百日有孕又目生翳障漸漸昏暗視物不明櫛罌子浸白蜜

內每日連蜜啖一枚一月即退

檉子 出九真交趾子如桃實長寸餘二月開花連著子五月熟色黃鹽藏食之味酸如梅 性涼平清

心潤肺止渴生津制亢極之陽光消炎蒸之暑氣又降三焦實火治鼻中出血又牙宣牙齦出血用檉

子核連仁燒存性調水含咽即止

羅晃子 出廣西夏熟味如栗狀如橄欖其皮七層出橫州者皮九層剝至九層方見肉故又名九層皮

果 思恩府志羅晃子俗名九層皮形類蠶豆可茹味如煨栗外有黑殼連肉有皮九層故名產於山

樹中 味甘性溫治臟腑生蟲及小兒食泥土腹痛癰痞積硬 養肝瞻明目去翳止渴退熱解利風

果部 黃皮果至侯驗子

上海錦章書局印

邪消煩降火翻胃吐食或食下即吐或朝食暮吐暮食朝吐用羅見子七枚煨存性每日酒調下方寸  
 七服完為度即愈 腹中虻蟲上攻心下痛欲死面有白斑用羅見子牽牛子各七枚水煎服蟲自下  
 夫編子 南方草木狀出交趾武平山谷中三月開花連著子五六月熟入雞魚豬鴨羹中味最美亦可  
 鹽食味甘性平主甯心志養血脈解暑渴利水道生津液止逆氣喘急除煩清熱潤肺滋命門益元氣  
 骨蒸勞熱四肢瘦削如枯柴用夫編子同白鴨爛煮不用鹽醬日日啖之喫鴨三頭見效  
 白緣子 出交趾樹高丈餘味甘美如胡桃 味甘平主潤肺止渴清熱消食祛風暑溼氣治疥癬及山  
 嵐瘴氣所侵變成痲瘧寒熱往來頭痛痰逆 足膝屈弱難行寒溼邪氣所侵用白緣子一片春爛浸  
 酒日飲一次月餘全愈

繫彌子 廣志狀圓而細色赤如軟棗其味初苦後甘可食味平無毒主益五臟悅澤人面去頭面諸風  
 產後痢疾不止用繫彌子一合酒水各一盞煎八分空心服下片刻即效

人面子 出海南又出廣中樹似含桃子如桃實春花夏實至春方熟蜜煎甘酸可食其核兩邊俱似人  
 面耳目口鼻無不畢具 廣志人面子大如梅李其核類人面兩目口鼻皆具肉甘酸宜為蜜煎仁絕  
 美以點茶如梅花片光澤可愛茶之色香亦不變以增城水東所產為佳其核中仁搖之即脫去他產  
 則否此樹最宜沙土沙土鬆易發數歲即婆娑偃蓋山民植之以為利味甘性平無毒醒酒解毒治風  
 毒著人遍身疣瘡成瘡或痛或癢食之即愈 難產不下產母手握人面子一箇單日右手握雙日左  
 手握即下 嶺南雜記人面子煮肉及鴨必用搥爛熬膏甘酸益津

四味果 出祁連山水生如棗剖以竹刀則甘鐵刀則苦木刀則酸蘆刀則辛行旅得之能止飢渴 味  
 甘辛酸無毒明目養肝甯神定志和胃進食下氣止咳 腎虛腰痛不能反側用四味果同狗腰子煮  
 熟並食每日一次一月愈 敏按東方朔神異經云南方大荒有樹名如何結子味如節有核形如棗  
 子長五尺圍如長金刀剖之則酸蘆刀剖之則辛食之者地仙不異水火刀刃又啟蒙記如何隨刀而  
 改味或曰此即仙經所謂火棗據此二說即今四味果也

千歲子 南方草木狀出交趾蔓生子在根下鬚綠色交加如織一苞恆二百餘顆皮殼青黃色殼中有  
 實如栗味亦如之乾則殼肉相離搗之有聲如肉荳蔻○關涵嶺南隨筆千歲子多子根鬚乾則殼肉  
 相離搗之有聲 味甘平主和中益胃利肺除熱止渴醒酒解暑 小便閉塞千歲子十數枚打碎水  
 煎清飲下即通利 發背惡瘡千歲子不拘多少搗爛如泥調塗三次見效

侯騷子 蔓生大如雞卵味甘性冷消酒輕身王太僕會獻之見酉陽雜俎 甘寒無毒食之不飢延年  
 強健消酒除溼治黃疸小便不利溺如黃金色口渴煩熱齒痛牙宣出血不止 小兒重舌木舌侯騷  
 子核燒灰擦之或用蜜調塗亦可 浮腫發背侯騷子煎湯飲之再搗塗之大效

子核燒灰擦之或用蜜調塗亦可 浮腫發背侯騷子煎湯飲之再搗塗之大效

子核燒灰擦之或用蜜調塗亦可 浮腫發背侯騷子煎湯飲之再搗塗之大效

子核燒灰擦之或用蜜調塗亦可 浮腫發背侯騷子煎湯飲之再搗塗之大效

子核燒灰擦之或用蜜調塗亦可 浮腫發背侯騷子煎湯飲之再搗塗之大效

仙掌子

乃仙人掌上所生子也粵語仙人掌多依石壁而生葉勁而長若蠹蠶狀開花儼如鳳形子生  
花下名曰鳳栗葉曰鳳尾笏發莖外類芋渠內攢瓣如珠各擊子珠於掌一枝一掌自下而上子自青  
赤而黃有重殼外厚內薄熟其仁食之味甜兼芡栗可以延年又名千歲子此草可辟火廣人多植之  
堂側性宜沙土惡肥膩○明黃佐仙人掌賦序仙人掌奇草也多貼石壁而生惟羅浮黃龍金沙洞有  
之葉勁而長若蠹蠶狀發莖時外類芋魁內攢瓣如翠球各擊子珠如掌然青赤轉黃而有重殼剖之  
厚者在外如小榔可為匕勺薄者在裏如銀杏衣而裏圓肉煨食之味兼芡栗可補諸虛久服輕身延  
年俗呼為千歲子此與蔓生者名同物異也○雲南通志仙人掌葉肥厚如掌多刺相接成枝花名玉  
英色紅黃實似山瓜可食 味甘性平補脾健胃益腳力除久瀉 敏按羣芳譜仙人掌出自閩粵非  
草非木亦非果蔬無枝無葉又并無花土中突發一片與手掌無異其膚色青綠光潤可觀掌上生米  
色細點每年只生一葉於頂今歲長在左來歲則長在右層疊而上植之家中可鎮火災如欲傳種取  
其一片切作三四塊以肥土植之自生全掌矣近日兩浙亦有據所載當另是一種與此全別或名同  
物異歟

酒杯藤子

出西域藤大如臂花堅硬可以酌酒文章映澈實大如指味如荳蔻食之消酒相傳張騫得  
其種於大宛 甘辛平無毒消食下氣消酒止渴辟邪瘡消癰腫殺虻蟲治尸吐勞瘵蟲瘕癰瘻癩  
結核癰疽潰爛食果成積用酒杯藤子燒灰糖拌服下五七錢自效 飲酒過量成病用酒杯藤子煎  
服極驗

藥果

關涵嶺南隨筆藥果似橙而味酸可染紅 治瘧  
菌子 出交趾合浦藤緣樹木正月開花四五月熟如梨赤如雞冠核如魚鱗 甘平無毒主中惡氣飛

椒子

尸邪蠱心腹卒痛狂邪鬼神鬼疫癘瘡芴寐邪惡氣心神顛倒不甯昏冒如癡 治驚癇恍惚或言語  
不倫歌笑不休用菌子核七枚燒末入硃砂少許薑湯下方寸匕自愈  
食物考甘酸小於沙果色黃紅黑如櫻桃類產於代北味頗清香作脯點茶俱可此與林檎同名  
異類本草未分故正之多食滯氣令人好睡子宜去盡食之煩心

隈支

益部方物略記生邳州山谷中樹高丈餘枝修而弱開白花實大如雀卵狀如荔支肉黃膚味甘  
味甘無毒治七種疝氣及一切瘡瘍疥癬 以上自津符子至隈支止諸果品綱目附錄諸果後僅載  
其形狀不錄其主治而沈雲將食纂云諸果都出外國及邊瘴地方雖不常見但俱屬異品不惟可口  
兼可療治百病凡行歷遠方者即當攜其種流傳中土有功於世不小故附錄而兼細核其主治予因  
取之以補李氏之遺至其形狀綱目已詳載而復列之者亦欲覽者便於解悉後日遇物能名或不厭  
重贅也

諸穀部 沙米 西國米 珠兒粉 竹米 陳倉米

呂宋果 本草補呂宋島中產一果名加空弄外肉而內核味苦不堪食其初惟有一處深山峻嶺生此樹甚高大士人多不識旅人至島百年後始知其中果可用近三十年頗悉其療治各病極有奇驗遂攜至中國若果之皮肉其效尤捷有呼為寶豆者豆言果之形狀實言其貴重也 治中毒服毒將果或磨或刮以清水或清油調服毒即吐蛇蠍蜈蚣等傷磨清水服之并刮敷患處疫疾中風昏仆磨水服之腹痛瀉利磨水服瘧疾初作時磨水服○刀斧傷血漏刮末敷患處即止血止痛○蛔蟲疳積磨水服蟲即吐出○難產磨水服○頭瘡癢爛臘梨切碎此果以油煎之乘熱徧擦向火取暖隨以布向火取熱覆病人身上而睡又以被蓋不見生風即愈○潮熱磨水服漸減愈

諸穀部

沙米 延緩鎮志苗莖如麻葉類艾而稍圓有刺高尺許生子成房粒細如黍杵去皮用羊羹作食服之不飢邊外名黍喇棘○瀚海記沙蓬米凡沙地皆有之鄂爾多斯所產尤多枝葉叢生如蓬米似胡麻而小性暖益脾胃易於消化好吐者多食有益作為粥滑膩可食或屑之可充餅餌茶食之需○人海記張家口內保安沙城一帶地產沙蓬實如蒺藜中有米如稗子食之益人○藥性考云蓬

蒿之實名曰沙米清熱消風饑荒食旨 味甘性溫通利大腸消宿食治噎膈反胃服之不飢

西國米 珠兒粉 嶺南雜記出西洋西國煮不化而色紫柔滑者真偽者以葛粉為之○通雅今南楚兩粵專採葛根作粉食其粉可作丸曰葛粉丸廣人以假西國米能醒酒○朱排山柑圓小識

西國米來自閩廣洋艘大如綠豆以色紫煮不化者真健脾運胃功最捷久病虛乏者煮粥食最宜

益胃和脾病起宜食

珠兒粉 洋船帶來粵澳門杭甯波乍浦通船市者皆有形絕細如蘇子勻圓而白云係外洋人採葛根及薇箕根或茄粉所造煮之須滾水沖泡粒粒分明如魚子樣極柔滑以糖霜和食或淡食 氣清香味甘滑明目運脾開胃解酒生津久服尤能強腎 東西洋考大泥即古淳泥今隸暹邏土產有西國

米亦名沙孤米其樹名沙孤身如蕉空心取其裏皮削之以水搗過春以為粉細者為王米最精粗者民家食之以此代穀今買船慮為波濤所溼只攜其粉歸自和為丸○庚申十月子在陳夔友家見有

胡西菽盛以玻璃小筆管瓶內菽白而細與珠兒粉無別云得自王撫軍署可入藥大能消痰其甥女一夕患肺風痰喘危極兒醫多言不救用此一錢調薑汁灌下其效如神

竹米 物理小識竹結實斑文兩兩相比謂之竹米 下積如神

陳倉米 朱公米 嶺南記武昌漢陽門內舊為陳友諒倉基甲子年有掘得黑米者色如漆堅如石炒之即鬆○秋燈叢話康熙甲子武昌郡廣福坊掘得黑米數十斛堅如石炒研為末治痲症如神傳為偽

陳友諒積粟所又天門學宮前明改建北郭倉基地亦掘得黑米治疾頗驗乾隆丙申黃州重修郡學

疏濬泮池池底積粟甚夥色如漆而堅治病效如前人爭取之太守王公廷棟恐係前人鎮壓物禁而掩之敏按酉陽雜俎乾陞國尸毗王倉庫昔爲火所燒其中粳米燃者於今尙存服一粒永不患瘡炒研治疳症如神 不藥良方陳年倉米治卒心痛燒灰和蜜服之卽止

**朱公米** 南中紀聞靖州南二十里飛山岩相傳爲元末朱都督屯兵之所牆礫時有米粒色微黑而不腐云是朱公所遺兵糧遊客謁神祠取輒得之至今尙存 療脾疾

**山穀** 宦游筆記出塞外土人名烏爾格納莖長尺餘細如草節如竹葉亦如竹每二節一葉秀穗類蓼花結粒似穀而色紅採之曬乾去其皮煮粥粥如穀香蒙古用以充饑兼碎麪合茶商民均雜粟食之色紅豔可愛而味與穀無辨故名之曰山穀實生於水濱或山溝爾 味甘香行氣利水清大小腸火亦補脾胃 根 蒙古人名墨克爾外皮微細內實粉白味甘美蒙古生啖商民合肉羹食秋冬之際蒙古搜掘鼠穴得食物盈筐內多此物長二三寸俱野鼠嚙截運藏者 味甘生津滋潤血脈調營衛

**利水**

**青稞黃稞** 藥性考青稞黃稞仁露於外川陝滇黔多種之味鹹可釀糟弔酒形同大麥皮薄麩脆西南夷人倚爲正食 下氣寬中壯筋益力性平涼除溼發汗止洩多食脫髮損顏色

**米油** 此乃滾粥鍋內煎起沫釀滑如膏油者是也其力能實毛竅最肥人用大鍋能煮五升米以上者其油良越醫全丹若云黑瘦者食之百日卽肥白以其滋陰之功勝於熟地也每日能撇出一盃淡服最佳若近人以熟粥絞汁爲米油未免力薄矣 味甘性平滋陰長力肥五臟百竅利小便通淋 精清不孕 紫林單方用煮米粥滾鍋中面上米沫浮面者取起加煉過食鹽少許空心服下其精自濃卽孕矣

**鍋焦** 陳久年糕 一名黃金粉乃人家煮飯鍋底焦也取僧寺中米多焦厚者入藥良 味苦甘性平補氣運脾消食止泄瀉八珍粉用之鍋焦丸 小兒常用健脾消食家寶方用鍋焦炒黃三筋神麩炒四兩砂仁炒二兩山楂四兩蒸蓮肉去心四兩雞肫皮一兩炒共爲細末加白糖米粉和勻焙作餅用

老幼脾瀉久不愈 梁侯瀛集驗方鍋焦爲末四兩蓮肉去心淨末四兩白糖四兩共和勻每服三五匙日三次食遠下 白瀉不止 種福堂方乾飯鍋焦二兩松花二兩炒臘肉骨頭五錢烘脆共爲末砂糖調不拘時服 脾胃不健 祝氏效方鍋焦二筋蓮肉一筋白糖半筋蜜一筋丸如桐子大每服數十丸空心白湯下 玉露霜 治老人脾泄最效白朮炒二兩陳皮一兩五錢蓮肉去心四兩薏苡仁四兩炒糯米一升炒菘豆一升炒熟陳米鍋粳一升炒糖霜量加共爲末每用二三錢滾水調勻服之行篋檢祕 預稀痘疹 不藥良方銀花金者不用陰乾鍋粳每一升入銀花一兩共研末用洋糖或做糕餅或開水調和每日令小兒食之

者後部朱米山穀青稞黃稞米油鍋焦

三

上海錦章書局石印

本草綱目拾遺

卷八

陳久年糕 阿迷酒 酒釀 酒草 神黃豆

陳久年糕

燒灰治病

阿迷酒

出東洋氣味香冽頗醲厚每服不過半盞大能助元氣驟長精神佑舶帶來凡督撫大員輒多備貯為不時之需或遇要事疲憊一滴入口精神百倍較鴉片尤速○物理小識吉利重耐以紅花芋

胡桃入麴釀者醫洩數效

味甘辛竄達能捷通百脈益元生氣每日少飲一二滴理法如神

酒釀

俗名酒窩又名浮蛆乃未放出酒之米醇也味醲厚多飲致腹瀉性善升透凡火上行者忌之 味甘辛性溫佐藥發痘漿行血益髓脈生津液 赤眼淹癢 祝氏效方杜仲厚朴桑白皮檳榔

各一錢取雄雞肝一個忌見水去紅筋入白酒釀六兩隔湯蒸熟去渣以湯肝食下隔二日再服一次

全愈 小兒鼻風吹乳腫痛 劉起堂經驗方用酒釀和菊花葉敷上立愈無葉用根甘菊葉尤佳搗

汁沖和服更效 吹乳方 周氏家寶用苧麻根嫩者炒和白酒釀少許共搗爛敷患處一日夜即消

忌食發物 頭風 用蒼耳子白芷穀精草各五錢川芎三錢醋酒釀四兩老酒二盃煎一盃服妙淨

方 夢遺白濁 酸梅草二錢孩兒菊二錢搗取汁加不見水酒釀空心量服救世青囊 難產 用

酒釀麻油蜂蜜童便雞子白各半盞煎溫服即下 痘出不起 不藥良方用狗蠅七枚冬日取蠅在

狗耳內搗爛和酒釀服即日發起紅潤可觀 痘瘡不起 良方集要薺薺搗汁和白酒釀頓溫服之

但不可頓大熱大熱則反不妙慎之 保元丹 千金不易方此丹張氏家傳已五世矣黃精一劬甘

枸杞四兩酒釀五劬好黃酒五劬入罐煮一炷香每飲一茶杯藥渣搗為丸加胡桃肉八兩大黑棗八

兩青州柿餅一劬

酒草

生酒罈中不極有凡藏酒之家千百罈酒間有一罈敗之中空無酒下有茸結於中其茸初結之時酒上薄凝如衣膜久則漸厚一二寸便能滲酒將酒中精華醱釀之氣盡攝於膜內膜乃漸厚酒亦

漸少久久則酒乾所存十不餘一敗視之其膜如鮮海蜃濡潤而軟嗅之作酒香微帶微蒸氣識者取

之焙乾乾者如瓜皮面青黑背作肉紅色溼軟如棉可入藥蓋酒能生茸必罈係新出窰未脫火氣而

置酒之地又為溼熱所蒸致中變而成此故造釀家用罈貴舊而不貴新也金御乘自慈谿歸帶有酒

茸出以相示云彼土亦罕得閒有之然不多見也 治一切酒傷酒勞酒疸因酒成病諸症服之立效

神黃豆

縮豆 回回豆 青花豆 眞甯豆 池北偶譚產滇之南徼西南夷中形如槐角子視常豆稍

巨用筒瓦火焙去其黑殼碾末白水下之可永除小兒痘毒服法以每月初二日十六日為期半歲每

服半粒一歲每服一粒一歲半每服一粒半遞至三歲服三粒則終身不出矣或曰按二十四氣服之

以二十四粒為度或云水畢閉日服之○珍異藥品云出雲南近西地方痘將發未發時用神黃豆連殼焙炒燥用豆研細水服○本經逢原云神黃豆產緬甸形如槐子近時稀痘方用之一陽日用清水

自胸以上自臍以下俱有而中間一截全無者名兩頭痘此氣血不能貫通上下而腰膺之間為寒毒  
凝滯也若不急治七日之後必變灰白之症矣見點時急用生芪當歸赤芍桔梗防風荆芥厚朴續斷  
白芷山槿木通神黃豆三十粒服此中間方有痘乃可無虞 南詔備考普洱府及永昌府皆出神黃  
豆能稀痘青花豆可治瘡有客帶滇產神黃豆來其形如細竹筒長可三四寸搖之有聲其中如竹節  
片片相疊剖出如棋子樣白色包裹中含一豆黃色光亮形如瓠子中有線痕堅實而扁服之解痘毒  
按神黃豆有二種百草鏡云出雲南普洱府又四川亦產莢如連翹略短內有豆微紅色產雲南者  
形如槐角子比蠶豆略大瓦上焙乾去外黑殼用二種形狀不同係地土所產各別然其稀痘解毒之  
性則一也○寶笈方痘將出時用神黃豆按一歲一粒剝去外殼并內皮將瓦焙熟一半留生一半芫  
荑湯調服毒重者稀毒輕者更稀十餘歲者亦不過七粒倘未出痘者亦如法以水調服之竟不出痘  
宜三月三五月五七月七九月九等日

**緬豆** 滇略緬豆如豆蔓生子大如栗斑文點點咀之傳惡瘡良然性迅惡誤服之吐瀉致死五雜俎云  
滇中有神黃豆似五倍子能令兒童稀痘然亦不甚驗也

**回回豆** 五雜俎云出西域狀如椿子磨入麪中極香能解麪毒

**青花豆** 宦遊筆記雲南永昌府有青花豆出於外地夷人帶來易貨者治瘡

**眞甯豆** 出陝西慶陽眞甯地味甘平能解諸藥毒

**稽豆** 葉附 蓬原云細黑豆一名稽豆俗名料豆今人以飼馬故俗又呼馬料豆○杭州府志黑豆之細  
者曰稽豆細而扁者曰零烏豆俗名馬料豆可肥馬○從新云黑大豆之小者為馬料豆不知料豆雖  
小而形長微扁與黑豆形迥別當另是一種綱目稽豆下僅載其能去賊風風痺治婦人產後冷血而  
已其他一切功用全未之及今為補之 味甘溫無毒壯筋骨止盜汗補腎活血明目益精入腎經血  
分同青鹽早蓮草何首烏蒸熟但食黑豆則鬚髮不白其補腎之功可知今人以製何首烏取以引入  
腎經也炒焦淋酒治頭風腳氣以其直達腎經血分煮汁服解烏附丹石藥毒 藥性考本經黑大豆  
即今之馬料豆也其色黑而形如人腰故入腎經益水明目多服令人身重一年後復原久服身輕非  
花豆中之黑大豆也凡服豆忌苡麻子厚朴豬肉歌云黑大豆甘腰子樣式所以補腎藥餌宜入即是  
馬料煮寒炒熱調中下氣止痢擊急利水除脹追風活血生研敷腫吞止煩渴解一切毒甘草煎汁傷  
中淋露產後諸疾明目悅顏製服有益○又云稽豆即小黑豆因其粒細稱鹽豆別馬料也治產後血  
風冷痛其粒細不及馬料歌云稽豆黑小甘逐邪風冷痺血滯浸酒和融○雨簑翁食記小黑豆入鹽  
煮久食大能補腎○事親逆見稽豆補五臟益中助十二經脈調中媛腸胃殺鬼氣舒筋○紫虛子吞  
豆法黑料豆淘淨曬乾以淨瓶裝之初服每日一粒以白湯生吞之次日吞二粒每日加一粒至百日

吞百粒從此每日吞百粒但初起服之腸胃未剛每遇大便須看豆化不化如豆化則漸加倘未化仍照舊勿加必待食之能化然後遞加至百粒為度服之能益精補髓壯力潤肌髮白復黑久則轉老為少終其身無痰病也 救生苦海有嫦娥奔月方與紫虛吞豆法同但其法按太陰盈虧之數初一日吞一粒逐日加一粒至望日十五粒而止十六日又逐日減一粒至晦日一粒而止月初則又加起與紫虛之法微有不同并附以備用 煮料豆方 明太醫劉洛德有增補內經拾遺四卷其種子論後

載有煮料豆藥方云老人服之能烏鬚黑髮固齒明目當歸四錢川芎甘草廣皮白朮白芍丹皮菊花各一錢杜仲炒黃芪各二錢牛膝生地熟地各四錢青鹽六錢首烏枸杞子各八錢同馬料豆煮透曬乾去藥服豆○又義復方馬料豆五升桑椹半觔枸杞子四兩肉苁蓉半觔竹刀切去筋青鹽龍骨各

二兩同豆煮熟和藥同曬乾貯罐用常食大有補益○又方呂遜儒傳方何首烏一觔用馬料豆汁煮或老酒亦可要九蒸九曬枸杞一觔酒蒸用乾菜末搗勻曬馬料豆一斗再用料豆五升煮汁以汁煮豆曬乾九蒸九曬或用好酒煮亦可菟絲子一觔酒煮曬焙補骨脂一觔酒洗焙真川椒四兩曬烘青

鹽二兩川牛膝一觔酒煮焙煉蜜為丸服之○又方何首烏二觔青鹽一兩棗仁杜仲枸杞各二兩遠志小茴香陳皮各一兩肉苁蓉苡仁香附白茯苓各二兩五味子牛膝補骨脂木瓜各一兩五錢歸身三兩肉桂五錢防己一兩二錢甘草八錢小黑豆一斗用水煎藥數十滾漚出渣以藥汁煮豆汁盡為度曬乾每服百粒開水下 延齡廣嗣仙方 懷生地酒製何首烏酒煮早蓮草鹿銜草真者絕

少用仙靈脾代之以上各三兩 按四時乾山藥乳坤白茯苓乳坤當歸身酒炒真青鹽以上各一兩按分至石苜蓿菟絲子肉苁蓉酒浸去膜補骨脂五加皮骨碎補淮牛膝白甘菊原杜仲酒炒斷絲枸杞子蛇牀子槐角子金櫻子覆盆子川黃連建澤瀉以上各五錢按十六節以上二十四味俱合二十

四氣除去青鹽鍋內煎汁至半漚渣再將渣煎過半漚清沖和煎濃入馬料豆三升七合女貞子一升七合按陰陽二氣一至二分合年月日時週天度數餘一合半以置閏者數十滾將青鹽研細傾入同煎以汁盡為度取豆曬乾收貯磁瓶每晨四錢滾湯送下如遇出門飢餓即可嚼食代點此豆謹按陰陽二十四氣合週天度數製法得中和補益之妙久服能令人鬚髮再黑齒落更生耳目聰明手足便利壯陽補腎固本還元多育子息多增年壽常服不斷可成地仙凡腎虛目暗上盛下虛者尤為切合

四寶大神丹 家寶方能治五勞七傷服藥後忌腥臭發物房事馬料豆五升用混堂油製九次黃芪八兩人乳製七次白當歸酒洗四兩金櫻子二斗去內子與毛外去刺淘淨熬膏臨收時加童便一二盞聽用右將前三味和金櫻膏丸如梧子大每服三錢桂圓湯下 明目補腎兼治筋骨疼痛○不藥夏方小紅棗十二枚冷水洗淨去蒂甘州枸杞子三錢小馬料豆四錢水二盞煎一盞早晨空心連湯共食之 絕瘧製首烏剩下黑料豆可以絕瘧凡四日兩頭瘧用豆煎湯服即愈○截三日瘧視移

湯共食之 絕瘧製首烏剩

效方常山雲苓官桂甘草檳榔各三錢小黑豆四十九粒酒水各二盃慢火煎二盃當晚先服一盃蓋暖而睡留一盃至次日須將發前早兩個時辰服要熱服蓋暖臥待瘧至亦輕鬆亦有當日而愈愈後忌房事戒食生冷勞碌風霜忌食雞羊牛蛋白扁豆半月永截不發○又祕方集驗治瘧檳榔蘿蔔子常山甘草各一錢紅棗四枚烏梅七枚馬料豆每歲一粒水二盃煎一盃服忌三日葷油永不再發痰喘氣急 同壽錄用梨剉空中心納小黑豆令滿留蓋合住紮緊糠火煨熟搗作餅每日食之

中風口噤 文堂集驗方馬料豆一升煮濃汁如飴含升在口即能言也 黑白丸治痞積開胃消食

健脾補腎○百草鏡方馬料豆白茯苓去刺各一筋炒磨末蜜丸梧子大每服二三錢開水送下 治陰症手足紫黑 集驗方黑料豆三合炒熟好酒烹滾熱服加葱鬚同烹更妙 盜汗 文堂集驗方

蓮子七粒黑棗七枚浮麥馬料豆各一合水煎服三次愈 腎虛腰痛并治陰虧目昏 活人書用腰

式烏缸豆馬料豆各一兩煮湯入鹽少許五更時乘熱服忌鐵器 陰虧目昏老眼失明 活人書馬

料豆甘枸杞女貞子各十兩陰虧目昏除女貞子為末煉蜜丸梧子大早晚服二三錢自效 赤白帶

下 白果去皮煮熟蜜餞每日清晨喫七枚再食炒馬料豆一兩白滾水送下數日愈 妊娠腰痛酸

軟 產家要覽馬料黑豆二合炒焦熟白酒一大盃煎至七分空心下 治產後中風口噤目眩角弓

反張 姚希周集驗用黑料豆鍋內炒極焦沖入熱黃酒內服之立效再服回生丹全愈 華真君三

豆湯稀痘 楊春涯驗方菜豆赤飲豆馬料豆等分每日煮湯與小兒喫出痘自稀如遇痘毒亦用此

湯飲之搗搽敷上其毒自消 痘風爛眼 集驗云風爛眼用醃白梅一個去核入綠礬少許川椒三

十粒以五銖錢二個夾之用苳麻紮住無根水浸洗自愈若出痘得此症再加馬料豆一歲一粒投水

中 眼藥丸方 周氏家實用馬料豆一升炒蟬蛻四兩酒洗去頭足木賊草四兩去節菟絲子一筋

炒甘菊花四兩曬乾白蘆菜一筋各為末水法為丸每服二三錢晚服滾湯下如若年高桂圓湯下

各種癬 陳別駕彬曾任太醫院官有治各種癬方用馬料豆以瓦罐不拘多少裝入罐內罐口以銅

絲罩格定使豆不能倒出然後用大高邊火盆一個盆鑿一孔將罐倒合孔上四圍以乾馬糞壅之火

燃罐底盆底下用磚墊空安盤一個接油上火煨罐內豆自焦有油從盆底滴入盤中色如膠漆以此

搽癬三次即愈 解藥毒 凡服藥過多以致頭面浮腫唇裂流血或心腹飽悶臍下撮痛者用馬料

豆菜豆各四兩合煎汁連豆服病好為度 中附子川烏天雄斑蝥毒 不藥良方馬料豆煎汁服之

即解 蠶豆葉治瘤 急救方頸後粉瘤馬料豆葉辟麝香草同搗敷患處其瘤漸軟漸消破則手擠

去粉疔瘡不破聽其自消

蠶豆殼 治癰瘡 行篋檢祕用油鹽蠶豆殼一鍾麻油浸一週時取起將豆殼瓦上焙研為末麻油調

搽患處立愈 膈食 指南云用蠶豆磨粉紅糖調食數次即愈小便日久不通難忍欲死 慈航活

諸般部 蠶豆殼 醬油 糟油 腐散 三十一 上海錦章書局印

人書蠶豆殼三兩煎湯服之如無鮮殼取乾殼代之 黃水瀉瘡 毛世洪經驗集云凡大人小兒頭面黃水瘡流到即生蔓延無休者用蠶豆殼炒成炭研細加東丹少許和勻以真菜油調塗頻以油潤之三日即愈 治漏 種福堂方用炒熟蠶豆殼磨末每服三四錢加沙糖少許調服 瘡瘡 張卿

子外科祕方用鮮蠶豆搗如泥塗瘡上乾即換之三五次即愈如無鮮者用乾豆以水泡胖搗敷亦效 吐血 張卿子方以新蠶豆殼四五年陳者炒煎湯飲之即愈 天泡瘡 蠶豆黑殼燒灰存性研末加枯礬少許菜油調敷一次即愈 藥性考云蠶豆苗能醒酒

醬油 糟油 以麩豆拌罨成黃鹽水漬成之伏造者味厚秋油則味薄陳久者入藥良 味鹹性冷殺一切魚肉菜蔬毒塗湯火傷多食發嗽作渴 解食荔作脹以陳年醬油飲少許即消 中輕粉毒以三年陳醬油化水頻漱之集簡方

糟油 藥性考摩風瘧腰膝痛開胃暖臍止嘔噎解蔬菜毒 腐漿 沫 渣 皮 乳 鍋巴 泔水 麻腐 瀕湖綱目於豆腐集解註腐皮堪入饌而漿乳皆遺

之又胡麻亦可作腐綱目胡麻條亦遺之今悉為補概名曰腐 腐漿 味甘微鹹性平清咽祛膩解鹽滷毒 藥性考云味甘微苦性涼清熱下氣利便通腸能止淋濁銀杏研漿 傷寒十日不汗 張

卿子妙方用未點豆腐漿一大盃調好白蜜熱服即出汗愈神效 腳氣腫痛難走者熱豆腐漿加松香末搗勻敷過夜即好行走永無後患 大便下血 古今良方葶薺一筋或半筋豆腐漿不沖水者

一大盃將腐漿頓極熱搗葶薺汁乘熱沖入飲之 鹽葶 救生苦海用豆腐漿點糖少許日日早服一盃不間斷過百日自愈 治黃疸 劉羽儀驗方每日空心冷喫生豆腐漿一盃喫四五次自愈忌

食生蘿蔔 痰火吼喘 經驗廣集飴糖二兩豆腐漿一盃煮化頓服愈 治勞及自汗 回生集方用黑豆淘淨磨成腐漿鍋內熬熟結成皮每食一張用熱黑豆漿送下即效○凡人每日清晨喫黑豆

腐漿大有補益可以免癆病之患 肺癰肺痿 用芥菜瀉陳年者每日將半酒杯沖豆腐漿服後胸中一塊必塞上塞下塞至數次方能吐出惡膿日服至愈 血崩 不藥良方生豆腐漿一盃生韭

菜汁半盃入漿內空心服一二次 五妙湯治產後并弱症 郁文虎傳方用頭鍋腐漿一盃腐皮一盃生雞蛋一個打碎沖入漿內再加圓眼肉十四枚白糖一兩入漿內滾服五更空心食 陳廷慶云

豆腐漿入陰分瀉火通淋濁凡淋症用六一散沖腐漿食最妙五更沖雞蛋白糖點服甯嗽補血粵人層層剝皮血肉外露此沫熱洗即愈 腐渣 此造豆腐所剩之渣人以飼豬入藥須用生腐渣治一

切惡瘡無名腫毒神效不藥良方用豆腐渣在砂鍋內焙熟看紅腫處大小量作餅子貼上冷即更換以愈為度 大便下血 古今良方用不見水豆腐渣炒黃清茶調服即愈 治瘰癧瘡邊瘡爛臭起

沿 養素園方生豆腐渣捏成餅如瘡大小先用清茶洗淨絹帛拭乾然後貼上以帛纏之一日一換其瘡漸小肉漸平此費啟彰親試有效之方也又可敷腳蛙 腳上皮膚生水孔而皮溼爛者 不藥良方豆腐渣貼三日即愈不要落生水 賜風下血 慈航活人書雪花菜即豆腐渣用末曾瀝出漿者帶水鍋內炒燥爲末每服三錢紫血塊者白糖湯下紅血塊者砂糖湯下日三次雖遠年垂危者服之神效 腐皮 味甘性平養胃滑胎解毒 小兒遍身起羅網蜘蛛瘡躁養難忍 仁惠編用豆腐皮燒存性香油調搽自愈 落頭疽 慈惠小編用壁上蟾子五六隻腐皮包好喫完即愈 冷嗽劉羽儀驗方乾豆腐衣燒灰存性爲末熱陳酒調下喫四五十張即愈 水腫脹 種福堂方陳芭蕉扇去筋燒灰存性五分金子去油殼二分五釐滑石二分共爲細末以腐衣包滾水送下十服愈腐乳 一名菽乳以豆腐醃過加酒糟或醬製者味鹹甘性平養胃調中 腐巴 此即腐漿鍋底所結焦巴也入藥曬焙研末或生搗作丸皆可斥藥性考名鍋炙開胃消滯逐積 治淋濁補血 慈航活人書有五效丸用豆腐鍋巴一兩加川連一錢同搗丸如桐子大每服五錢赤帶蜜糖滾水吞下白帶砂糖湯下熱淋尿血白湯下腸風下血陳酒下 血風瘡先將豆腐汁浸洗去靨以布拭乾用前末藥卽川連腐巴粉末丸時留一半眞麻油調搽乾則再塗三四次自愈 翻胃 神方珍記用豆腐鍋巴黃色者佳炒研末每服三錢沙糖湯調服白湯下 痢疾 神方珍記陳冬米炒豆腐鍋巴二味各等分爲細末空心白湯調服二三錢服後宜餓半日自愈 腐泔 卽豆腐所灑下之水也藥性考云豆腐有鹽漬點者有石膏點者俱能清熱 性清涼能通便下痰通癰閉洗衣去垢膩 麻腐 乃胡麻小粉所造者味甘性平潤肌滑腸 解毒 蔣儀藥鏡滋生賦云麻腐豆腐粉清腸清胃芝麻殼 此乃脂麻外殼也綱目載其苗曰青囊又有麻枯餅麻花麻稽無麻殼因補之 湯火傷 楊春涯驗方芝麻殼燒存性研細遇火傷者用麻油調搽卽愈倘溼爛乾摻之 半身不遂 千金不易方芝麻殼五錢酒煎服出汗卽愈

諸蔬部

甘儲 煨粉 甘儲酒 一作甘薯又名朱薯以其皮有紅者也一名金薯今俗通呼爲番薯或作番茹有

紅皮白皮二色紅皮者心黃而味甜白皮者心白而味淡南方各省俱植之沿海及島中居民以此代穀其入藥之功用亦廣而諸家本草皆未載李頌湖特補列綱目中惜其所言者惟補虛乏益氣力健脾胃強腎陰而已他皆未之及焉乾隆五十一年冬今 上特允閣學侍郎張若淳之請勅直省廣勸栽植甘薯以爲救荒之備陸中丞耀有甘薯錄之輯所載衛生一門實足補李氏所未及因擇錄之以補其遺陸公原序云甘薯卽薯蕷之屬見於陳祈暢異物志稽含南方草木狀中土之有此物其來舊矣第不甚貴重栽植者少明季有閩人陳經綸復自呂宋移其種歸巡撫金公學曾勸民樹藝閩人德之

號為金薯然自是長樂謝肇浙黃州李時珍新城王象晉各有論述皆不及經綸事而其裔孫世元父子復為金薯傳習錄盛侈其先世傳自呂宋之功一似中國素非所產者此考證之疎也夫以一物之微足以備荒療疾而又不費功力其為功於民食實不淺渺前任布政使李公渭嘗舉以教山東之民其性又喜沙土高地於山海之區尤屬相宜五雜俎百穀之外有可以當穀者芋也薯蕷也而閩中有番薯似山藥而肥白過之種沙地易生而極蕃衍饑饉之民多賴全活此物北方亦可種也羣芳譜朱薯一名番薯大者名玉枕薯形圓而長本末皆銳皮紫肉白質理膩潤與芋及薯蕷自有各種氣香生時似桂花熟者似薔薇露撲地纏生一莖蔓延數十百莖節節生根一畝種數十石勝種穀二十倍閩廣人以當米穀有謂性冷者非二三月及七八月俱可種但卵有大小耳卵八九月始生冬至乃止生便可食若未大者勿頓掘令居土中日漸大到冬至須盡掘出不則敗爛金氏學會曰薯蕷外番因名番薯形如王瓜藕臂如拳如指如卵如棗大小不一實同種別皮有紫有白有深淺紅有濃淡黃肉亦如之蒸熟勻膩如脂甘平益胃性同薯蕷海隅人以供饗殮蔓延極速節節有根入地即結每畝可得數千觔勝種五穀幾倍徐氏元尾曰昔人謂蔓薯有六利柿有七絕予謂甘薯有十二勝收入多一也白色味甘諸土種中特為復絕二也益人與薯蕷同功三也徧地傳生薯蕷作種今歲一莖次年便可種數十畝四也枝葉附地隨節生根風雨不能侵損五也可當米凶歲不能災六也可充饗實七也可釀酒八也乾久收藏屑之旋作餅餌勝用錫蜜九也生熟皆可食十也用地少易於灌溉十一也春夏下種初冬收入枝葉極盛草穢不容但須壅培不用鋤耘不妨農十二也陸公薯錄有溉種藏製諸法雖無關於藥病而有濟於備荒故併錄之種薯宜高地沙地起脊尺餘種在脊上遇旱可汲井澆灌即遇澇年若水退在七月中氣候既不及藝五穀即可剪藤種薯至於蝗蝻為害草禾蕩盡惟薯根在地薦食不及縱令莖葉皆盡尚能發生若蝗信到時急令人發土徧壅蝗去之後滋生更易是天災物害皆不能為之損人家凡有隙地但尺數尺仰見天日便可種得石許此救荒第一義也歲前深耕以大糞壅之春分後下種若地非沙土先用柴灰或牛馬糞和土中使土脈散緩與沙土同行根重耕起要極深將薯根每段截三四寸長覆土深半寸許每株相去縱七八尺橫二三尺俟蔓生既盛苗長一丈留二尺作老根餘剪三葉為一段插入土中每栽苗相去一尺大約二分入土一分在外即又生薯隨長隨剪隨種隨生蔓延與原種者不異凡栽薯須順栽若倒栽則不生節在土上則生枝在土下則生卵約各節生根即從其連綴處斷之令各成根苗每節可得卵三五枚凡藤薯已遍地不能容者即為游藤宜剪去之及掘根時捲去藤蔓俱可飼牛羊豕或曬乾冬月喂皆能令肥脂二三月種者每株用地方二步有半而卵徧焉每官畝約用薯三十六株四五月種者地方二步而卵徧焉畝約六十株六月種者地方一步有半而卵徧焉約一百六株有奇七月種者地方三尺以內得卵細小矣畝約九

百六十株種疎密略以此準之九月畦種生期如著如棗擬作種此松江法也金氏曰薯苗入地即活東西南北無地不宜得沙土高地結尤多天時旱澇俱能有秋養苗地宜鬆耕過須起町高四五寸春分後取薯種科置町內發土薄蓋縱橫相去尺許半月即發芽日漸蔓延長一丈或五六尺割七八寸爲一莖勿割盡留半寸許當割處復發生不息若養薯作苗須用稍長尺許密密栽豎如養葱蒜法栽莖使牛耕町寬二尺許高五六寸將莖斜插町心約以七分在町內三分在町外町內者結實町外者滋蔓每莖相去一尺餘十餘日町兩旁使牛耕開令曬又七八日以糞壅之仍使牛培土每町可得薯三四觔若雨多須將蔓撥町上毋令浮根匝地然實結地內蟲不能災葉如食盡亦能復發早栽宜稀晚栽宜密二四月栽者實粗大七八月栽者實細小秋末實始加大冬至前當掘盡不掘盡亦不能大熟時須先割蔓置町下俟乾捲起冬月割喂牲畜若北地早寒則遲一個月栽早一個月掘宜遲宜早亦看天氣寒暖耳甘薯疏云江南田汗下者不宜薯若高仰之地平時種藍種豆者易以種薯有數倍之獲大江以北土更高地更廣即其利百倍不啻矣倘慮天旱則此種畝收十石數口之家止種一畝縱旱甚而汲井灌溉一至成熟終歲足食又何不可取種之法羣芳譜云九月十月間掘薯卵近根先生者勿令損傷用軟草包裹掛通風處陰乾一法於八月中揀近根老藤剪七八寸長每七八根作一小束耕地作畦將藤束栽如栽韭法過月餘每條下生小卵如蒜頭狀冬月畏寒稍用草蓋覆至來春分種一法霜降前取近根卵稍堅實者陰乾以軟草作襯另以軟草裹之置無風和暖不近霜雪不受冰凍處一法霜降前收取根藤曬令乾於窰下掘窖約深一尺五六寸先用稻糠三四寸次置種其上更加稻糠三四寸以土蓋之一法七八月取老藤種入木筒或磁瓦器中至霜降前置草筒中以稻糠襯置向陽近火處至春分後依前法種金氏曰存薯之法不一在人變通或存木斛草圓瓷甕竹籠中俱可但性畏寒又畏熱置避風和暖處用草浮蓋俾通氣若封固則發熱壞爛敏前在東甌玉環見其島民少穀食多以茹爲糧彼土有地率多種茹土人云其利十倍於穀以茹糧多者爲富其收茹之法多曝乾切條以竹席圍如圍儲之久亦不蛀用則以水煮代飯云食之多力鮮病蓋其味甘能補脾土故也金氏曰薯初結即可食味淡多汁及時則甜煨食煮食燻食亦可生食切片曬乾碾作餛飩磨作粉餌滾水灼可作丸拌麪可作酒春細水濾去渣澄曬成粉其葉可作蔬○范成臺灣府志長而色白者是舊種圓而黃赤者出自文來國金姓者攜回故名金薯○諸羅縣志他物下種必用子用仁或原物根芽獨薯不然取一條片片切之只留皮一面種之發根生苗亦一異也 氣味甘平無毒主治補中和血暖胃肥五臟白皮白肉者益肺氣生津中滿者不宜多食能壅氣煮時加生薑一片調中與薑棗同功紅花煮食可理脾血使不外洩敏按甘儲俗傳能發諸病患痔漏者愈後食之復發亦以性能下行而滯氣故也 痢疾下血 傳習錄云痢疾之起多因脾胃先虛而後積滯成痢其有

脾氣虛甚欲健中焦者必宜甘溫之藥其有命門不暖欲實下焦者必宜純熱之藥至若溼熱所致煩熱口燥腹痛純紅小水黃赤以及下血者用此薯蒸熟以芍藥湯頻頻嚼服或薯粉調冬蜜服亦愈

酒積熱瀉 傳習錄云泄瀉之症不一或水土相亂併歸大腸而瀉或土不制水清濁不分而瀉或小腸受傷氣化無權而瀉或真陰虧損元陽枯涸而瀉者此皆各從其類治之若酒溼入脾因而飧泄者用此薯煨熟食 溼熱黃疸 黃疸之症有四一曰陰黃由氣血敗也一曰表邪發黃即傷寒症也一

曰臆黃驚恐所致也更有陽黃一症或風溼外感或酒食內傷因溼成熱因熱成黃者用此薯煮食其黃自退 遺精淋濁 遺精之與淋濁症有不同故治亦不同然大要責在心脾腎故凡遇此症無論

有夢無夢有火無火或氣淋血淋膏淋勞淋總宜調養心脾每早晚用此粉調服大有奇功 血虛經亂 婦人血虛或遲或早經多不定故陽虛補其陽陰虛補其陰氣滯順其氣其有不宜辛燥寒涼而

宜於清和者用此薯養食頻服調養其脾使脾健生化經期自定 小兒疳積 疳者乾也在小兒為五疳在大人為五勞其病由於哺食乾燥之品嗜啖肥厚之物妄服峻利之藥以致津液乾涸延而成

疳此薯最能潤燥生津安神養胃使常服之則舊積化而疳愈矣 甘薯粳 韋芳譜一造粳將糯米水浸五七日以米酸為度淘淨曬乾搗成細粉看晴天將糯米粉入生水和作團子如杯口大即將薯

根拭去皮洗淨沙石土徐徐磨作漿要極細勿攪水將糯團煮熟撈入瓶中用木杖盡力攪作糜候熱得所大約以可入手為度將薯漿傾入每糯粉三斗入薯漿一筋攪極勻先將乾小粉篩平板上次將

糜置粉上又著乾粉捍薄曬半乾切如骰子樣曬極乾收藏用時慢火燒鍋令熱下二合許慢火炒少刻漸軟漸發成圓球子次下白糖芝麻或更加香料炒勻候冷極浮脆每粳二升可炒一斗芋漿山藥

漿俱可作按此物食之厚腸胃健脚力縮痰涎解毒活血甚妙 甘薯粉 功同甘薯造法用薯根粗布拭去皮水洗淨和水磨細入水中淘去浮渣取澄下細粉曬乾同豆粉用此粉水作丸與珍珠沙谷

米無異按此粉余前在閩中及玉環俱有土人造以售客販行遠方近日甯波及乍浦多有販客市粉價賤於麩粉近日餅餌舖中率多買此攪和麥麩中作果餌以售其粉亦高低不同有曰淨粉則依前

法所造者滾水沖之儼如藕粉故藕粉店中亦多買此攪和并非有識者莫辨有曰行粉則連浮渣一切皆磨細和入只可作餅餌用其色亦黃而不白然其又有甜苦二種沙土細潔者則其茹作粉甜倘先

一年種烟其地次年種茹則苦澀人不售之惟堪作粉味亦苦矣但以味甘有清香化開色如玉者佳甘薯酒 和脾暖胃止瀉益精造法用薯根不拘多少寸截斷曬乾飯煮熟取出揉爛入瓶用酒藥

研細搜和按實中作小坎候漿到看老如法下水用絹袋濾過或生或煮熟任用其入甌寒暖酒藥分兩下水升斗或用麩藥或加藥物悉與米酒同法若造燒酒即用薯酒入鍋如法滴糟成頭子燒酒即

用薯糟造當用燒酒亦與酒糟造燒酒同此酒福建最多土人名土瓜酒燒酒曰土瓜燒其酒味微帶

苦酸烈不醅不善飲者食之頭目微有昏眩亦無大害閩中紹酒價貴此酒值廉土人相率飲此亦以餉客

山百合 此百合之野生者瓣狹長而味甘山人採貨之○藻異云百合有三種一名山百合花遲不香

二名檀香百合可食三名虎皮百合食之殺人○百草鏡百合白花者入藥紅花者名山丹黃花者名

夜合今惟作盆玩不入藥百合以野生者良有甜苦二種甜者可用取如荷花瓣無蒂無根者佳能利

二便氣虛下陷者忌之 逢原云余親見包山土辨中虬化百合有變化未全者大略野生百合虬化

有之其清熱解毒散積消痰乃虬之本性耳○應驗方癰疽無頭野百合同鹽搗爛敷 甘入肺清痰

火補虛損治肺癰救生苦海取白花者三兩搗爛白酒和絞取汁一盃不拘時服七服全愈

石衣 石耳 台州仙居有之生峻嶺絕壁海崖高處乃受陰陽雨露之氣漸漬石上年久則生衣鮮者翠

碧可愛乾者面黝黑背白如雪土人以作羹餉客最為珍品煮法用滾水一盃投鹽少許泡石衣於中

用手細細揉揉去其細砂待軟如絲其細砂去淨色即變紫如玫瑰必得鹽水則所銜細砂始能吐盡

再過清水二三次以雞湯下食滑脆鮮美味最香甘為山蔬第一台州六屬惟仙居有之或云各處深

山皆有非仙居人不能取故仙居人有專業此為生者近則一二百里遠則數百里外向深巖危壑人

跡莫能躋攀者壁上始有此物其取之法入則藤兜飛架衣雞毳躡鞋趨捷如猿猴取之則鉅鈞鋒鏃

輪輻入山有祭買路有楮非仙土人莫能盡其術也然結侶雖多其采取止許一人往不得兩人並採

亦奇也每年必損人故其值昂而貪利者且競趨之 味甘氣清性寒無毒清膈熱利小水化痰消癭

結滯氣有補血明目之功婦人食之能潔子宮易於受胎男子食益精增髓

石耳 羣芳譜石耳一名靈芝生天台四明河南宣州黃山巴西邊徽諸山石巖上遠望如烟廬山亦有

之狀如地耳山僧採曝餽遠洗去沙土作茹勝於木耳○粵志韶陽諸洞多石耳其生必於青石當大

雪後石滋潤微見日色則石生耳大者成片如苔蘚碧色望之如烟亦微有蒂大小朶朶如花烹之面

青紫如芙蓉底黑而皺每當味爽擷取則肥厚見日漸薄亦微化為水凡香草感陰溼之氣而成善發

冷氣多和生薑食乃良惟石耳味甘腴性平無毒多食飲人能潤肌童顏在木耳地耳之上○南粵瑣

記凡青石以烈日輒出汗汗凝結則成石耳青為木氣故生耳若白石則否或曰此亦草之類厚者葷

薄者耳或曰凡乳牀必因石脈而出不自頑石出其在陰洞者為乳牀在陽巖者為石耳石耳之美見

稱於伊尹其言曰漢上石耳蓋上古已珍之矣 性寒或曰平味甘腴無毒○藥性考石耳寒平石崖

野芋 野芋 野芋頭 鬼芋 泥勝之農書芋有六種五野芋六青芋野芋有大毒殺人凡

野芋 野芋 野芋頭 鬼芋 泥勝之農書芋有六種五野芋六青芋野芋有大毒殺人凡

野芋 野芋 野芋頭 鬼芋 泥勝之農書芋有六種五野芋六青芋野芋有大毒殺人凡

野芋 野芋 野芋頭 鬼芋 泥勝之農書芋有六種五野芋六青芋野芋有大毒殺人凡

野芋 野芋 野芋頭 鬼芋 泥勝之農書芋有六種五野芋六青芋野芋有大毒殺人凡

野芋 野芋 野芋頭 鬼芋 泥勝之農書芋有六種五野芋六青芋野芋有大毒殺人凡

野芋 野芋 野芋頭 鬼芋 泥勝之農書芋有六種五野芋六青芋野芋有大毒殺人凡

野芋 野芋 野芋頭 鬼芋 泥勝之農書芋有六種五野芋六青芋野芋有大毒殺人凡

野芋 野芋 野芋頭 鬼芋 泥勝之農書芋有六種五野芋六青芋野芋有大毒殺人凡

野芋 野芋 野芋頭 鬼芋 泥勝之農書芋有六種五野芋六青芋野芋有大毒殺人凡

芋三年不收即成野芋性滑下石毒服食皆忌之青芋亦有毒必須灰汁易水煮之堪食只宜蒸啖之中野芋毒者令人戟喉音啞煩悶垂死以大豆漿或糞汁解之薑汁亦可 葛祖遺方合麻藥治跌打損傷痔漏麻風敷腫毒止痛治瘡癬搗敷腫傷 乳癰 野芋頭和香糟搗敷

青芋 療冷熱止渴

土芋藤 土芋即黃獨俗名香芋肉白皮黃形如小芋一名土卵與野芋不同綱目野芋附家芋內土芋另立一條可知然所引僅據陳藏器一說不知其功能稀痘小兒熟食大解痘毒其藤燒灰傳痘爛成瘡可無癢痕○羣芳譜土芋其根惟一顆而色黃故名黃獨

野芋頭 文堂集驗一名仙人掌同野芋一種但此種葉較小略似茨菇葉有尖此又與草本形如鞋底者不同 仙人掌形如鞋底 治諸物食積已成痞塊者用野芋頭磨爛和糯米粉淡煮粥每早食一茶鍾不用油鹽十服後其積自消試驗無害集驗

鬼芋 羅浮志深谷中產物如薯芋狀山人得之剖作四片入砂盆磨作膠漿鍋煮成膏待冷則凝結如餅塊一復剖為四片添水再煮成膏膏成照前三煮四煮乃可食令飽一芋所煮可充數十人之腹故稱鬼芋焉芋有四異初生不藉根苗葉上朝露著地即成種子一異也採製不令婦人雞狗見之見即化水二異也磨時煮時七須順旋逆之即化水三異也一芋之成由一而四四而十六十六而六十有四如卦象之數四異也聞廬山衡嶽各有鬼芋採製又不同

野毛豆 野毛豆生園隍中蔓生枝細弱葉細尖兩兩排枝對生清明後開淡紫細花結實如毛豆立夏後可採初生苗絕似金鳳花花葉其莢儼似角蒿中有子二圓如小菘豆小滿前後皆黑老便枯落矣○生田陸間莖葉及莢較家者細小一名勞豆 沈氏效方性微寒平肝火治疔疾目疾○百草鏡治黃白疸性能發汗○救生苦海治痘毒八九月時田陸邊採連莖根用煨存性研單用其豆更妙麻油和敷不問初起日久未潰已潰俱效 按通雅引焦弱侯曰野田小豆曰疎音勞陳留者舊傳云赤眉以豎豆與桓牧隋末子通攻江都夏侯端採豎豆食之身之曰野豆也魯刀切勞豆或疎豎二字之訛也然考古今註豎豆一名治豆葉似葛而實長尺餘可蒸食一名豎菘網目鹿藿一名豎豆又名鹿豆即今野菘豆爾雅釋草藿鹿藿注今鹿豆也唐書夏侯端傳擲豎豆以食則似又非野毛豆之屬今野毛豆亦名豎豆豈名同而物異歟並書之以俟考 肝疔初起 百草鏡野毛豆鮮者七錢乾者五錢

雞肝一具同煮食煎服亦可

野蘿蔔 地骷髏 三生蘿蔔 一名紫金皮又名巴壁虎○百草鏡云野萊菔苗葉根形與家種者無二肉雖白而皮色帶黃為異○王氏博濟方以乾萊菔為仙人骨俗又呼地骷髏 雁山志山蘿菔性寒狀如圃種者土人用治癰疽搗汁服之渣塗亦可庚戌子來臨安署內有廢圃多高陸土人呼為山蘿

野蘿蔔 地骷髏 三生蘿蔔 一名紫金皮又名巴壁虎○百草鏡云野萊菔苗葉根形與家種者無二肉雖白而皮色帶黃為異○王氏博濟方以乾萊菔為仙人骨俗又呼地骷髏 雁山志山蘿菔性寒狀如圃種者土人用治癰疽搗汁服之渣塗亦可庚戌子來臨安署內有廢圃多高陸土人呼為山蘿

野蘿蔔 地骷髏 三生蘿蔔 一名紫金皮又名巴壁虎○百草鏡云野萊菔苗葉根形與家種者無二肉雖白而皮色帶黃為異○王氏博濟方以乾萊菔為仙人骨俗又呼地骷髏 雁山志山蘿菔性寒狀如圃種者土人用治癰疽搗汁服之渣塗亦可庚戌子來臨安署內有廢圃多高陸土人呼為山蘿

葡萄與此名同物異 治肺癆 百草鏡以七枚搗汁服

地骷髏 按地骷髏乃刈萊蕪時偶遺未盡者根入地瘦而無肉老而多筋如骷髏然故名能大通肺氣

解煤炭薰人毒非乾萊蕪也王周中所言尚未明晰 痞塊 醫宗彙編陳年木瓜一個地骷髏即蕪

葡種枯根四兩煎汁時常服一小盞數日除根氣痞食痞俱治 萬應丹 海昌方治黃疸變為跛脹

氣喘翻胃胸膈飽悶中脘疼痛并小兒疳疾結熱噤口痢疾結胸傷寒傷力黃腫并脫力黃各症用人

中白以露天不見糞者方佳火煨醋淬七次一兩神麴白荀子地骷髏即土中蘿蔔各五錢砂仁二錢

以上俱炒陳香櫞一個共為末蜜丸桐子大每服三五七丸或燈草湯下或酒下

三生蘿蔔 此乃人工製造者唐正聲傳此法云得自祕授取水蘿蔔一枚周圍鑽七孔入巴豆七粒入

土種之待其結子取子又種待蘿蔔成仍鑽七孔入巴豆七粒再種如此三次至第四次將開花時連

根拔起陰乾收貯罐內遇臘脹者取一枚搥碎煎湯服之極重者二枚立愈

南瓜蒂 綱目南瓜主治止言補中益氣而已至其子食之脫髮今人以為蔬多食反壅氣滯扁昔

人皆未知也吳秀峯言几瓜熟皆蒂落惟南瓜其蒂堅牢不可脫昔人曾用以入保胎藥中大妙蓋東

方甲乙木屬肝生氣也其味酸胎必藉肝血滋養胎欲墮則腹酸肝氣離也南瓜色黃味甘中央脾土

之精能生肝氣益肝血故保胎有效 神妙湯保胎用黃牛鼻一條煨灰存性南瓜蒂一兩煎湯服永

不墮 疔瘡 行篋檢祕用老南瓜蒂數個焙研為末麻油調塗立效

南瓜瓢 治湯火傷慈航活人書伏月收老南瓜瓢連子裝入瓶內愈久愈佳凡遇湯火傷者以此敷之

卽定疼如神

蕪茄 人家園圃多種之深秋山人挑入市貨賣取以熬蕪醬及洗凍瘡用之所用甚廣而綱目不載其

功用陳艮堯食物宜忌云食菜蕪卽蕪茄陳者良其種類大小方圓黃紅不一惟一種尖長名象牙蕪

茄入藥用○又一種木本者名番薑范咸臺灣府志番薑木本種自荷蘭開花白瓣綠實尖長熟時朱

紅奪目中有子辛粹番人帶殼啖之內地名番椒更有一種結實圓而微尖似柰種出咬嚼吧內地所

無也○藥檢云蕪茄一名臘茄臘月熟故名亦入食料苗葉似茄葉而小莖高尺許至夏乃花白色五

出倒垂如茄花結實青色其實有如柿形如秤錘形有小如豆者有大如橘者有仰生如頂者有倒垂

葉下者種種不一入藥惟取細長如象牙又如人指者作食料皆可用 食物宜忌云性辛苦大熱溫

中下氣散寒除溼開鬱去痰消食殺蟲解毒治嘔逆療噎膈止瀉痢祛腳氣食之走風動火病目發瘡

痔凡血虛有火者忌服○藥檢云味辛性大熱入口卽粹舌能祛風行血散寒解鬱導滯止瀉瀉擦癬

百草鏡熏壁蝨洗凍瘡浴冷疥瀉大腸經寒癖 外痔 百草鏡以象牙蕪茄紅熟者剉細甜醬拌食

毒蛇傷 百草鏡用蕪茄生嚼十一二枚卽消腫定痛傷處起小泡出黃水而愈食此味反甘而不

本草綱目合覽 卷八 諸蔬部 地骷髏 三生蘿蔔 南瓜蒂 南瓜瓢 三十一 上海錦章書局石印

粹或嚼爛敷傷口亦消腫定痛 祛臭蟲方 經驗廣集用羊骨頭一個秦椒半筋共入火盆內同鋸

木屑燒之門窗閉緊勿令出烟其蟲自死敏按木屑用樟木者佳 凍瘡 蔡雲白方剝鞋茄皮貼上

即愈 痢積水瀉 醫宗彙編鞋茄一個為丸清晨熱豆腐皮裹吞下即愈 敏按花鏡番椒一名海

瘋藤俗呼鞋茄本高一二尺叢生白花秋來結子儼如禿筆頭倒垂初綠後朱紅懸掛可觀其味最粹

人多採用研極細冬月以代胡椒蓋其性熱而散能入心脾二經亦能祛水溼癸亥子在臨安有小僕

於暑月食冷水臥陰地至秋瘡發百藥罔效延至初冬偶食鞋醬頗適口每食需此又用以煎粥食未

幾瘡自愈良由胸膈積水變為冷痰得辛以散之故如湯沃雪耳又名秦椒李成裕遼載秦椒一名番

椒形如馬乳色似珊瑚非本草秦地之花椒即中土鞋茄也 龍柏藥性考秦地乃草本鞋椒綱目諸

註誤為秦地花椒不知即今之鞋茄又名鞋虎性熱味鞋溫中散寒除風發汗去冷癖行痰逐溼多食

眩旋動火故也久食發痔令人齒痛咽腫

刀豆根 穀附 綱目穀部刀豆條發明下註刀豆本草失載惟近時小書載其煖而補元陽近有人燒其

子存性白湯調服止呃逆有效故瀕湖特為增入而不知其用甚廣今悉補之 治頭風 集聽云刀

豆根乃治頭風之神藥每用須五錢酒煎服 治鼻淵 年希堯集驗方老刀豆文火焙乾為末酒服

三錢重不過三服即愈 穀 治腰痛萬氏家抄用刀豆殼化反好酒調服外以阜角燒烟薰之 牙

根臭爛 洪氏一盤珠刀豆殼燒灰加冰片擦涎出即安 治久痢 種福堂方用刀豆莢飯上蒸熟

洋糖蘸食一二日即愈 治婦女經閉腹痛欲死并消血痞 經驗廣集陳年刀豆殼焙燥為末

好酒服一錢加麝香五釐亦妙 喉癰 張氏必效方刀豆殼燒灰以二三釐吹之立效 楊梅瘡

萬氏濟世方當歸川芎苡仁木通木瓜生地熟地金銀花防己防風荆芥黃蘗白芷知母甘草阜莢豬

苓去皮各二兩人參二錢山紅花刀豆殼各五錢硬飯團二兩水煎一鍋濃汁不拘時當茶服忌魚腥

生冷四劑全愈

地腎 粵志羅浮多地腎一名松黃但松黃未落為松實已落而英華未散為地腎其狀若彈丸大者如

雞卵紅黃相錯一一晶瑩熟之可入饌其生無根蒂散布松下土鬆石潤處有之或亦松蘿之類也乍

浦九山補志松花草山之有松者皆產惟陳山東麓為多三月間松花入土至四五月經雨後即生至

八九月又生鮮肥滑嫩素品之上味也 味甘性平生津消痰治洩瀉不瘥

葛乳 一名葛花菜名山皆有亦產高州粵志高州多種葛雷州入市之為絺綌秋霜時有葛乳涌生地

上如芝如菌赤色味甘脆微苦乃葛之精華也亦曰葛草瀕湖僅據太和山志載其醒酒與酒積成疾

他皆未及故特補之 性涼解肌熱散風火及陽明風熱癰疹

鮮草果 粵志人多種之為香料即杜若非藥中草果也其苗似縮砂三月開花作穗色白微紅五六月

結子其根勝於葉 味辛溫能除瘴氣久服益精明目令人不忘

**眞珠菜**

六安有眞珠菜如眞珠○益部方物略記眞珠菜戎廬等州有之生水中石上翠縷纖蔓首貫珠蜀人以蜜熬食之或以鹽煮可致千里不壞○黃山志眞珠菜藤本蔓生暮春發芽每芽端綴一二

蕊圓白如珠葉翠綠如茶連蕊葉腊之香甘鮮滑他蔬讓美 利水通淋結消腹脹下氣癰閉

**鷓鴣菜**

連江志生海石上色微黑○漳州府志鷓鴣菜散碎花微黑出漳浦 療小兒腹中蟲積食之即下如神

**葛仙米**

生湖廣沿溪山穴中石上遇大雨衝開穴口此米隨流而出土人撈取初取時如小鮮木耳紫

綠色以醋拌之肥脆可食土名天仙菜乾則名天仙米亦名葛仙米以水浸之與肉同煮作木耳味大

約山洞內石髓滴石所成性寒不宜多食四川亦有之必遇水衝乃得歲不常有他如深山背陰處大

雨後石上亦聞生然形質甚薄見日即化或乾如紙不可食矣○梧州府志葛仙米出北流縣勾漏洞

石上爲水所漬而成石耳類也采得曝乾仍漬以水如米狀以酒泛之清爽襲人此原非穀屬而名爲

米傳云晉葛洪隱此之糧采以爲食故名○嶺南雜記韶州仁化縣丹霞山產仙米遍地所生粒如粟

而色綠煮熟大如米其味清腴大抵南方深山中皆有之○宦遊筆記出粵東葛仙洞外有流泉噴薄

石上遂生苔菌之類其狀如米粒青色筆以爲羹味極鮮美土人呼爲葛仙米有未識者疑是青螺按

韶州府志丹霞出仙米頗與此相類但一生沙土一生水石爲異耳○陸莊蕃粵西偶記道書寶圭洞

天即今北流縣勾漏山洞口前後產葛仙米采而乾之粒圓如黍揉麩釀酒極芳香性寒味甘爽解熱

清膈利腸胃 按葛仙米本屬石耳之類憶庚子歲曾於劉明府席間食之時以爲羹儼如青螺狀翠

碧可愛味極甘鮮滑脆適口入蔬爲宜藥性考云清神解熱痰火能療或云久服延年蓋亦能清臟熱

**黃矮菜**

一名黃芽菜咸濟臨安志冬間取巨菜覆以草積久而去其腐葉黃白鮮瑩故名黃芽萬歷杭

州府志杭人訛爲黃雅菜戒庵慢筆黃矮菜杭州呼爲花交菜○羣芳譜燕京圃人以馬糞入窖壅培

菘菜令不見風日長生苗葉皆嫩黃色脆美無滓謂之黃芽菜乃白菜別種莖葉皆扁 甘溫無毒利

腸胃除胸煩解酒渴利大小便和中止二冬汁尤佳○食物宜忌味甘性溫滑利竅○陳堯士云補虛

贏 按黃矮菜有南北二種南產者惟杭城太平門外沙地產者爲最他處悉高大粗鬆絕無捲心密

葉味亦較遜北產糧艘帶來者味更美質更細且無粗筋有重至十餘筋一顆者南中亦不易得也陳

確齋云食之潤肌膚利五臟且能降氣清音聲惟性滑洩患痢人勿服

**白茄葉蒂**

汪連仕方一名玉盤茄有大小二種大者如雞卵小者如指頭初生色白老則皮黃能入骨

追風治 一切癱瘓根名白風藤合酒蒸服茄實蘸硫黃擦白癩風除大麻風東粵茄園產者良名茄

**本草綱目拾遺**

**卷八**

諸蔬部 眞珠菜至玉瓜

丸葉 治腸紅大便下血劉羽儀驗方用白茄子葉經霜方採刷淨毛去焦黃葉陰乾取三四葉煎濃湯如此喫三四次其血卽止永不復發此方曾經邪犬咬過之人勿服 蒂 治發背及一切毒癰初起味水軒雜記用白茄蒂七個生首烏等分酒煎服卽消

天茄

出廣中如大姆指其形如茄而有棱黑色堅如石擊之不得碎其蒂黃黑如醬色一種牽牛花嫩

子蘇人采爲蜜餞入食品者亦名天茄大能破氣與此迥別 胃脘痛 救生苦海水磨服之每服一

枚見效

蠟毒 五雜俎記關中有天茄可治蠟毒

牛心茄子

產瓊州一核者入口立死兩核者可以糞清解之入外科膏藥用麻藥用此藥只可外敷不宜內服

緬茄

高濂珍異藥品云緬茄一作沔茄形如大栗上有單帽如畫皮樣出滇南緬甸地方堅如石○滇

略緬茄枝葉皆類茄結實似荔枝核而有蒂土人雕刻其上而繫之拭眼去翳亦解瘡毒○滇南雜記緬茄出緬甸大而色紫帶圓整蠟色者佳○粵志廣東高州府出木茄上有方蒂拭眼去昏障卽緬茄也 水磨塗治牙疼抹眼眶去火毒又能解百藥毒 治疔瘡走黃 夏朋彙集此方出寶坻張相

公百發百中真神效方凡疔瘡走黃毒攻入內不知人事但有氣者可救用緬茄一枚以磁盆盛黃酒

將茄放盆內磨得下磨不下只管於酒內磨一鍾約熟茶時將酒裝入長頸錫壺內再入連鬚葱二根

牙咬不令斷白豇豆七粒如蕎麥開花時加蕎麥七粒別時不用又用小麥令眾人嚼成麩筋封固

壺口放水鍋內煮一炷香取出熱服出汗卽愈

醬茄糟茄

此卽人家醬中食茄入藥宜陳年者佳

治耳癢出膿

妙藥方醬茄擠汁滴之 治牙

疼

周氏家寶方醬茄燒灰存性爲末掩患處

腹內驚痕

壽域方陳年醬茄燒存性入麝香輕

粉少許脂調貼之

糟茄

山海草函燒灰存性治驚口疔

玉瓜

卽廣昌土瓜出江西常中丞宦遊筆記廣昌土瓜本草不載形甚拙圓者如瓠或磊砢如贅疣無

瓣無瓢長沙土中外汗內潔細肌密理剖之白如冰玉入口清甘無滓消煩釋滯或熟食之亦佳殆瓜

中異品也其性蔓生春種而秋成冬初始入市無種春深後切瓜連皮成小塊用沙土覆於室內久之

芽生於是就沙地爲窖令深而寬藉以茅欲其中通而根可旁達旣長密葉蔓生纍纍插竹引之上行

培以雞糞乃繁碩土人又名玉瓜抱朴子云五原蔡誕入山而還語家人曰予至崑崙得玉瓜以玉瓜

井水洗之乃軟可食是豈其遺種耶江西他縣亦有產者然小而渣多惟廣昌附郭五里內爲佳子食

於元宵後喜其味美至郡覓之東風送暖瓜卽不可留矣 味甘性平調中益氣舒鬱化滯消食清大

小腸火生津滋血和營衛熟食補脾健胃

節瓜 粵草志節瓜乃冬瓜中一種小者白皮蔓地生一節生一瓜得水氣最多故解暑毒 止渴生津 驅暑健脾利大小腸

穿腸瓜 吉雲旅鈔穿腸瓜乃大便解出甜瓜子生苗結實土人名糞甜瓜不拘大小皆可入藥採來曬

乾新瓦焙焦為末乳鉢研極細攤地上出火毒收貯聽用但此瓜不易有須以人力製造其法將爛熟

甜瓜與七八歲小兒空心帶子食之令其勿嚼碎子次日解出大便子裏糞內帶糞曝乾時早即於本

年下出倘時晚不及生瓜花亦可用否則藏於次年下種更好大人便出者子亦可種此瓜生在夏秋

若春冬要用必須預備 治痔漏 吉雲旅鈔有秘授消痔神方不論遠年近日痔漏三服除根用穿

腸瓜焙存性為末每末一兩加蟬蛻末三錢五分以金銀花五錢浸酒一二日煎數滾調藥末每服二

錢七分空心金銀花酒下外以白海南花並根葉煎湯不時先熏後洗三日即愈海南花春冬無鮮者

預收陰乾備用蓋痔漏乃大腸鬱火臟腑積熱發而為腫為痛為瘡久而成管今用此藥以散火消毒

去積除壅其管自退不問新久屢試屢驗忌房事惱怒煎炒辛辣熱物並發氣之類百日永不復發此

方傳自西洋僧有洋客患痔漏痛甚不能上海船其僧出此藥與服三日即愈求其方送洋布十匹黃

金五兩始得此方用無不效 天骷髏 此乃鄉野村中桑樹及屋籬上所掛霜打絲瓜也其子名烏牛子 治婦人白帶血淋脹積

聚一切筋骨疼痛並宜服之汪連仕方 鬼骷髏 汪連仕云乃殘老之向日葵其子性烈通氣透膿合麝香急性子搗爛為膏貼臍能落胎 敏

按冬日桃園中有樹上乾枯殘桃亦名鬼骷髏與此名同物異 白鼓釘 宦遊筆記口外白鼓釘即內地蒲公英葉有鋸齒鑿裝鋪地與內地生者迥殊內地者花早開

單瓣生沙漠者花開於夏至前宛似黃菊一望燦然滿地其蕊瓣重疊顏色嬌媚暮春草甫萌芽口外

咬此味用之不竭不啻春韭秋菘也採食之清火亦為通淋妙品其莖中折斷有白汁諸蟲盛夏孕育

人手觸之成疾百藥難效取汁厚塗即愈鄭方升云一莖兩花高尺餘者掘下數尺根大如拳旁有人

形拱抱搗汁酒服治噎膈如神按上所載皆綱目未及言者且口外所產又與內地異綱目蒲公英入

柔滑類歸草部今沙漠所產人以作菜茹故入菜部亦各從其類也 清火毒鬱熱通乳通淋消腫治

膈噎療一切毒蟲蛇傷 三寶薑 香祖筆記產臺灣鳳山縣相傳明初三寶太監所植治百病有效

響薑 滇南記產雲南百夷中餌一刀圭終其世斷絕人道土人以飼壯馬不之宜也 川薑 出川中屈曲如枯枝味最辛粹絕不類薑形亦可入食料用○包汝楫南中紀聞云扶叢鄉獠人

攜木薑土茶餉余受其木薑作羹味如茶葉醬即此物也 味辛性熱治胃寒散冷積寒澀痰氣

本草綱目合覽 卷八 諸蔬部 節瓜至乾冬菜 上海錦堂書局石印

沙蔥 西北遊記口外沙石中生野蔥一名楞蔥一名沙蔥石楞中所產故名楞沙石中所產故名沙

其葉與家蔥同大更過之味粹於家蔥根絕似蒜頭大更過之味亦粹於蒜善食粹辛者不能整一

枚雖細如草莖攢生於沙磧甚密脆之調羹勝如韭雉羹芻羹尤宜又有沙蔥草與沙蔥相似人食

之心迷亂馬食之腹隱痛惟宜於藁駝採者折以辨之沙蔥本脆折易斷此草柔韌難折入藥取根

○西域聞見錄丕雅斯類野蒜頭大如雞子葉如蔥而不中空味辛甘肅人呼爲沙蔥回人嗜之

寬中下氣消食解肌活血發汗表風寒滌宿滯

風蔥 臺志出臺灣 療風疾

番蒜 徐昆柳崖外編番蒜出臺灣番地外形似木瓜中似柿有浮山張氏宦於閩一婢食蠶肉後誤食

莧遂病面黃腹脹脫穉欲死者數矣半載後有饋番蒜者婢偶食之遂大瀉有物如小蠶者數十少頃

爽然疾若失方知番蒜可治蠶莧毒也 治蠶癩解毒水毒

蒜梗 此大蒜近辨處中心短梗也乾者入藥用 治瘡成管 年希堯集驗方用大蒜梗燒灰存性搽

患處其管自消 坐板瘡 黃氏醫抄用蒜梗燒灰爲末先洗淨去靨將藥末搽上 洗漏立驗 良

朋窠集云夏應遴試效過防風荆芥地骨皮川椒藜艾瓦松各五錢槐條一兩陳蒜梗二兩共入麻布

袋內熬滾熱盪止疼神效 熏痔瘡 救生苦海蒜梗陰乾以火盆置微火將梗投入移火盆於木桶

刺兒菜 西北遊記即內地之紫花地丁俗呼刺兒菜葉如柳有刺毛夏開紫花生平地者起莖生溝壑

者起蔓內地有在之生口外沙漠者花開於夏至後大如蒜頭色紫可愛人多採食之暮春萌芽之

際挖其根狀如大枝人參色較微白巨者如蘆菔烹調適口誠塞外鮮品然乾其根帶回內地入藥其

清火之功勝於金銀花解毒之用更捷於山茨菇一物而兼二物之用如此 清火疎風豁痰解一切

疔瘡癰疽腫毒如神

波斯菜 卽今紅菜一名洋菜汪連仕云生長海陽者佳根本紅豔色鮮麗 止血治刑杖瘀血攻心搗

汗沖酒服卽散可理跌打

乾冬菜 陳冬菜酒 陳芥菜酒 黃金子 冬菜乃白菜杭俗小雪前後居人率市白菜以鹽醃之作

齋藏爲禦冬及春時所食名曰冬菜頗利膈下氣其滷汁煮豆及豆腐食能清火益肺誠食中佳品

也至春分後天漸暖菜亦漸變黑色味苦不堪食以之曬作乾飯鍋上蒸黑再曬再蒸如此數次乃

曝之極燥貯在器中可久藏不變名曰曬乾菜卽乾冬菜也年久者出之頗香烈開胃噤口痢及產

蓐以之下粥大有補益蒜白菜本能和中下氣利三焦通二便合土德之精有生金之用乾之則苦

返其初而從母化也久蒸久曬則味反甘全其德故有中和之連功與參耆等惜乎世多忽而不知

余故特爲表之瀟湖綱目林下無乾菜之用殊爲缺略近日覓橋人所市者乃蘿蔔其所乾與芥菜乾蒸曬成者皆不入藥須人家冬白菜醃作蒸曬年久者爲佳○羣芳譜有造黑醃醬法用白菜如法醃透取出挂於桁上曬極乾上飯蒸熟再曬乾收之極耐久藏夏月以此醬和肉炒可以久留不臭卽今乾冬菜也 開胃下氣益血生津補虛勞已痰嗽年久者泡湯飲治聲音不出和酒搗爛塗湯火傷

白火丹 黃氏傳方此症形如水脹肢體俱腫皮膚青色白飽脹不食畏見燈火用冬菜勿落水陰乾陳三年者可用愈陳愈妙煎湯洗浴并煎服之立消如神

**陳冬菜滴汁** 清肺火痰嗽解咽喉腫毒 物理小識鹽乾菜水滴蜈蚣卽死以鹽菜炒雞蜈蚣亦不食

**陳芥菜滴汁** 味鹹性涼治肺癰喘脹用陳久色如泉水緩呷之下痰清熱定嗽眞能起死回生○作法以芥滴貯甕中理行人處三五年取用

**糞金子** 凡油白菜收子作種者其中心老根內必有一子枯時搖之有聲剖出名糞金子以其得糞力

而花實幹中子又得菜之生氣大能益人曰金子重之也田種者其子更佳○王聖俞云糞金子在收菜種子時其中幹內剖出形如鼠糞而黑色如麥粒大小千百幹中不過數十粒蓋有生不生之別不能每幹皆產也 治血症取三錢炒研白湯調服立愈 治慢驚神效 王聖俞

**麒麟菜** 出海濱石上亦如珊瑚枝菜之類瓊州府海濱亦產周海山煌琉璃國志載雞腳菜麒麟菜皆生

海邊沙地上又名鹿角菜今人蔬食中多用之煮食亦酥脆又可煮化爲膏切片食綱目鹿角菜云甘大寒滑陳芝山食物宜忌云微鹹性平大有消痰功用瀕湖反引孟詵一說以爲有微毒不可久食能

發痼疾且其主治止載下食風氣小兒骨蒸治丹石熱結解麪毒何味其功用乃爾耶茲特表之○朱排山柑園小識石花菜生海中沙石間高二三寸狀如珊瑚有紅白二種洗去沙土煮化凝成膏糟醬

俱佳又有細如牛毛者呼牛毛石花味稍劣郭璞海賦所謂土肉石華是也 味鹹性平消痰如神能化一切痰結痞積痔毒○敏按盛京志龍鬚菜生於東南海濱石上叢生狀如柳根長者至尺餘白色

以醋浸食亦佳蔬也土人呼爲麒麟菜出金州海邊鹿角菜生東南海中大如鐵線分了如鹿角紫黃色乾之爲海錯水洗醋拌則如新味今金州海邊有之據志則似一類二種也 石花膏 毛世洪養

生集治辛苦勞碌之人或嗜酒多慾忽生外痔發作疼痛步履難移服此或大便瀉一遍或不瀉亦卽止痛可以行走再用搽洗等藥自能斷根用麒麟菜洗去灰一兩用天泉水煮烱和白糖五錢食之此

方乃李治運臬司傳靈隱寺僧杭人蕭成子患此症僧往候授以此方服之隨愈子記之後治數人多效

**諸筍乾筍** 綱目竹入苞木類以筍附菜部所載亦止苦竹筍竹淡竹冬竹諸筍且於義類多未詳盡不

知春冬所出性皆各別鮮乾諸品味亦迥殊則入經絡主治目不能合一陳芝山食品眞一筍譜及食

纂所載較詳頗近時尚即取以補之 春筍 筍譜其佳者曰豬蹄紅冬月即生埋頭土中以錫掘之可三寸許其味極鮮甲於他筍未出土名豬蹄紅若長尺許則其籜圓故人名圓筍亦名蚤筍蓋冠諸筍而先出者 味甘辛微寒下氣養血利膈消痰化熱爽胃解渴利水療風邪止喘嗽 毛筍 即茅

竹筍筍之大者筍譜毛筍為諸筍之王其籜有毛故名俗呼為貓筍者非也大者重幾二十餘筋猶未出土肉白如霜墮地即碎以指招之其軟嫩如腐嗅之作蘭花香毛筍大者清明後方有其出於臘月及正月者形短小籜亦有毛土人名貓兒頭食之多嗜心然消痰之力較勝他筍味甘性平利九竅通

脈化痰涎消食脹多食令人易饑 鞭筍 即發於竹邊者夏秋有之其生於四月者曰梅邊蓋感梅雨溼蒸之氣而生頗早味淡肉硬不如秋生者筍譜邊筍即毛筍之旁出者方筍盛時生氣上升皆醫生氣既衰根既橫生盡其力可橫亘十餘丈至地之邊際與竹之長短相稱謂之竹邊改名邊筍

狀類鞭亦名鞭筍地肥者軟嫩長尺許其籜紫色而兼白其味極淡而鮮其氣隨而有蘊藉不類毛筍之精英盡發洩於外也 味甘性寒開胃利腸消痰渴 冬筍 即潭筍沈雲將食纂貓竹冬生筍

不出土者名冬筍又名潭筍 味甘溫陳芝山宜忌云味甘性寒利九竅通血脈治吐血衄血及產後心腹痛一切血症食之肥白人食纂消痰滑腸透毒解醒發痘疹中諸筍毒者生薑麻油解小兒及脾虛者多食難化食物宜忌痘疹不出採未出土冬筍煮粥食即有生發之意不藥良方 青筍 即青

竹筍竹細小故出筍色青山間遍地有之係野竹所生筍也即時下俗呼水竹者是也胡承謀湖州府志天目出筍乾其色綠聞其煮法旋湯使急轉下筍再不犯器即綠矣 味甘止肺痰吐血鼻衄治五痔并妊娠食纂 青筍乾 即青竹筍鹽湯煮曬乾者出杭臨安天目者最佳色如鸚哥綠有尖上尖

毬子二尖等名味鹹甘性平爽胃消痰 鹽筍乾 以春筍鹽湯煮曬而成有泥黃烏尖直脚等名味鹹甘性平利氣清痰 衛筍乾 以筍用鹽湯煮熟重乾而成 味鹹甘性平利膈化痰 羊尾筍乾 主治同 處筍片 俗名素火腿以毛筍微醃湯煮熏乾而成 味甘微鹹性平利血消痰 菜

筍片 即玉版筍以毛筍淡煮曬乾者浙閩江西多有有草鞋底蝴蝶尖玉版等名湖州府志菜筍大者謂之闊絲有名泥裏黃者尤美 味甘性平治實喘消痰張石頑云乾筍淡片利水豁痰水腫葶藶丸用之

紅海粉 蟲語海珠生嶺南狀如蛞蝓大如臂所茹海菜於海濱淺水吐絲是為海粉鮮時或紅或綠隨海菜之色而成或曬晾不得法則黃有五色者可治痰或曰此物名海珠母如墨魚大三四寸海人冬養於家春種之瀕湖田中遍插竹枝其母上竹枝吐出是為海粉乘溼舒展之始不成結以點羹湯佳治赤痢風痰 疳積壞眼 慈航活人書穀精草小青草俱炒青黛水飛海粉刺蒺藜使君子肉各一兩為末早用羊肝七片拌菜三錢蒸熟食